

Digitized by the Internet Archive
in 2011 with funding from
Duke University Libraries

REPETITIO- NEM PRIMAM

*F. Claudij de Sainctes De
rebus Eucharistiae
controuersis.*

THEODORI BEZAE
Responsio.



GENEVÆ
Apud Eustathium Vignon.

M. D. LXXVII.

RECEIVED

NOV 18 1884

LIBRARY

OF THE

CONGRESS

OF THE UNITED STATES

OF AMERICA



W. H. R. 1884



THEODORVS BEZA

G. N. IN FORO PARI-

sienſi cauſarum patrono.

S. P. D.

MVLTVM debere me tibi pro-
fiteor de re nihili, qui magnum
illud Claudij noſtri volumen
tam diu poſt eius etiam editio-
nema me expectatum miſeris, id eſt *πρὸς τὸν*
καὶ Λοιδωριῶν ἀμάρτυρα. Auebam enim ſcire
ecquid iſte tandem poſt tot terra marique
diſcuſſationes, proferret quod non eſſet ab
aliis dictum & à noſtris refutatum, qua in
re meam opinionem ne in hoc quidem ſeſel-
lit quòd pleraq; ex malis deteriora fecit. Iu-
re an iniuriâ hoc dicam æquum eſt vt ex re
ipſa æſtimetur. Sed vide, quaſo, quanta iam
mihi dignitas ex iſtius inſectatione acceſſe-
rit. Scis enim iſtic non deeſſe, qui me Episco-
patum nescio quem hîc gerere, imò etiam in
Galliis regnum quoddam affectare, tum vo-
ce tum ſcriptis clamitent. Sed quid ſi Papa
Æ. ij.

iam euasi? Est istic moribus iam pridem receptū, ut uni Romano pōtifici fas sit Episcopos creare, et si hanc potestatem cum Regibus postea Antichristus est partitus, nescio an militum exemplo, qui crucifixi Domini vestes inter se diuiserunt. Queris quid hoc rei sit? Dico ingratum istum iam, & fratrem (siue Monachum) simul & Episcopum, quem episcopatum ait sese heri sui intercessionem, regū duorum nominatione, prioratus sibi in hunc usum ab eodē hēro suo Cardinali donati cōmutatione, post alios multos frustra captatos consequutum, nobis propriè referre acceptū debuisse: sicut meministi factū superioribus annis, ut Archipoeta ille vester Abbas crearetur. Negas? imò ut ipsemet testatur, quauis praeda iam esset ab ipso irretita: non est tamen ad Cardinalium collegium de admittenda regis nominatione prius relatum, quàm de librorum in nos Calvinianos editione, duobus prioribus pro arrabone missis, fidem fecisset. Imò (ut etiā videas, quàm ille sacer Antichristus in nostri gratiam benignus & liberalis esse cōsueuerit) quas aliis solet bullas magno pretio addicere, gratuito est isti largitus. An illa porro adipiscendi Episcopatus ratio sit veteribus canonibus cōsentanea, & quo pudore à duobus nostris regibus in sui ipsius

ipsius gratiam factum probet quod à S. Ludouico usque adeo laudat fuisse repudiatum ut etiam pontificis diploma quo nominandorum episcoporum potestas ipsi tribuebatur in ignem coniecerit, ipse viderit, quod sine ipsius detrimento fiat. Illud quidem certe ipsi exprobrari non posse fateor, quod contra veteres Canones saltu, sicuti loquuntur, non ordine in istam sedem ascenderit, ut qui prius Cardinali suo totos, ut ait, sedecim annos fuerit ἀκόλῃτος. Sed ne iocari me quisquam in re tam seria putet, & ne cui videar hanc illi offam inuidere, quam per me sanè totā illi fas sit absorbere, quid tibi de hoc videtur, quod ab ipso Christo dicit Petrū fuisse causæ suæ quasi iudicē ac cognitorē cōstitutū? annon, quæso, tibi, quū istud tam nefarium dictum legeres, illud Pauli in mentē veniebat, Aduertarius & efferens supra omne id quod dicitur Deus ac numē? I nūc & istū perditū mirare sese à nemine iudicandū iactare, qui suorū mācipiorū suffragiis sedeat ipsius filij Dei index. Miror autem ab isto non etiam illud proferri, quod Christus Petri pedes lauerit. Sic enim quàm optimè suam illam subscriptionem defendit, Ad humillima beatissimorum pedum, vestrorum oscula Fr. Cl. de Sainctes

Episcopus Ebroicensis. *Atqui ne Evangelizantium quidem pedes Esaias beatos nedum beatissimos, sed pulchros dūtaxat vocavit. Et hæc est scilicet Ecclesiæ Catholicæ fides, hæc Petri Cathedra, hæc arca Noe extra quam non est salus. Quid verò? quum istū videres longum illum Cardinalium catalogum veluti indigitare quos ad miraculum vique probos & sanctos vocat, in quibus nostra gentis quosdam omnibus notissimos nominat: & quum istud legeres ubi de moribus Romanis agens, In omnibus, ait Romana Ecclesia seipsam præbet bonorum operum exemplum, risum an lachrymas continuisti? Rectè tamen istud inter multa tam mala, quòd Montanos illos pontificum catamyctos praterijt. Deinceps verò illius ad Brunechildem epistolæ Gregorij particulam ab isto citatam legens, quod sit istius adulatoris iudicium, & viam nostrorum temporum historiam nō animaduertisti, nisi duas in unam conflatas experiremur? Sic olim nimirum Dominus, & inuiti Bileami, & Caiaphæ imprudentis linguam non animū rexit. Αἰσχρολογία ipsius in historia Capeti præmitto. Nam Monachum scilicet ista βιωτική nefas est curare. Sed quàm est, obsecrò, facetus homo iste quum ex perpetua Gallo-*
rum

rum pro Romanis pontificibus sollicitudine, progressum monarchiæ Gallicæ metitur? & quum illū narrantē audis præliū illud unū & alterum ipso spectatore & alterius Mosis partes scilicet agēte, an nō lōgè iucūdisimū spectaculū cernere tibi vidēris, monachū videlicet post principia & inter sarcinas secū de fuga potius quā de fide catholica cogitantem, parta demū victoria mortuis, ac præsertim Illustrissimī prīcipis cadaueri insultātē? *Condae*

Nec enim dubito quin istius carnificis instigatione factum sit (quidni enim sic vocauerim qui carne & sanguine quotidie pascatur?) ut contra quā iste comminiscitur, nō modo non sit indignissimæ illius principis morti illachrymatum, quo nullum ætas hæc nostra neque pientiorē neque generosiores tulit, sed etiam illi quanuis perfidiosissimè contra belli iura, perfosso sclopeti ictu capite trucidato, modis omnibus insultatum: abiecto etiam in coquinam tanti regis sanguinis principis cadauere, cuius tanquam mortui leonis barbam pueri vellerent, donec affinis est repertus, qui sicut Nicodemus à Pilato mortuum repesceret. Et nos scilicet præterea pessimā causam tutatos esse constiterit, si modo mentiti sunt qui Psalmo 79. his verbis de hostium barbarie conqueruntur, Dede-

runt cadauera feruorū tuorū escam volatilibus cœli, & carnē eorum quibus beneficus fuisti, bestius agrestibus. *An iste verò quum ista & alia eiusmodi scriberet, obliuisci potuit controuersia inter Iobum & amicos ipsius agitata, in qua Dominus secundum Iobum contra ipsius amicos eodem prorsus, ac iste argumento vtentes, iudicium tulit? Bis superate à Beniamitis reliquæ tribus an propterea malam causam tuebantur? an nō iam pridē Satan istud occinuit, Hæc omnia tibi dabo si prostratus adoraueris me? Sed non omnes Christi spiritu ducuntur quos Satan compellat, quos tamen nunc saltem meminisse oportuit esse ἐχθρὸν αὐτῶν δὲ ὦρα, nec esse vt Dei, ita etiam Satana, munera ἀμεταμέλῃτα. Quinetiam hoc iste vt singulare quiddam annotat, (ego planè ominosum dixerim,) quòd à Carolo quidem rege sit ultimus, ab Henrico verò primus Episcopus nominatus, scilicet (sicut ipsemet in causa sua dicit, ne quid ad blasphemiam deesset) vt esset ipse quidam duorum regnorum nexus & lapis angularis. Egregium sanè commentum, & Monachi blasphemii cerebro conueniens, qui quoniam fortasse papatum iam spe deuorauit, iam sibi non dubitat filij Dei propriam appellationem vendicare.*

Quid-

EPISTOLA.

Quidni enim id faciat Christi uerus Episcopus, ipsummet Christi corpus intra domicilium pectoris sui circumgeñans ut Christus non modo uiuat in eo scilicet, sed etiam quasi ἑγὼ αὐτὸν εἶδος loquatur? Rectè tamē, fateor, & iustè fecit iste, si modo ualet uestra Iustitiæ suum cuique tribuentis definitio, quum libros pro istius Eucharistiæ Cyclopica defensione scriptos, Antichristo Romano, unico illius monstri creatori, consecrauit, id est, fumos fumorum venditori rependit. Quo enim nomine potius istorum nugas sanctissimas appellem, qua de re ut plane liqueat age quàm putida sit ista σφισινὴν uideamus.

Sacramentum corporis & sanguinis à quibusuis accedentibus accipitur,

Ergo à quibusuis accipitur corpus ipsū Christi.

Deus nunquam offert Sacramentum absque re Sacramenti,

Ergo nunquam illud absque ista accipitur.

Deus non est mendax,

Ergo quisquis Sacramentum accipit, corpus etiam Christi accipit.

Christus dixit, Hoc est corpus meum,

Ergo panis tràssubstantiatur in corpus, vel consubstantiatur realiter cum corpore.

Ex unico pane nō possunt edere oēs Chri-

stiani penè innumerabiles.

Ergo qui panis dicitur ab Apostolo, ex quo omnes edimus, est ipsum corpus Christi.

Deus est omnipotens,

Ergo nec transsubstantiatione neque Consubstantiatio neganda.

Victimæ adumbrantes Christum, corporaliter mactabantur & comedebantur, Ergo non satis est Christum corporaliter immolatum esse, sed etiam corporaliter est manducandus.

Moses demonstravit solū sanguinē typicū quum diceret, Hic est sanguis fæderis, Ergo Christus quum diceret, Hic est sanguis meus suum sanguinem nec aliud quicquam demonstravit.

Panis & vinum sunt corpus Christi & ore sumuntur.

Ergo corpus & sanguis Christi ore sumuntur.

Fides non ambigit de veritate & potentia verbi diuini,

Ergo simpliciter credendum panem esse substantialiter corpus Christi.

Ratio humana & sensus falluntur in plarisque rebus diuinis,

Ergo nec ratione nec sensibus utendum in re Sacramentaria.

Deus potest omnia,

Ergo

Ergo potest efficere ut panis euadat corpus Christi.

Qui Christi participationem urgent in Cæna Domini, inter se dissident.

Ergo falluntur omnes.

Maxima pars hominum tuetur τὸ πρῶτον in verbis institutionis,

Ergo vera est hæc sententia.

Allegoriis deceptus est Origenes cum multis aliis,

Ergo nullus tropus in verbis Cæna Domini admittendus.

Spiritualis verborum Christi explicatio magnas turbas parit in Ecclesia,

Ergo est falsa & impia.

Multi viri boni defenderunt τὸ πρῶτον in verbis Cæna,

Ergo qui sic sentiunt boni sunt.

Multi ex iis qui τὴν δόξαν in verbis Cæna tuentur, impiè viuunt,

Ergo sententia hæc est impia.

Sacramentum Cæna Domini habet aliquid peculiare,

Ergo ad huius Sacramenti naturam explicandam nihil attinet aliorum Sacramentorum collatio.

Corpus Christi non est ex angue,

Ergo sanguinis potus in calice non est neces-

EPISTOLA.

sarius.

*Christi caro ubicunque est, est adoranda,
Ergo Eucharistia est adoranda.*

*Et istæ ubiquitarum portētoſæ argumen-
tationes cuiusmodi tandem ſunt?*

*Chriſtus eſt Deus & homo inſeparabiliter
& hypoſtaticè,*

*Ergo ubi diuina eſt natura (eſt autem ubi-
que) ibi quoque eſt humana.*

*Chriſtus ſedet ad dextram patris ſecun-
dum naturam humanam,*

Ergo eſt ubique ſecundū naturā humanam.

*Aſcendit Chriſtus in cælum, ut imple-
ret omnia,*

Ergo caro Chriſti eſt ubique.

*Omnis plenitudo deitatis habitat in
Chriſto,*

Ergo caro Chriſti eſt omni præſens.

*Nec verò facerem ineptiæ diſinem, ſi hæc
perſequi liberet, quæ quū videamus à mun-
do non modo recipi ſed etiam ſuſcipi, & qui-
dem tanto cū ardore veletia furore, ut quid
uis potius paſſuri plerique videantur, quam
non dico ab iſtis apertiſſimis mendaciis diſ-
ceſſuri, ſed paſſuri ut alij oculos aperiāt, quis
non animaduertat in iſis impletum quod ait
Apoſtolus de erroris ſpiritus efficacia, & ho-
minibus iſis vñ ἀδολον traditis? Quod ſi*

EPISTOLA.

quis roget, cur igitur hac in re operam ponam, dicam quod res est. Erat hoc iam pridē mihi constitutum, istos semel missos facere.

Quia tamen ex nonnullis intellexi non deesse, qui quod nostra non legerint, per hunc Sophistam in mēdacio confirmētur, apud quos ipse quoque sic sese vēditet, ut sua refelli nō posse tum sibi tum aliis persuadeat: vorandā hanc quoque molestiam mihi credidi, partim ne quis infirmus in errorem ab istis abducatur, partim ut si qui ex illis sanabiles sunt, agnita ipsorum fraude veram sententiā se quātur: cuius nostræ qualiscūque opellæ hoc tibi principium habeto, tantisperdum, quod brevi, Deo fauente, sum facturus, ad cetera respondeam. Quod ad ceteros desperatæ per uicaciæ homines attinet, habeant sanè sibi similes labra lactucas, & qui sordescit sordescat magis ac magis, donec is in iudicio appareat, qui paleam à tritico separatam in horreum suum congeret. Bene vale. Geneuæ
XIX. Februarij, quo ipso die homines hoc anno apud vos in porcos sese penè trāssubstantiant, quæ istic est pænitentia ad Cyclopicum pascha celebrandum, παρασχυνί. Anno temporis vltimi M. D. LXXVII.



T H. B E Z Æ R E

*sponsio ad F. Claudij de Sainctes
repetitiones de rebus Eucha-
ristiæ controuersis.*



Ad primæ repetitionis

C A P V T P R I M V M .



A G N O illi tuo volumini, Santesi,
quod tu Repetitiones aptissimè
vocaſti, quàm optissimè fieri à me
poterit, responsurus: vt tua quan-
uis non recta sanè methodo co-
gor, ne fortè si singula tuæ vestigia nō persequar,
dissimulasse nonnulla vel subterfugisse videar.
Agimus enim in speciē de vnico Eucharistiæ Sa-
cramēto. Sed quū huius cōtrouersix decisio ma-
gna ex parte posita sit in recta Sacramenti defi-
nitionis explicatione, ea si nō improbè, at certè
imperitè à te prætermiſsa est, vt & illa quæ cum
definitione cohærent. Nihilo rectiùs autem à te
proponuntur tres, vt tu inquis, quæſtiones, de
quibus inter nos agi scribis, quæ scholastico mo-
re tuis verbis, & secundū à te propositā seriem,
sic dispono.

I De verborum significatione, quibus Christus

a. j.

Eucharistiam instituit,

2 *De existentia corporis & sanguinis Domini sub specie panis & vini.*

3 *De eiusdem corporis esu & sanguinis potu, statuine debeant spirituales duntaxat, ut per fidem solam fiant, an rea es & substantiales. ut ipso facto corporis & sanguinis natura recipiantur à nobis, & immissa corpori nos totos alāt ad vitam immortalem.*

De his autem perpetuò sic sensisse dicis Ecclesiam per totū orbem diffusam, vt asseruerit.

1 *Sensum institutionis, quem litera gignit mordicus esse retinendum.*

2 *Panem & vinum transire in corpus & sanguinē Domini, quæ loco illorū succedant: ac proinde*

3 *Corpus & sanguinem Domini re vera sumi.*

Huic autem veritati repugnare nos omnes, quos in factiones quinque nempe Lutheranos, Cinghianos, Buceranos, Calvinistas, Brentianos denique nunc quidem diuidis: in eo quòd singuli in aliquam figuram verbum institutionis Eucharistiæ detorqueamus. Sed Lutheranos, & Buceranos in secundo & tertio capite ita consentire vobiscum, vt transubstantiationem tamen negantes doceant præsentiam corporis & sanguinis Domini non nisi in vsu & sumptione Sacramenti inesse.

Cinghianos verò & Calvinianos hoc corpus & hunc sanguinē diceretam longè remota esse à Sacramento, quàm cælum à terra, neque aliter percipi quàm pura fide, neque aliud quicquam ex ipsis ad nos peruenire quàm gratiā, & nescio quid aliud spirituale.

Calvinianos tamē claudicātes modò ad Lutheranos

ranos, modò ad Cinglianos propendêre, sed omni detracto fucò nouum modum præsentiæ excogitare, vt dicant panem & vinum esse efficacia signa corporis & sanguinis Domini: vt nò solum per fidem, sed etiâ re ipsa corporis Christi substantia cum pane (sed tamen extra panem) manducetur, & sanguis bibatur à spiritu nostro, quoties cum fide panem illum edimus, & vinum illud bibimus, adeò vt etiam indignè manducantibus offeratur corpus Christi cum pane, tametsi extra ipsum panem, & quanuis ab eis non manducetur. Itaque verba Domini, *Hoc est corpus meum* interpretari, *Hic panis est signum efficax corporis mei*, neque interea corpus & sanguinem propius nobis adimouere quàm cælum terræ, sed spiritu. seu potius stultitia (vt tu scilicet sapiens loqueris) cælum peti iubere; vbi Christi caro defixa resideat.

Brentianos contrà contēdere Christi humanitatem toto cælo & terra, ac quocunque loco spargi & diffundi, eique æqualem diuinitati omnipotentiam & vbiquitatem tribuere.

Quum autem in omni controuersia primùm omnium sit animaduertendum, quibus de rebus quæratur, accuratè quænam ista tua sint nobis peruestigandum puto. Dicis tribus de rebus à nobis disceptari. Imò sanè multò plura sunt in hac ipsa controuersia, de quibus inter nos contenditur, sicut inter disputandū apparebit. Quòd si particulares quæstiones tibi libuit ad præcipua quædam capita renocare, debuisse te dico istas potius quæstiones ponere, *Sitne corpus Christi nunc in terris situm*: &, *Si situm est in terris*

num in hoc Sacramento sitū sit. Et si sitū est, sitne cū hoc pane & hoc vino, an verò in illorū expulsoꝝ & ad nihilū redactoꝝ locū succedant. His enim expofitis nullus erit tertiæ tuæ quæftioni locus relictus. Quæftio verò prima à te pofita nō ad rem ipsam fed ad eius probationē pertinet, quò etiā plurima alia Scripturæ loca fpectant, de quorū interpretatione nihilo magis inter nos cōuenit.

Secunda denique quæftio quam ponis, explicari commodè nifi noſtra prima diſceptata: non poteſt. Itaque videre omnes opinor negotium eſſe mihi cum eo homine, qui veritatem in diſputando quærere minimè videri poſſit. Age tamen conſtitui per hæc quoque deuia te perſequi, & ad illa ſic tibi reſpondeo. Lutheranos quos vocas, nunquam tibi conſeſſuros mordicus magis à vobis quàm à ſe τὸ πικτὸν retineri. Agite igitur, ſi vobis placet, cum Geminiano, vt Iuriſc. loquuntur. Nam ego quidem quin vtriſque plurimū in tribus iſtis à vero aberretis non dubito.

Quod Buceranis tribuis, *Sacramenta* eſſe in ipſo duntaxat vſu Sacramenta, omnes nos(quos hæreticos appellas, ipſe potiùs verè artolatra) vt verè dictum amplectimur.

Quod ad nos quos Caluinianos appellas attinet, agnoſcimus verè hæc nobis abs te tribui,

Humanitatem Chriſti tam procul nūc abeſſe à ſignis quàm cælum à terra, quum illa ſit in cælis & nō alibi, ſigna verò ſint in terris & nō alibi.

Signa panis & vini eſſe efficacia ſymbola corporis & ſanguinis Domini.

Præter ſigna panis & vini, quibuſcunque accedentibus

cedentibus offerri quoque corpus & sanguinem Domini, quæ tamen à solis fidelibus percipiuntur.

Non tantùm quæ in Christo nobis obtinenda proponuntur, sed imprimis ipsum Christum nobis in hac actione sacra spiritualiter per fidem communicari.

Hæc, inquam, ut verbo Dei & perpetuo Apostolicæ ac orthodoxæ Ecclesiæ consensu confirmata contra Apostaticam Romanam Ecclesiam tuemur, cuius fermēto conspurcata adhuc est Lutheri doctrina non in hoc modò capite, sed etiam in alijs nonnullis. Sed in his te planè sycophantam esse dicimus.

Quòd illam humanitatis Christi in illis æternis Tabernaculis vsque ad vltimum illum diem commorationem transformes conclusionis & affixionis nominibus.

Quòd nos vtrinque propendere falsissimè confingas. Deinde quid istud sit tu videris, *non modo per fidem sed etiam reipsa*. Tuum enim hoc est non nostrum, qui hæc inter se minimè sic comparamus. Nam illud *per fidem* ad instrumentalem causam, *Reipsa* verò ad materiam, siue ad illud ipsum refertur quod fidei instrumento percipitur. At tibi eruditissimo scilicet theologo *per fidem* idem atque *imaginariè* declarat neque quod sit spiritualiter, reipsa fieri videtur.

Illud quoque *ad nos peruenire* ambiguè abs te dicitur, qui nihil nobis admoueri, siue nihil ad nos peruenire putas, nisi si quid corpus nostrū contingat. At nos verè nobis ac reipsa quoque

insinuari dicimus, quod animo etiam solo percipitur, ac verissimam quoque ac realissimam esse credimus nostram cum Christo capite *κοινω-
νίαν*, quod ex effectis etiam sensibilibiter dignoscitur.

Illud autem quod de cælo per fidem & spiritum in his mysterijs petendo dicimus, si stultitia est, quid vobis quoque stultius est, qui sursum corda illos attollere iubetis, quos tamen Christi carnem inter sacrificorum manus quærere docetis,

Postremò Sacramenti vox quum modò symbola per se considerata, modò symbola cum rebus ipsis, modò sacram ipsam totam actionē designet, homonymiam hanc distingui abs te oportuisse dico.

Brentiana deliria: id est, conflata cum altera Eutychetismi parte Nestorij blasphemiam, nos quoque detestamur & priores refutauimus.



AD CAPVT II.

Vnde petenda institutionis Eucharistiæ explicatio.



CONTENDIS in hoc capite petendâ esse veram Eucharistiæ explicationem ex institutionis verbis, quod etiam Christi de coniugio aduersus Phariseos disputantis, & Pauli Corinthios hûc reuocantis exemplo probas: Atqui, mi homo, tute hûc tibi monstrum confingis quod oppugnes. Equis enim nostrum (Brentianos vnos siue
Vbi quitatios

Vbiquitarios excipio, qui à nobis exierunt, quia ex nobis non erant) hoc ipsum non sensit, scripsit, docuit? Itaque non potuisti certiùs ostendere quanto nos calumniandi studio exarseris, quàm quum nos scriberes, *omni studio id conari, ut verba institutionis examini hominum paulatim eripiamus, pro quibus alia substituamus etiam nunquam in scripturis audita.* Illud autem de quo controuertitur, quoniam tu eodem pudore retices patefaciam oportet. Tu ex vnis institutionis verbis decidendam omnem controuersiam arbitraris: Nos hæc ipsa institutionis verba quòd variè intelligi possint, partim cum nostræ fidei articulis coherrentibus & indubitatis, partim cum ijs quæ de alijs Sacramentis eodẽ Verbo Domini traduntur comparari volumus, ut eademum interpretatio vera censeatur, quæ nihil habeat ab istis dissentaneum. Denique valere hîc quoque certissimam illam discernendorum omnium errorum normam obseruandam dicimus, ut ex locorum Scripturæ collatione controuersis omnibus quæstionibus veluti lux inferatur. Hoc verò te hîc faciendum negantẽ quis tandem toleret? Affers tamen has sententiæ tuæ rationes.

Vnam, quòd alia sit ratio Sacramentorum, quàm reliquorum dogmatum, quæ ferè sunt perpetua, hominum naturæ ac rationi insita, cum alijs articulis fidei coniuncta, ab omnium temporum sacris Scripturibus tractata, & quæ possint ex sese mutuò illustrari. Sacramenta verò certo tempore, loco, certisque ac conceptis Scripturæ verbis institui, nec tantum describi, sed etiam quasi formari. Itaq; nec posse nec

debere ex alijs Scripturę locis, sed ex propriis dūtaxat suis sedibus explicari. Ergo verò multa hīc abs te falsa poni affirmo, ex quibustamen ne hoc quidem quod tu vis efficiatur: id est, vt in scholis loquimur, nego antecedēs, & ipsam quoque consequutionē. Falsissima hæc duo essedico, Sacramēta esse noua quædā dogmata & dogmata fidei esse ferè naturæ & rationi hominum insita, Affirmo contrà, idcirco esse instituta Sacramenta, vt sint dogmatum, id est, eorum quæ nobis credenda sunt, *σφραγίδες*? Nec minus illud abs te ineptè dici, quàm si diplomatibus appendi sigilla diceres, vt aliquid præter id quod in ipso diplomate descriptum est homines docerent. Aio & illud ex ipsis Christi verbis, carnem & sanguinem nobis non patefacere quæ Dei sunt, id est fidei nostræ placita imò τὸ τῆς σαρκὸς φρόνημα esse verum Dei odium, & quæ Dei sunt ne cogitare quidem nos ex nobis posse. Sumamus pro exemplo creationem mundi, quæ sanè videtur ex ipsis naturæ principiis peti posse. Dicit Apostolus & verè dicit fidei opus esse, quòd ea quæ cernimus, ex non apparentibus, id est, ex nihilo esse condita credamus: id quod vel vnicum illud Aristotelis de mundi æternitate dogma confirmat. Sunt scilicet sacrę triadis mysterium, hypostatica deitatis filij, & nostræ naturæ vnio, conceptus ex Spiritu sancto, partus virginis, petenda ex morte vita, resurrectio carnis, naturæ & rationi hominum insita. Sed hoc nimirum fundamentum monstris illis & Chimæris vestris nempe accidentibus sine subiecto, corpori nō quanto, trāssubstantiationi denique

nique subternere noluiſti qua in re pudendum
 illum errorem admittis, quem petitionem prin-
 cipij in ſcholis appellant. Sed quid ſi ne illis qui-
 dem conceſſis illud quod tu contendis confe-
 quatur? Sint igitur Sacramenta noui alicuius
 dogmatis tradendi cauſa inſtituta: ſint certo lo-
 co, tempore, certis denique verbis conſtituta,
 deſcripta, efformata: an propterea efficitur dog-
 mata iſta noua, nihil prorſus cum aliis fidei arti-
 culis ſuapte natura cohærens, ac commune ha-
 bere, ad cuius normam horum quoque nouo-
 rum dogmatum explicationem exigi oporteat?
 ac non potius perpetua eſt quædam omnium
 religionis Chriſtianæ partium inter ſe, ſicut in
 naturali ac minimè monſtroſo corpore, ſymme-
 tria, analogia, connexio? Imò vt hoc quoque ti-
 bi largiamur, nihil habere coniunctum ſacramen-
 ta cum alijs fidei articulis: an tu tamen inficia-
 beris communem ac generalem eſſe quandam
 omnium inter ſe Sacramentorum rationem ac
 definitionem, in qua proinde conuenire ſingula
 Sacramenta, quæcunque tandem illa ſint neceſ-
 ſariò oporteat? ac proinde falſum eſſe quicquid
 de ſingulari aliquo Sacramento ſic dicitur, vt à
 generali definitione diſſentiat? Neque enim vel
 ſpecierum notiones *διαρετικαὶ*, vel indiuiduorū
 proprietates notionem *συγκαταπνεύ* tollunt, ſed ei
 potius ſuperſtruuntur, niſi fortasſe vis hominem
 ſic eſſe rationis participem, vt in animalis gene-
 re cum equo non ſentiat. Reſtat igitur compa-
 randas ſaltem eſſe inter ſe Sacramentorum in-
 ſtitutiones vt eo deprehenſo quod tum inter ſe
 commune tum proprium habent, ad eam nor-

nam postea singulorum explicationes exigantur. Sed hoc nimirum malè vos habet, quòd tum ex generali Sacramentorum definitione, quam studio prætermisisti, tū ex proprio cuiusque discrimine vestras illas Chimeras vanissimas esse probamus.

Altera tua ratio hæc est, *Res alias siue dogmata sint siue præcepta, magna ex parte præ se ferre quiddam naturale, perpetuum & per se existens: Sacramenta vero importare tantum quiddam arbitrarium, non perpetuam rationem includens, nec per se existens. Esse enim arbitraria subitanea, & temporaria, sicut circumcisio antequam institueretur, & Baptismus & nostra Eucharistia tempore Abrahe, nihil fuerunt. Non debere ergo quod ad essentiam suam attinet, ex alijs rebus & dogmatibus & locis scriptura alienis indicari: sicut absurdissimum indicaretur ex creaturarum efficacia & medicina indicare de luto & sputo, quo Christus illenit cæci oculos, aut de illa piscina aqua.*

Respondeo rursus absurdissimam esse istam concludendi rationem. Quid enim obstat quominus aliquid sit arbitrarium, subitaneum, temporarium, & tamen aliquid commune & planè consentiens cum naturali & perpetuo quopiam habeat? Nec enim ista repugnantiam in ipsam rei naturam necessariò inuehunt. Deinde quantum tute abes ab ea quam nobis impingis hæresi, si Eucharistiam esse rem per se existentem negas? nisi fortasse ideo per se non existere arbitraris quoniam talis non nascatur, sed vi institutionis aut consecrationis conficiatur, quod si tu sentis, in aliud incommodum rursus incidis.

Cogeris

Cogeris enim aut Eucharistiam facere ab ipso corpore Christi diuersam, quod de signis tam verè nos dicimus, quàm vos perperam negatis: aut vni corpori Christi duo planè diuersa existēdi principia tribuere, vnum videlicet in vtero virginis ex Spiritu sancti virtute, alterum ex certorum verborum pronuntiatione. Deinde si tibi concederem quod tu vis, nempe Sacramentorum essentiam toto genere à reliquis siue placitis, siue præceptis Christianæ religionis dissidēre, an tamen propterea inter se quoque ad eò repugnabunt, vt inter se conferri nullo respectu possint? Quod si possunt, cur non itidem debent vt inde falsarum explicationum vanitas deprehendatur? Ex alienis verò scripturæ locis fieri diiudicationem hanc debere quis tandem nostrum docuit? Denique quàm bella hæc tua est conclusio, Quod diiudicari Christi miracula ex naturæ ordine non debeant, stultum etiam esse de Sacramentis, vel ex eorum cum alijs fidei articulis seu præceptis collatione, vel ex ipsorum mutua inter se comparatione statuere?

Tertia verò hæc tua ratio est, *Latam esse differentiam inter ipsa institutionis verba, quæ Sacramentorū essentia describunt, & alia extra eam dicta de Sacramentis, quæ vel eò alludunt tantum vel aliquam eorum circumstantiam aut abusum perstringunt veluti si quis de circumcisione vellet non ex eius institutione statuere, sed ex scriptis Pauli quum circumcisionem pro nihilo habet, aut inter signa maledictionis cum preputio deputat. Sic hallucinantur (inquis) qui de nostris Sacramentis non ex eorum institutione, sed ex 1. Corinth. 10. decidere student*

& tum ex veteri testamento corradunt, Agnus est paschæ & similia, tum ex nouo alia congerunt ad opprimenda institutionis verba.

Assentior tibi perperam facere qui aliena, vel nihil ad rem pertinentia inter se comparant: tale vero quicquam à nostris admissum esse pernegamus, nec tu fanè vnquam ostenderis. Certè quod de Circuncisione profers, quasi ex vnis institutionis verbis quid de ea sit statuendum diiudicare oportuerit, non rectè abs te dicitur, quum ex alijs demum vtriusque fœderis locis quæ fuerit illius analogia & quis vsus multò plenius & vberius, quàm ex ipsa institutione paucissimis verbis per Mosén descripta intelligatur. locum autem illum Apostoli & alios tum veteris tum noui fœderis an ineptè cum ipsis institutionis verbis ad vestra refellenda comparemus, suo loco disceptabitur.



AD CAPVT III.

Figuratum dicendi genus magis esse proprium Sacramentorum institutioni quàm natiuam vocum significationem.

IN hoc capite de retinenda verborum institutionis Eucharistiæ proprietate disserere incipiens contendis quatuor ob causas eam retinendam nullo figurarum velamēto inuolutam. At contrà tute capite tertiæ repetitionis tertio agnoscis panem & vinum posse figuras, signa, similitudines vocari propter maximam eorum conuenientiam cum effectis corporis

corporis & naturalis & mystici. quod si verum est, certè vel contra id quod superiore capite docuisti istam conuenientiam aliunde quàm ex ipsis institutionis verbis petas necesse est, in quibus tale nihil commemoratur: vel duplicem vocum corporis & sanguinis interpretationem admittas oportet itémque verbum *E s t* totidem modis exponas: propriè videlicet quum corpori naturali, figuratè verò siue significatiuè quum mystico tribuetur. Itaque quanta sit veritatis vtinam nunc tandem animaduertas. Deinde si quid propriè dici putes, ex te quæsiuero, respondebis, opinor, natiuam significationem vocum sic abs te intelligi, quæ translatitiæ opponatur. At ego dupliciter dici posse dico voces propriè vsurpari: vno modo quum natua sua significatione accipiuntur: altero quum ipsarum rerum subiectarum de quibus agitur peculiaris natura spectatur. Sic exempli gratia, si de picta sculptaue imagine loquens dixerim, Hic est ille Simson hostium Ecclesiæ domitor certè verbū *E s s e* aliá significationem induit quàm si de ipso vero Simsone ageretur, vt esset propositio identica, Vtra igitur in hac enuntiatione propria censebitur? non illa certè essentialis, quæ tametsi natua est, tamē maximè impropriè & falsissimè rei pictæ vel sculptæ tribueretur, sed ista quæ ascititia est. Videtur igitur proprietatem vocū non ex ipsarum natura semper, sed ex rebus subiectis, siue de quibus agitur æstimari? adeò quidem vt quæ per se vera & propria est vocis significatio, falsa & impropria euadat si ad rem ipsam subiectam referatur: & cōtrà quæ suapte

natura est falsa & impropria, vera tamen & propria esse incipiat. Ergo, inquires, Sacramenta vultis inanes esse imagines? nequaquam id verò. quanuis ne tu quidem, eo quod citavi capite, imaginis & figuræ vocem repudies. Quo enim iure id facias? Sed imagines esse dicimus veritate rerum quas significant minimè vacuas, quoniã id quod intellectui & fidei suggerunt, verè quoque à Deo spirituali modo participandum offertur. Ergo vt tandem hunc locum concludamus, scito nos quum verbum *Ess* dicimus figuratè, id est, metonymia sacramentali, explicandum natiuam quidem illius voculæ significationem cum hac translatitia comparare: sed eam tamen quæ rei de qua agitur maximè propria est aduersum vos vrgere, quum is demum propriè de re quaque loqui sit censendus, qui vocibus ad eã rem significandam appositissimis vtitur. Sunt enim voces rerum, non res vecum gratia institutæ. Dico igitur nos quum quæ de Sacramentis dicuntur sacramentaliter intelligenda docemus, etiamsi id fieri nisi natia vocabuli alicuius significatione ad translatitiam accommodata non potest tamen maximè propriam significationẽ si rem ipsam spectes tueri. vos autem quum essentialiter intelligenda docetis quæ sacramentaliter dicuntur, maximè impropriam proprietatem ineptissimè, & quum de religione agatur, perniciosissimè defendere. Propterea si hæc quæ tu dicis (quod postea suo loco faciemus) persequi nunc liberet, cuius tu tandem voculæ institutionis formula proprietatem penitus ouisruare comperieris? pronomen enim *Hoc* modo
ad aliud

ad aliud quàm ad hoc ipsum quod manibus acceptum Christus frangebatur & distribuebat, id est, quomodo vel ad indiuidui vagi somniū vel ad sola accidētia, de quibus ne vobis quidem cōstare potest (nisi fortasse rotunda & alba fuisse panis illius fragmenta probaueris) seruata vsitata loquendi forma, transtuleris? Et quo tandem proprietatis genere, vel corpus essentiale Christi pro mystico corpore, vel indiuiduum illud vagum, aut accidentia panis, pro re quapiam ex multis granis, & multis acinis coadunata acceperis? Sed de his aliās. Nunc causas istius proprietatis retinendæ à te prolatas audiamus. Si, inquis, *argumenta de Sacramentis peti oportet ex institutione, necesse est eius rationem certissimam esse & propriam.* Rectius dixisses perspicuam esse oportere. De proprietate antea dixi, esse nimirum sæpenumero ex rei subiectæ, non ex ipsa per se voce diiudicandam. Id enim maximè perspicuè dici quæ rei subiectæ maximè conueniat, siue propria siue translatica significatione voces ipsæ vsurpentur. Ergo, inquis *minimè figuratam esse oportet. Repugnat enim institutionem esse fundamentum veritatis & ipsam figuratam esse, quia in figurata loquutione nulla veritas fundari potest.* Distingo figuræ appellationem, quam si accipis pro merè allegorico aut parabolico sermone, quid hoc aliud est quàm nobis illudere? Num enim metonymia sacramentalis, aut alius eiusmodi tropus, allegoria est vel parabola? Quæ tu hîc igitur ex Irenæo & Augustino citas vt allegorica ostendas aliunde illata luce indigere, non contra nos sed contra vestra illa deliria faciunt, quibus

vniuersam scripturam sacram in fabulas verè
 γράφεις transformastis. Figuratè verò dicta esse
 non posse certa veritatis fundamenta ne in alle-
 gorijs quidem perpetuum esse dico. Quæ tu po-
 stea garris de nostra in explicandis institutionis
 pauculis verbis repugnantia cuiusmodi sint suo
 loco expendemus. Sed quod scribere ausus es,
nolle nos rem Cænæ ex institutione indagari, adeoq̃
institutionis verba subsannare, & ea nobis obijci mo-
lestè ferre, falsissimè & impudentissimè à te con-
 fingi Deum & homines testamur. Declamitas
 postea quum res noua traditur, & in qua nemo
 sine summo periculo possit hallucinari (cuius-
 modi est Eucharistia) non esse admittendas im-
 proprias & ambiguas phrasès. Concedo, & im-
 propriū esse rursum nego quod optimè rei sub-
 iectę conuenit. Ambiguum autem si vocas quod
 plures sensus admittit, vide quousque progre-
 diaris. Dogma fidei Christianæ vel præcipuum
 est, Verbi æterni ἐνοσίφρων. At illud *Verbum caro*
factum est homonymiæ in singulis vocibus obno-
 xium esse, ideóque ab hæreticis exagitatum nō
 ignoras. & à quibus hæreticis? ab ijs qui natiuā
 illarum vocum significationem sectati sunt, con-
 tra quos ostēditur Filium Dei similitudine qua-
 dam aptissima λόγον non tamen προσωπεῖον sed ἐν-
 διάθετον vocari: carnis autem appellatione to-
 tam humanam naturam συνεκδοχικῶς declarari:
 factum denique non transmutatione sui ipsius,
 sed alterius assumptione dici. Et quàm multa a-
 lia possent similia proferri. Res autem sic habet.
 Etiam si voces per se ambiguæ & diuersam in-
 terpreta-

terpretationem admittentes vsurpentur, tamen pro non ambiguis censentur, quoties alterius sententiæ absurditas ex rei ipsius de qua disceptatur natura non obscurè dignoscitur. Sic verbi appellatione non significari prolatum sermonē ex eo manifestum est, quod Filius Dei quum sit Deus, & per quem Pater omnia condidit, necessariò sit aliquid *ὑπὲρ τὰ φύσιν*. synecdoche verò in dictione carnis vel ex communi Hebræorum vsu intelligitur. Factum esse denique accipi pro transmutatione eius naturæ dici non potest, inquam nulla cadat mutatio. Sic quoque in Sacramentis si signum dicatur illud ipsum esse cuius Sacramentum est, miserabilis est seruitus ac planè carnalis, literam sequendo signa pro rebus ipsis accipere, vt scitè scribit Augustinus de Eucharistia ipsa differens, sicut signa inutiliter accipere vagantis est erroris. *Rethorum, ais, præceptum est, τὰ νοινὰ νοινῶς, τὰ κενὰ νοινῶς. At Cæna historia rerum antea incognitarum & insolitarum constitutionem & euulgationem complectitur. Necessarium igitur fuit Christum dilucidè quid vellet effari.* Concedo hoc quoque, & dico non potuisse dilucidius aut expressius declarari sacrae illius actionis mysticæ naturam & finem. Hoc enim dari quod Christus ipse manibus tenens tradebat, doceri verbis Apostolos non oportuit. Sed quorsum hæc darentur, quarum rerum signa & cuiusmodi signa essent, id verò ipsis declarari oportuit: quod multò dilucidius fecit Christus quum signis tribueret ipsarum rerum appellationes, quàm si signa illarum esse simpliciter dixisset. Deinde etsi noua prorsus fuit hæc noui fœderis

obsignandi ratio tunc primùm à Christo instituta, tamen neque incognitum prius erat nouum ipsum fœdus, cuius exhibendi cognitione suo modulo imbuti & virtute seruati fuerunt quicunque Christi aduentum fideles antecesserunt: neque etiam ipsum nostræ cum Christo *κοινωνίας* mysterium translatis vocabulis edendi & bibendi significatum, erat discipulis in auditum, vt qui hoc idem dictum & spiritualiter explicatum ex præceptoris ore audierāt in ea concione quæ Ioan 6. perscripta est. Itaque neque obstupuerunt: neque vt Capernaitæ durum hunc sermonem esse dixerunt: neque, vt de ambiguo sermone dubitarunt, quoniam hæc mysticè & spiritualiter intelligenda esse antea didicerant, sicut alicubi Chrysostomus obseruat. Denique elige vtrū voles. Si *καὶ* ista fuisse vis, *κοινῶς* loquutus fuerit Dominus, quum vix aliter de Sacramentis vnquam sit loquutus Spiritus sanctus sin *κοινῶς* fuisse maus, *καὶ* sanè fuerit loquutus, ac proinde ineptè facis quum vulgatam & tritā significationem verborū in his mysteriis defendis: Itaque quod in sanctæ memoriæ virum P. Martyrem dixisti, improbum & impudentem fuisse Christianarum scripturarum deprauatorem, quin tibi potius ad amissum quadret, obscurum esse non potest.



AD CAPVT IIII.

Ex circumstantijs institutionis Cœnæ Domini non rectè
colligi τὸ πρὸν retinendum.

N CIPIS tuam istam impropriã proprietatem tueri argumentis à circumstantiis Cœnæ dominicæ desumptis. Et quoniam quæ de Sacramētis dicuntur sacramentaliter intelligenda dicimus, negas ex institutionis verbis erui posse hanc circumstantiam quòd Eucharistia sit Sacramentum (quod tamen verum esse concedis) quum nullum verbum de Sacramento faciat. In his verò paucis vide, quàm multipliciter pecces. primùm enim admodum ineptè facis, quum hoc quo res ipsa vel an sit, vel quid sit constituitur inter circumstantias numeras. Deinde quum Eucharistiam esse Sacramentum colligi ex institutione posse negas, certè & illud fateris, id quod primariũ & præcipuum est in hac controuersia (rei videlicet de qua quæritur naturam & definitionem, quæ τὸ τί ἐστίν) vocatur) aliunde quàm ex ipsa institutione petendum. Itaque fundamētum illud abs te antea positum, quòd videlicet ex vnis institutionis verbis hæc omnis cōtrouersia sit decidenda, tutemet euertis. Præterea quum Sacramentũ hoc esse non neges, & pro natura rerum intelligenda sint quæ de rebus dicuntur (nec enim res verborum, sed verba rerum causa sunt inuenta) quid ad nos attinet tantopere quætere quò ex scripturæ loco id eruatui? postremò & illud dico planè cæcum esse oportere qui ex illa

tota Christi actione non videat mysterium siue Sacramentum institui, quum regnū Dei, remissio peccatorum, fœdus denique illud nouum, sicut à Ieremia describitur, propriè loquendo, in esu & potu situm esse non possit. Reponis postea nobis rancidam illam & millies recoctam cram-
 bem, summum videlicet Euangelistarum & Apostoli in describenda Eucharistia consensum, quum alioqui soleant Euangelistæ mutuas operas tradere, & quod ab alio obscurius & figuratè est traditum, id alius magis propriè & plenius enarret. Atqui perpetuum hoc esse nego, nec tu vnquam probaueris. Dico præterea Euāgelistas & Apostolum neque totidem neque iisdem verbis vsos, quod ex ipsorum locorum collatione liquet. Affirmo & hoc tertium, Euangelistas & Paulū mutuas hīc sibi operas tradidisse. Verbū enim ἀλογεῖν verbo ἀχαιρεῖν & τὸ διδόμενον verbo κλάμενον, & τῷτο sine adiectione positum adiectione vocis ποτίζειν: & illud *Nouum testamentum in sanguine meo* per illa, sanguis meus Noui testamenti explicatur. Et additur tum à Luca tum ab Apostolo mandatū, à Mattheo & Marco prætermis-
 sum. Tu verò quid velles præterea ab eorum aliquo expressum vt nostra sententia valeret? nempe vt pro **E S T** scriberet **SIGNIFICAT**, vcl **HOC EST CORPVS MEVM** **SACRAMENTALITER** siue **IN MISTE-
 RIO**, siue **FIDE PERCIPIENDVM**, siue **SIGNVM** aut **SACRAMENTVM** **CORPORIS MEI**. Quid si verè nos vicissim exciperemus, vt vestræ illi quamuis inuisibili, tamen verè Cyclopice, manducationi locus aliquis relinqueretur

queretur, oportuisse aliquem Euangelistarū pro
 Hoc scribere ISTA ACCIDENTIA SINE
 SVBIECTO. vel ECCE CORPVS MEVM,
 & pro EST scribere TRANSSVBSTAN-
 TIATVR, & CORPVS SIMVL ET SAN-
 GVIS, & pro OMNES scribere VOS SA-
 CERDOTES? quid igitur? nempe neque Chri-
 stus sic loquutus, neque Euangelistæ & Apostoli
 sic scribentes, obscurè, aut ambiguè aut inusita-
 tè, sed sacramentaliter de Sacramento loquuti
 sunt: neque causa vlla iusta fuit cur de vestris illis
 tam absurdis tam monstrosis, tam denique à Sa-
 cramentorum fine alienis figmentis deuitandis
 laborarent, quæ iure existimarunt nō magis cui-
 piam Christiano in mentem venire posse, quàm
 naturalem petram fuisse Christum, quoniam di-
 citur petra fuisse Christus, aut agnum reipsa
 Christus esse quoniam à Ioanne Baptista sic ap-
 pellatur. Ista denique quæ tandē calumnina est,
Carnem, sanguinem, substantiam, edere, bibere, altare,
sacrificium, sacerdotium à nobis in ignotas & transla-
tas significationes trahi? Quid amplius? etiam, si
 tibi creditur, *spiritum in Baptismo pro aqua inter-*
pretamur, & Patrem quoque & Filium negamus.
 Imò quis carnem & sanguinem in spectrū cum
 Martione transformat, nisi qui inuisibile & quā-
 titatis expers corpus Christo tribuit? Quis Chri-
 stum priuat vera carnis substantia, nisi qui panis
 crustulo, imò etiam accidentibus sine subiecto
 illum includit? Edendi autem & bibēdi vocibus
 an non vos quoque nobiscum vtimini, quum de
 vnus virtutis Christi participatione merè spiri-
 tuali loquimini? altare quidem fateor nullum in

Christiana Ecclesia, nec sacrificium nec sacerdotium ad Christum rursus pro peccatis reipsa Patri offerendum relinquimus, quæ nō sine manifesta impietate ponitis. Spiritum pro aqua in Baptismo à nobis exponi falsissimum est, quum è contrario, Aquæ interdum vt & Ignis nomen pro Spiritu, ad eius in nobis effecta significanda poni dicamus. Neque tu id potes iure inficiari, quum sic passim loqui Prophetas & Apostolos ipsūque Christum nō ignores. Filii veram hypostasim à Patre esse tātūm abest vt inficiemur, vt contrā, stertentibus vobis, & tetrerrimos illos Seruetum Gentilem, & Postellum in sinu fouentibus, hac veritatem aduersus renatos Samosatenarios & Atrianos primi defenderimus. Quod si Filii essentiam (quam tu perperam cum substantia hīc confundis) vis ab altera Patris essentia propagatam, quam nos vnicam esse in Filio & Patre tuemur, quanuis in Patre vt à nullo, in Filio vt à Patre per generationē communicata spectetur, iam te Dithieitam factum affirmo. neque id sanè mirū ab eo fieri qui tot nobis Christi corpora realia & essentialia fabricetur.



AD CAPVT V.

Ex circumstantia Christi ipsius Cœnā instituentis colligi nō posse simpliciter τὸ πρῶτον in verbis institutionis retinendū,



Ad accedis ad circumstantias personæ ipsius Christi & sic argumentaris, *Christus est omnipotens nec mentiri potest. Ergo potest efficere quod in Eucharistia testatur.*

Istud

Istud verò quis vnquam nostrum negauit? Sed hoc efficere vel potuisse vel voluisse quod tu dicis, id demum tibi probandum est. Rursum igitur id ipsum de quo ambigitur vt probatum assumis, quod est impudentis Sophistæ factum. Noluisset autem illum ac ne velle quidem potuisse quod dicitis, ex eo ipso colligimus quòd mentiri ac proinde cōtradicientia velle nō possit: quod autem velle se testatus est idcirco efficere illum posse credimus, quoniam sit & verax & omnipotens, nempe vt verè ac re ipsa sese nobis in terra positis quanuis in cælis manēs, ad vitam æternā communicet, quod esse verè admirabile omnipotentiae diuinæ mysterium Apostolus meritò testatur. Ad illam autem vestram naturalē presentis & intra manus positæ substantiæ manducationem quæ tandem, quæso, omnipotentia diuina requiritur? Non igitur simpliciter vestra illa commenta inficiamur quod cogitationi humanæ sint absurda, sed quia præter quàm quòd admitti humana ratione non possunt, placitis fidei & Filij Dei veritati repugnant. Quorsum ergo aduersum nos detorseris illud Tertulliani dictū aduersus Marcionitas, ad quos ipsi proximè acceditis, quum corpus suapte natura quantum tamen promodo non quanti re ipsa adesse contenditis?

Restat, inquis, vt videamus an Christus singularem aliquam causam habuerit cur in promulganda Eucharistia obscurius & incertius loqueretur quàm communiter solet. Tantum abest vt habuerit, vt ei adfuerint causæ grauissimæ cur planius, certius & dilucidius quàm solet de alijs rebus, de Eucharistia
b. iiij.

*pronuntiaret : nempe graue & periculosum dogma præceptum & articulum noui fœderis. Atqui tute hîc rursus tibi monstrum comminisceris quod nusquam est : & rursus principium petis. Vis enim tibi concessum omnes translatas loquutiones esse natiuis obscuriores, quum translationes sæpe non minus pateant quàm propriæ significationes, & venustiores ac expresseiores meritò habeantur. Deinde, quod coactus aliquoties repetito, proprietatem non ex rerum subiectarum natura, sed ex ipsis vocibus perperam metiris : & nullam incidere potuisse grauiorem causam particularem cur à communi significatione discederetur affirmo, quàm quod nō de re communi, sed de Sacramēto ageretur. Denique rursus pernego vllum dogma nouum fuisse in Eucharistia traditum, aut vllum fœdus institutum, sed fidei Christianæ & noui fœderis *ἡ παράδοσις* constitutam : nec te minus ineptè ista scripsisse, quàm si diceres nouum aliquod testamentum fieri, quū de sigillo ei apponendo statuitur aut ipso appposito sigillo obsignatur.*

Postulas etiam tibi produci exemplum alicuius fœderis vel Sacramenti à Deo vel Christo eius imperati ut credendi & cum salutis periculo agendi, etiam in vetere testamento figuris obnoxio, quod aliter sonet quàm ad verbum sit intelligendum, aut è vestigio non sit explicatum.

Astutè tu quidem credendi & agendi voces adiecisti ut tibi caueres. Sed quid si tu sic quoque mihi aditum ad te refellendum aperuisti? Ritus igitur in ipsis obeundis mysteriis seruandus, sicut externus est per se & à communi nihil differens

differentia, ita etiam communibus vocibus explicetur oportet. Sic nudis verbis Circūcisio, Phasē, cæremonialis vniuersus cultus declarantur & præscribuntur. Sic quoque Baptismus & actio Cænæ Domini describuntur. Communia enim sunt aqua mergere vel aspergere, panem accipere, frangere, comedere, & vinum infusum bibere. Sed quod in illis ritibus credendum ipsi menti & fidei offertur, siue quæ sit res Sacramentorum, & in quem finem præcipuè instituta sint, id vērò sicut in figura proponitur, ita etiam vix aliter quàm figurato dicendi genere proponitur, nempe ne signa vel inania putentur, vel pro rebus ipsis accipiantur. Sic Circūcisio externa fœdus vocatur, quum tamē propriè nō sit ipsum fœdus, sed (vt eodem loco dicitur) fœderis signū sit. Ergo, inquis, *ostendite ubi similiter sit dictum panē & vinum esse signa corporis & sanguinis.* Quasi verò hæc lex sit perpetua vt si quod per se satis intelligitur semel tamen est quanuis citra necessitatem explicatum, semper quoque in re simili declaretur. In sacrificijs quoties additur promissio expiationis peccatorum, id est nō quid agatur exterius, sed finis & vsus sacrificiorum declaratio, siue quid fuerit in iis credendū toties signo tribuitur quod est rei significatæ, id est, Christi, qui vnus tollit peccata mundi, quum sanguis hircorum & taurorum ne vt Sacramenta quidem emundare conscientiam vnquam potuerint. Quid? quum τὸ πρῶτον dicitur nouum fœdus in sanguine (quod quidem non spectat ad id quod foris agitur, sed ad id quod per id quod agitur credendū proponitur) vt in omnes

partes te conuertas nunquam tamen cuiquam homini non infano persuaseris nativa vocum significatione seruata id esse exponendū. Et ne ab ipsis à te propositis exēplis discedamus, in hac ipsa formula, *Renasce ex aqua & spiritu*, nisi Metaphorā multiplicem agnoscis, reuoco te ad introitū Missę Dominicę quam Quasimodo vocatis. Num tu verò arborem vitę aut scientię boni & mali putas aliter quàm sacramentali Metonymia appellatam? nisi fortasse vis à succo ipsius arboris, vel immortalitatis donum, vel boni & mali scientiam pependisse. Sed de istis suo loco. nec enim ignoro tam verè nihil posse dici, quin à sophistis in speciem falsi adulteretur.

An non, inquis, offendiculum eadem de re apud Capernaitas exortū Christum admonuisset, ut sermonem temperaret si aliter res haberet quam pronuntiaret?

Imò quod Capernaitas alloquens satis supérque explicarat, cur obsecro Cœnam instituens, rursus ageret? Quauis enim illic de verbo nudo dicatur quod in Cœnæ institutione de pane & vino dicitur, tamen hæc duo conueniunt, quòd & verba & corporea elementa mysteriorū signa sint, illa quidem aurium, hæc verò oculorum quoque sensui obiecta.

Comminisceris postea Christum à Paulo de Corinthiorū dissidijs interrogatū, fuisse illi expositurū si qua laterent sacramentalia ænigmata in Eucharistię Sacramento. Et vnde quæso mysteriū Cœnæ dices Apostolū ex aliqua speciali, reuelatione didicisse? quoniā nimirū hæc dicit se à Domino accepisse, quod etsi non tibi primum

mum aut soli in mentē venit, tamen parum probabiliter dicitur. Quorsum enim hoc ex Christi peculiari reuelatione percontaretur Apostolus, quod saltē ex Luca suo comite perinde atq; ex ipsius Christi ore cognoscere potuit? Quod si etiam dicamus peculiari reuelatione id illi fuisse patefactū, at certē stultē abs te dicitur tū ei patefactū fuisse quū de dissidiis Corinthiorū intellexisset. Nec enim id ait se illis tradere, sed antea tradidisse, quod antea nimirū à Domino siue reuelatione peculiari, siue (quod multò probabilius est) ex discipulorum ipsius ore aut scriptis cognouerat. Sed hoc mittamus. Quantò rectius dixerim si vestras illas monstrosissimas & fidei articulis ex diametro repugnantes chimeras stabilire illis institutionis verbis Dominus voluisset, hoc fuisse Apostolo suo expositurū: idcirco verò nullā addidisse explicationem, quod sacramentaliter interpretanda esse, quæ de Sacramētis dicuntur, omnes non prorsus insani per se intelligant?

Vis etiā considerari à nobis ipsam nocturni tēporis circumstantiā, admirabilis sanè Theologus, qui tuos aliter nocte quàm luce loqui velis. *Quia* (inquis) *voluit ea nocte Dominus lucē inferre figurarum tenebris idcirco nihil fuit figuratē loquutus.* Et quid est in re tā seria Ecclesiæ Dei illudere si hoc nō est? *Sed*, inquis, *fatentur Apostoli Christum in ea nocte palā effari, & nullū prouerbiū quod nō declararet loqui.* Imò hoc dicūt discipuli nō de tota, sed de extremā dūtaxat illa cōcione quæ tota penè figurata est, & tunc ab Apostolis videtur parū intellecta. *At*, inquis, *quū Apostoli nō sincerē*

vel minima elabi quæ nō interrogarent si viderentur obscuriora, nemo hīc eum in re tanti momenti in verbis à literalis sensu remotis percōtatur quicquā: nempe (ut dicunt Chrysostomus & Cyrillus) ideo nec obstupuerunt nec obmurmurarunt Apostoli ad tantum prodigium, quoniam antea corripī viderant qui ad eius promissionem obstupuiſſent: & rem prius sibi confirmatam meminerant quæ tum exhibebatur. Imò certè ad tam prodigiosum commentum, quo & carnis Christi veritas destruitur, & spiritualia in corporalia transformantur, & pro fide quæ est regeneratæ mentis actio, corporalis manducatio statuitur, & Christiani in Cyclopos mutantur toti cohorruiſſent Apostoli. neque idcirco tantum nihil interrogarunt quòd per incredulitatem obtupefactos & obmurmurantes audissent reprehendi, sed quia ex reprehensione spirituale hoc esse mysterium, nec ventris sed mentis cibum hunc esse cognouerant & crediderant. Credentibus enim hoc dictum fuisse disertè dicit Cyrillus eo ipso loco quem citas. At cur credentibus, nisi quòd quid illud esset antea fuerant edocti? Fides enim est ex auditu. Immeritò igitur quæris unde potuerint nec prius admoniti Sacramentum institui, nec tum ita subtiles Apostoli, suspicari sacramentalem esse loquutionem. Nā & prius rem ipsam fuerant edocti, quid illis esset daturus Christus & Capernaitarum exemplo fuerant admoniti, ne Cyclopicam σαρκος ἀγίαν animo conciperent: & Sacramentum institui res illæ ipsæ quas illis præbebat Christus ostendebant. Et ne quid hīc à me confingi clamites, ecce tibi hæc quoque Chrysostomi verba ex eadē

illa quam citas homilia octogesima quinta quæ tu astutè præteriisti.

Quomodo turbati non fuerunt, quum hoc audissent? quoniam multa, iam & magna de hoc antea disseruerat.

Sed & illud omnino expendendū est quod ex eodem Chrysostomo attingis, *priorem videlicet Christum ad suos confirmandos corpus suum delibasse & cepisse se quod alijs porrigeret, ne præ horrore infusum Domini de manducanda carne detrectarent.* Quod igitur hic vnus ex patribus fortasse primus dixit, quæri potest an probabiliter dicatur. Nec enim in institutione Cœnæ tale quicquam exprimitur. Ex eodem tamen pane comedisse & ex eodem vino Christum bibisse ambigi non potest: neque magnopere laboro post an ante consecrationem hoc fecerit. Sed illud certum est si Sacramentum hoc Christus ipse sumpsit, non propter se sed propter alios sumpsisse: Quid igitur? Certè si (vt vult Chrysostomus) ille sumpsit Sacramentum, & transubstantiationi locus est, ille seipsum realiter & substantialiter ore ipso comederit. Cautius loquitur Augustinus quum dicit Christum QVOD A M M O D O seipsum suis manibus gestasse, vt mysterium à re naturali distingueret. Quod si ille verè, re ipsa substantialiter, corporaliter ore suo sine vllō tropo vel figura comedit seipsum primus, non oportuerit, quæso, maiorem hoc horrorem incutere discipulis, quàm si aliis duntaxat se vorandum & bibendum præbuisset? Neque his obstat quòd inuisibiliter id factū comminiscimini. Manet enim ipsum factum, realis inquam *σάρκοφάγία*, quæ si inuisibilis erat, in alte-

rum etiam magis absurdum prodigium erat discipulos abductura, eò videlicet vt spectrum se videre & audire multò magis existimarent quàm quum illum antea super mare ambulantem, & post mortem secum præsentem adesse & loqui cernerent. Seipsum enim quempiam ore vorare, & tamen eodem modo integrum ac solidum & illæsum alijs itidem comedendum præbere multò magis veritati carnis repugnat quàm super mare ambulare, aut post mortem repentè clausis ianuis apparere. Et tu tamen Apostolos ne ad figuratas quidē loquutiones absque interprete intelligendas exercitatos fuisse vis. Quantò verò minus hæc falsissima & toti doctrinæ quam ex Christo audierant repugnantia commenta sine vlla disceptatione mente comprehensuros fuisse existimabimus?

Cur, inquis, Christus contra omnium gentium morem minus puro & sincero sermone quam solebat: Apostolis mentem suam exprompserit?

At ego hunc omnium gentium ipsiusque adeò Spiritus sancti perpetuum morem fuisse & esse dico vt ad signorum vim ostendendam, rerum significatarum nomina eis attribuantur: quod autem de minus puro & sincero sermone Christi scribis, putidam esse calumniam quæ vni tibi in mentem venit.

Quæris postea, an ijs verbis caruerit quibus nunc utimur, vt intelligentiam aliam quàm verba sonent substituamus.

Respondemus Christum non potuisse significantius

ficantius aut expreffius de Sacramentis loqui.

An voluit, inquis, ferere hereses per ambiguum testamenti interpretationem?

Nequaquam: planiffima enim est & Sacramentis accommodatiffima, & vfitatiffima formula qua Christus vſus est: nec minus monstroſa ſunt veſtra quàm Anthropomorphitarum commenta: Neſcio certè an reliquis tuis vaniſſimis clamoribus ſit aliquid à me reponendum.

Cur nos, ais, dubitemus credere quod Chriſtus non dubitauit aſſerere?

Imò, mi homo, cui perſuadebis contradictoria Chriſtum dixiſſe? credendum autem quod Chriſtus docuit quinam fortius affirmant quàm qui nihil niſi quod Chriſtus nos docuit, credendum in ſalutis negotio dicunt?

Qui verbum eſt (ais) verborum ſignificationes ignorauit. Bella ſcilicet alluſio, quanuis eam aliunde deſumpſeris. *Qui veritas eſt, vera loqui neſciuit?* minimè, ideóq; veſtras chimeras monſtroſiſſimas repudiamus.

Qui tot modis idololatriam vetuit, an factus caro vt nos ab idololatria liberaret, moriturus nobis idololatria occaſionem maximam prabuerit, quum paucis verbis mutatis nos ab ea liberare potuerit?

Nequaquam proſectò, ideóque veſtrum cruſtaceum Deum vt idolorum omnium quæ vnquam extiterunt maximè execrabile toto pectore oréque ipſo deteſtamur: & vos in beſtias penè trãſformatos credimus, qui Deũ ipſum id eſſe credatis quo veſcamini. Id autè etſi venturũ præſciuit Dominus quẽ nihil latet, noluit tamẽ propterea de Sacramẽtis aliter quàm vſus ipſorũ

& natura ferat, id est, non sacramentaliter loqui. Hæc sunt igitur in quibus clamitas à nobis aduersus Christi diuinitatem peccari, quasi quia de recta & cum articulis fidei consentiente verborū institutionis explicatione quærimus propterea ipsius sermonem in controuersiam & dubitationem adducamus.

Denique placuit etiam tibi nos triplicis in Christum *ut hominem & virum bonum* (sic enim loqueris) admissi peccati arguere: quorum illud primū est *illi inusta à nobis nota quòd contra bonorum patrum familias prudentiā Testamentū non simplicioribus verbis cōdiderit, quā bonus ille Iacob, quauis figuras, pro statu prophetie, testamento admiscuerit, tamē de re, de qua in testamēto vaticinabatur dilucidè dixerit, & clarius quā vnquam antea sermonem habuerit.* Atqui, bone vir, in vno isto quod in nos hīc dicis tripliciter peccasti. Neque enim Eucharistia est ipsum testamentum Domini, sed eius *σφαγίς*, vt antea quoque dixi: sicut Circuncisio nō nisi figuratè vocatur fœdus, propriè verò est fœderis signum, vt ipsemet Deus interpretatur: nisi forte eousque odio nostri abriperis, vt sigillum testamento appositum velis esse ipsas testamenti tabulas aut ipsum testamētum tabulis perscriptum. Neque dubito quin hīc sis mihi obiecturus illud *Novum testamētū in sanguine meo*, cui vicissim regeram illud, *sanguis meus novi testamenti*, de quibus nos suo loco. ne, tuo more, vel quæstiones permisceam⁹, quod facere tamen nos tua *ἀπολογία* cogit, vel principium petere videamur. Deinde tantū abest vt ex eo quod tuemur, efficiatur Christum ob-
scurius

scurius loquutum esse, vt contrà nisi nobiscum sentias, absurdissima &, quoniam sibi contradicentia, ideo falsissima ipsum enuntiasse oportuerit, vt tu ipse longè maioris sceleris reus meritò deprehēdaris, quàm illud sit quod falsò nobis impingis. Denique quis tuus hic pudor est? deligis pro testamenti vllò figurato dicendi genere carentis exemplo illud Iacobi testamentū, in quo penè vno plura, quàm in reliquis totis historicis libris omnium troporū & figurarum exempla deprehenduntur, adeò vt in eo explicando nunc quoque noui interpretes linguarum cognitione instructiores quàm illi ex veteribus Græcis aut Latinis, desudent. Et ne longius abeamus, illas ipsas voces in quibus planius quàm vnquam loquutum illum, temerè profectò scribis, nempe illud, opinor, *Non auferetur sceptrū ex Iuda*, &c. libenter ex te velim intelligere quomodo interpretari tam planè possis, vt quicumque in eo loco explicando laborarunt stolidi, quasi nodum in scirpo quæsiuisse videantur.

Alterum nostrum peccatum esse vis, quòd *ius illud testamentarium inuiolabile corrumpamus*, & quidem non cuiusvis sed Filij Dei, cuius testamenti ipsas etiam singulares voces expendere iubeat Apostolus, admonens scriptum esse, *semini eius non seminibus*: quod nostrum horrendum scelus miris postea modis exaggeras. Et certè si quid tale vel cogitare ausi essemus, nulla nostro sceleri pœna par reperiretur. Sed dic, quæso, qui in testamenti scripto ne literulam quidem immutat, sed de verborum quibus testator vsus est, sententia

c. j.

contendit, idque totum & ex præcedentibus, & ex consequentibus, & ex clarissimis alijs ipsius voluntatis testimonijs, adeoque ex ipsa rerum de quibus agitur natura, postulat vt diludicetur, num meritò istorum scelerum accusabitur: an is potius qui accusationem talem instituerit, in manifesta calumnia deprehendetur? Dicam autem etiam aliquid amplius. Testamentum illud in quo iubet illam vocem Apostolus obseruari itane fuit planè & perspicuè conceptum & explicatum? Quære hoc saltem ex Hieronymo qui locū illum sic exagitat, vt Paulū etiam videatur nolle ab omni sophisticæ culpa vindicare: cui tamē cur in hoc vt in multis alijs nō assentiar a libi vbi oportuit nō dissimulaui. Quid si etiā regeram nos in institutionis Eucharistiæ vera explicatione quærēda sequi Apostoli vestigia? Nā ille quid seminis appellatione intelligatur, in his verbis, *Ero tibi Deus, & semini tuo* eruit ex altero loco, *Et in semine tuo benedicentur omnes gentes*, quod inficiari non potes. Qua igitur in re peccamus, si huius quoq; institutionis verborū sententiam ex cohærentibus eiusdem authoris spiritus sancti scriptorum locis petendā docemus? Aut igitur nos absolute: aut quod aliter faciamus quàm Paulus ostende: aut nobiscū quoque Paulum coargue, vt ab omnibus pijs coarguaris.


Tertium denique longè maximū nostrum est peccatum (inquis) *quòd sentiamus nihil noui Ecclesiæ legatum à Christo & eius testamento nobis derelictū, quàm panis aridi frustulum, & vini paucillum in sui memoriam.*

Imò verò vos ij estis qui panem verè aridum
quotannis,

quotannis, & quidem tantum semel, laicis vestris administratis, erepto ipsis calice: in eo manifesti præstigiatores, quod illis persuasistis panem id non esse quod omnes sensus panem esse renuntiât, ut eius loco inuisibilem carnem quæ nihil sit minus quam caro, id est Marcionis phantasma statueretis: & quotidie vestram miseram & famelicam plebeculam inani solo spectaculo pascitis. At eos qua tandem ratione ista criminatio reos tenebit qui veri illius corporis & sanguinis *κρωτία* in Cœna sanciri profitentur? *Sed, inquis quodcunque spirituale per Cœnam nos assequi iactatis, per alia iam donata à Christo & Deo, nos & Patres nostri etiam sub lege assequebamur, & quotidie sine Cœna per Euangelij auditionem & mētis ac fidei elevationem in Deum assequimur, ut vos inculcatis.* Dicis sanè aliquid non tamen omnia, ut suo loco ostendemus. Sed quod hinc vis effici, inutilem videlicet à nobis reddi Eucharistiā nisi per eam aliquid penitus nouum & prorsus aliud quam Verbo & cæteris omnibus Sacramētis nos assequi tecum dicamus, id ego pernego. Quid enim prohibet quominus res prorsus eadem dissimili tamen ratione & impari efficacia præbeatur? Illud quidem certè non inficiaberis, efficaciam Christi eandem nobis in Baptismo & in verbo offerri. Num propterea inutilis est vel nudi verbi auditio Baptismo succedēs ut in adultis, vel hic illi præcens ut in infantibus? Iustificatus est gratuito fœdere Abrahamā in præputio, an propterea inanis fuit Circūcisio, an potius fuit illius gratuitæ iustitiæ fidei *σφραγίς*? Cornelius Messia in vetere fœdere amplexus quem

venisse nesciebat, ideóque iustus etiam adhuc incircuncisus, an frustra audiuit Petrum ei annuntiantem illum ipsum venisse quem adhuc venturum sperabat? Nam *Venisse & venturum esse* duos Christos non constituunt. Quid? illapso iam Spiritu in Cornelium, an frustra baptisatus est? Si perrexero & ex te quæsiuero, num superuacanea sit Eucharistia baptisatis & fide iam iustificatis, excipies, sat scio, idcirco vanam non esse quoniam ipsa carnis Christi manducatio ad illam spiritualem duntaxat eius energiae ac beneficiorum perceptionem accedat, quod non rectè abs te dici alio loco declarabitur. Sed vt ita esse tibi largiar, dic, quæso, si inutile est Sacramentum nisi aliquid nouum afferat: quid attinet Cœnam Domini repetere? an quòd existimes Christi quoque carnem vt corruptibilem cibum effluere? Denique negamus ineptam istam consequutionem, nihil eos arbitrari tradi in Eucharistia, qui doceât verbo nudo & Sacramentis tum veteribus tum nouis, rem prorsus eãdem (Christum videlicet) nobis per fidẽ spiritualiter participandum dari. Deinde respondeo non temerè vocari nouum fœdus quod veteri fœderi successerit, sitque eo præstantius: neque noua meritò præ veteribus dici. neque suam cuique Sacramento formam nouam, quã à reliquis discernitur, adesse inficiamur. Idẽ tuus est pudor in citãdo August. loco aduersus eos qui Christi vocẽ non audiunt: quasi verò nos potius hoc præcipuè principiũ, aduersum vos nõ tueamur, standum nobis esse in vno Christi per Prophetas & Apostolos prodito verbo: vel quasi
nos

nos ab Ecclesia profugerimus, ac non potius ex Cyclopum antro in Ecclesiam Dei nos receperimus.



A D C A P V T V I.

Finem institutionis Eucharistiæ non efficere ut τὸ πῦρ τὸν
in eius explicatione sit seruandum.

IC ostendere conaris finem institutionis Cœnæ postulare ut proprietate τῆς πρῆτης penitus seruata, realē carnis Christi situm in Eucharistia statuamus, & quadruplicem hunc finem statuis, *commendationem charitatis Christi, memoriam eorum quæ nostri causa fecit, remissionem peccatorum in rerum oblatarum perceptione positam, intimam denique nostri cū Christo coniunctionem.* Concedimus hæc omnia, sed ita ut quod ultimo loco statuis, nos primariū ac præcipuum esse, cæteraque antecedere dicamus. prius enim ordine causarum oportere nos ipsum possidere quàm ex ipso quæ in ipso nobis communicātur hauriamus, & prius inesse oportet in memoriæ penu reconditum quod recordando depromitur: prius denique percipi beneficium, quàm de eo percepto gratiæ agantur. Deinde per res oblatas nequaquā ut vos (quod tu versutè significatum voluisti) alteram Christi carnis reipsa Patri factam oblationem (id est detestandum illud vestrum pro viuis & mortuis sacrificium) sed ipsummet Christum sese nobis magis ac magis in hoc mysterio insinuantem intelligimus. Hæc igitur probamus totóque pe-

Ore amplectimur. Sed quod realem illā tuam
præsentiam inde statuis, absit vt tibi conceda-
mus. Neq; enim huius actionis finis est, vt mem-
bra caput suum quasi in terris adhuc situm quæ-
rant aut manibus complectantur: multò minus
vt ore deuorent, sed vt potius fide ad illum
supra cælos conscendant. Caput enim in cæ-
lis est, membra verò in terris, & cibus iste
non est ventris sed mentis, vt scitè inquit Au-
gustinus. Nostrum, inquam, *πολίτεια* est in cæ-
lis, quanuis adhuc in terris corpore versemur.
Audiamus tamen quid dicas, *Quum*, inquis,
fide credimus Christum adsistere Sacramento quod
sumimus, mirum in modū flamma diuine dilectionis
cor nostrum accendit, & Christi passi memoriam dul-
cius recolimus, & illic in cælis apud Patrem regnan-
tem adoramus, & hîc in terris manere apud nos non
ambigimus, & gloriamur nullam esse tam grandem
gentem, quæ deos habeat appropinquantem sibi, sicut
Deus noster adest nobis. Hæc quoque omnia com-
probamus, modò carnalia cum spiritualibus nō
confundātur, & totus Christus à toto Christi cōtra
Eutychetis dogma discernatur *An nescimus*,
inquis, *quod Ioannes in Cæna præfatur, Patrē omnia*
illi dedisse in manus, vt nihil sit ei impossibile. Imò
p̄bè hoc scimus, Dei beneficio, neq; quicquam
quod vult Filius, ei impossibile ducimus, quū sit
Deus omnipotēs quatenus Deus, & nomē acce-
perit supra omne nomen quatenus est homo.
Sed negamus eū velle aut etiā posse velle cōtra-
dicētia, quoniā mentiri nō potest: neq; propter-
ea omnipotens esse desinit. Dicimus hoc quoq;
sententiam articulis fidei & omnibus scripturis
consentaneam

consentaneam quam tuemur, verè videlicet nos Spiritus sancti omnipotentia & fidei organo Christum ipsum participare, multò plus omnipotentiae Christi tribuere quàm vestram, qui fieri id non posse nisi reali corporum contactu somnatis. *An ita Christi osiores sumus, inquis, ut corpoream eius praesentiam abhorreamus?* Nequaquam verò, sed eum quærimus & inuenimus ubi est, iam cum eo per spem sedentes in cælestibus non autem quærentes viuum inter mortuos, & hac per fidem spiritali praesentia Christi sic cõtenti sumus, quandiu à Domino peregrinamur, vt ad eum sursum magis ac magis contendamus. Deniq; in Eucharistia mortẽ eius profiteamur donec veniat. An non igitur quod nobis exprobras, vos potius estis sermonis Christi corruptores qui praesentem eam carnem in terris esse dicitis, quam vltimo demum die venturam è cælis credunt Christiani?

Sed & istud cuiusmodi tandẽ est? *pugnant, inquis, fortius milites presente duce, sic praeliantur animosius Christiani si praesentem suum ducem habuerint, secumque esse vsque ad consummationem seculi crediderint, non solum spiritali praesentia sed etiã corporea, qua homo ipsis in Sacramento praesto est.*

Illud verò nos concedimus, & decertamus vt in oculis nostri agnothetẽ nos è cælo & quatenus Deus & quatenus homo est intuẽtis, sicuti sese non deorsum sed sursum Stephano & Saulo etiam visibiliter patefecit, nec hominem à Deo separamus, etiamsi secundum humanitatẽ eum ibi demum esse credimus, vnde vêturus est. Nemo enim eò loci dicitur vêturus ubi iam est præ-

sens. Istud verò corporeæ tuæ præsentia spectrum idcirco abhorremus quoniam dixit Christus. *Expedi vobis ut ego abeam: & testatur Apostolus nos à Christo abesse peregrinantes, idcircoque ad eum suspirare.*

Nihil, inquis, sublimius hoc Sacramento potuit Ecclesia à Deo suscipere, non modo propter substantiæ mutationem quæ in eo fit, & alia dona quæ ab eo capit, sed quòd in vnum corpus cum suo pastore redigitur non tantum spiritu, quod recta fides & sincera charitas consequitur, sed ut simus membra corporis eius ex carne eius & ossibus eius,

De substantiæ .i. ipsius panis & vini in ipsum corpus, & ipsum sanguinem Christi transmutatione quod nugaris, quàm idoneis argumentis probes postea viderimus. Nos autem non modò Christi beneficia tum nobis imputata tum intra nos collata consequi, sed imprimis Christum ipsum nostrum fieri oportere, quis vnquam nostrum est inficiatus? & magnum illud esse conjunctionis Ecclesiæ & Christi arcanum dicenti disertè Apostolo quis nostrum non assentitur? Sint igitur hæc diuersa, modò nunquam sint diiuncta: & corporis quidem sit munus verbum externum audire & symbola terrena sumere: mentis autem fidelis opus ipsa Christi apprehensio & omnium quæ in eo sunt ad nostram salutem comparata. Denique noris hoc semel oportet, non hoc esse argumentari, sed conuitiari, quod refutationem nullam meretur. Sic autem vno verbo respondemus. Neque ipsius Sacramenti, id est, carnis Christi veritatem, neque finem cuius causa est tota hæc actio instituta (spiritua-

lem

lē videlicet Christi ipsius ad æternā obtinēdam vitam adeptionem) magis posse cum vestra reali & corporali corporis Christi in hoc Sacramēto in terris præsētia, quā mendacium cum veritate, & lucem cum tenebris cohærere.



A D C A P V T VII.

Non posse ex institutionis textu, & figura veteris Agni probari verba institutionis absque tropo vlllo esse accipienda.

ROMITTIS hoc capite excussionem institutionis textus, quem tu sanē verē succutis & excutis, vt ex re ipsa apparebit. Commendas Euangelistarum miram in circumstantijs designandis diligentiam mira cum verborum breuitate, & rerum ac misteriorū copia, quasi videlicet ea de re ambigatur, aut Spiritus sancti scripta collaudationibus tuis egeant. Hinc exorsus dicis *tria tunc fuisse à Christo instituta & inchoata, nouum pascha, nouum testamentum & nouum Euangelij regnum, quorum vnumquodque figurarū nebulas depellit ne in eorū institutione figuras substitutas somniemus.* At tu quæso, annon somniabas quum hæc ipsa figuratē enuntiares? Nam Paschæ nomen neq; Christo neque his mysterijs aliter quā figuratē tribuere possis. Sed ad rem. Si per nouum Pascha intelligis nouum ritum, tu videris cur tunc inchoatum tam ambiguè dicas. Nec enim suspicio vana est vsum esse te hac voce, vt quæ postea illis mysterijs à vestris pontificibus adiecta sunt & quotidie adiiciūtur, adijcere licuisse significes

quasi tum videlicet Christus inchoarit quæ vobis perficienda relinqueret. Deinde tum institutum & inchoatum fuisse nouum testamentum nunquam tibi concessero ob eas causas, quas aliquoties repetij. Postremò quòd in figurarum vocabulo ludis, qua conscientia nobiscum agas ostendis. Si figuras appellas ea quibus venturus Christus adumbratus est, annon ad vos id propriè pertinet, qui maximam rituum vestrorum partem ex Iudaismo hausistis? Sin verò sic vocas Sacramenta, tū ne audebis negare veteribus Sacramentis noua successisse, & quidem re paria, vt testatur Augustinus, quanuis faciliora, pauciora, feliciora? Sin (quod potius arbitror) quas Grammatici figuras, & quos tropos appellant sic intelligis, quis te vsque ad eò impudenter mentientem ferat? Sed audiamus cætera,

Euangelista, inquis, his verbis Ante diem festū Pasche. ostendit causam institutionis fuisse Christi erga nos charitatem immensam, cuius potentiā quoq; amplificat. Temporis denique circumstantiam attingit, veteris Cœne ac paschatis adimpletionem.

Atqui ne de istis quidem inter nos quæritur. Quod si hinc colligis retinendum τὸ πρὸν in institutionis verbis, quis te sic argumentantem non deriserit? Saltem verò quid sit *Abire ad Patrem* expendisses, vt eum qui secundum carnem à nobis abiit, quærere secundum carnem inter nos desineres. Quod autem subijcis de loco, id est, de cœnaculo illo superiore, vbi Apostoli liturgiā celebrarint & vnde virgo Mariā mortua sit asportata, quorsum quæso à te dicitur? quem etiam miramur non adieciisse fuisse istam dilecti discipuli

discipuli domū vt ex Papis fortassis Eusebius, & ex hoc alij postea, ne verisimiliter quidē descripserunt. Sed ista, mi homo, quorsum nisi vt tibi indulgeres? Ais etiam lotionē pedum à Christo adhibitā ante Eucharistiæ confectionē, vt doceamur non esse ad illam illota cōscientia accedendum. Et hoc rursum quorsum abs te proferatur? allegoricam profectò & præter Christi institutum. Dicis postea consentientibus nobis Christum triplicem Cœnam peregrisse, typicam quam stando & calceis non detractis festinanter iuxta legis præscriptum manducarit cum Apostolis: alteram communem quum mensæ accubuisset, in qua poculum libatorium propinauit, à qua surrexit vt suorum discipulorum pedes lauaret: tertiam mysticam à duabus alijs prorsus differentem & alienam. Sunt fanè vera hæc omnia, quorum te velim meminisse, vt in his quæ subiicis manifestè calumniæ conuictus tenearis.

Iam ad insignem stultitiā tuam accedo. *Cogor*, inquis, *duabus de Christi factō opinionibus occurrere, antequam progrediamur.*

Imò tu nondum controuersix nostræ vel limen ingressus es. Et quæso, quid te hîc coegit hanc quæstionem non mouere modò, sed etiam tam verbosè & quidem cum maledicentia tanta persequi, An cū cæteris Iudæis, an verò post vel ante alios Iudæos Christus Pascha celebrarit? Nam siue illud siue istud verum sit, non magis hoc pertinet ad id de quo inter nos quæritur, (sîtne videlicet natiua singularum institutionis Eucharistiæ vocū significatio retinenda, an verò sacramentali metonymia mysterium explican-

dum) quàm si vestri Antichristi principatum ex eo colligeres quòd Christus sit natus in Bethlehem.

Quid ergo te impulit vt in hanc quæstionē vltro te ipsum dares? ambitio nimirum & nostri odium, quibus ducibus fretus non potuisti non à verò aberrare. Age igitur, quandoquidem tu nos cogis ab instituto tecum digredi, quid hoc rei sit videamus.

Cuida (inquis) placet, Pascha Iudaicum nō fuisse à Christo celebratum, quòd tardius venerit quàm vt ab ipso posset agnus immolari & apparari. Caluino contrà & Beza placet Christum vno die anteuertisse Iudeos, qui Pascha eo anno in quintamdecimam lunam procrastinarunt. quoniam coincideret Sabbathū magnum, & ex traditione habebant vt duo festa in vnum diem conferrent, quoties vnum alteri succederet, quam sententiam scio Nicephorum, Munsterū Osiandrum & alios nō indoctos sequi. Verane an falsa sit non pugno, tantum nego ex Euangelistis lique- re quòd vno die Iudeos anteuertit.

Dic igitur fides, cur tantos de hac re clamores excitas quæ vera an falsa sit non pugnas? Dic & istud cur Caluinum & Bezam, quos illius sententiæ non authores, sed ab alijs acceptæ approbatores duntaxat esse confiteris, hac occasione arrepta vt arrogantes, vt imperitos, vt impudētes vt stultos accusandos tibi putaris: annon vt egregij istius comimenti obtrusione magnam aliquam ingenij & iudicij singularis famam aucupareris? At vide ne tibi tam facile hæc larua detrahatur, quàm tu temerè illa personatus in hanc scenam, omissa de Cœna Domini controuersia, prodiisti

prodiisti. Prioris illius sententiæ quòd Christus Iudaicum Pascha non celebrarit, authorem edis ad libri tui marginem, poliphemum illum Vilaguanonem, quem quum non in hac re modò, sed in alijs plurimis insanientem vltro foueritis vos boni Parisienses Doctores, vt & ipsum Postellum adhuc fouetis, vt nobis malediceret, tu videris qua nunc ratione mortuum exagites. Hoc quidem ego testari possum, nisi fortius oppugnetur illa ipsius opinio quàm facias, non facile illius adstipulatores, inter quos aiunt esse quēdam Benedictum vestrum sodalem & illius familiarem, tibi hac in re cessuros. Sed illum insanum vestrum alumnum omittamus. Causam Caluini & meam nunc ago quandoquidem illā tu nostram esse vis.

Pugnant, inquis, Christum Pascha Iudaicū cum patrefamilias celebrasse, & vno dei anticipasse Paschatis apud Iudæos celebritatem. Quis enim credat patrefamilias contra morem gentis traditionibus addictissimæ Christo acquiescere?

Respondeo nō vrgere nos quod ais de patrefamilias, quia neque tale quicquā narrant Euangelistę, neque id necessarium fuit. Sed vt ita esse demus, cur non potius ex verbis Euangelistarū contrarium colligerimus? Apparet enim ad notum quempiam, & qui Christum valde reuereretur millos fuisse discipulos: Is verò quum contra interdictum Synagogæ cuius fit mētio Ioan. 9.22. non vereretur Christum domum admittere, cuius etiam illa hebdomade antequam caperetur quanta fuerit autoritas ex historia liquet, cur non meritò credatur Christo hac in re quo-

que libèter obsequutus? Nec certè frustra Christus hoc illi inter cætera dici iussit. *Tempus meū prope est.*

Putant etiam, inquis, Christum defunctum fuisse agni paschalis officio stando antequam cœnaculum ascenderet : & tamen de eodem agno dici, desiderio desideravi hoc pascha edere vobiscum antequam patiar, quod dictum ab illo fuit postquam discubuisset in cœnaculo.

Respondeo totū istud *Antequam in cœnaculū ascenderet*, à te esse excogitatum, ac proinde te in manifesta falsitate deprehendi. Deinde ineptè hîc à te statui repugnantiam quæ nulla est. Quid enim obstat quominus illa vox, *Desiderio desideravi*, &c. etiam ad Cœnam typicam recens peractā tam commodè referatur, quàm ad peragendā aut quæ eo ipso momento perageretur? Postremò quum fatearis triplicem Cœnam à Christo peractam, aut nobis assentiaris oportet, aut ostendas accubuisse Iudæos quū agnum comederent. Quod autē ad iicis mirari te quā Iudaicas traditiones agnoscamus, mandato Dei expresso contrarias, nullas tamen Christianorum, etiam scripturis concordēs, admittamus rursus abs te cōfingitur. Tantū enim abest vt hanc Iudeorum traditionem approbemus, vt contrā meritò à Christo neglectam tueamur. Tu verò, sycophanta, perinde nobiscum agis ac si Iudæos quidem excusaremus, Christi autem Filij Dei factum reprehenderemus. Deinde vbi tandem inuenies vllam Ecclesiasticā traditionem Dei verbo accommodatam & Ecclesiæ Dei vtilem à nobis reprehensam?

Pugnante

Pugnant itidem, inquis à Christo Pascha Judaeum cum patrefamilias fuisse perfectum quartadecima luna, priusquam in coenaculū sui ministerij causa secederet: & eundem Christum iam profunda nocte cum solis suis duodecim accumbentem inter duas vespere Judaeorum pascha fecisse, quod utrunque docet Calvinus, & perinde est ac si diceret Christum bis agno paschali operam dedisse.

At tu demonstrates oportet ubi illud prius scripserit Calvinus. Ad posterius quod attinet manifestè corrumpis Calvinī verba Matth. 26.10. Nec enim profunda iam nocte, sed primo vespere Pascha celebrasse Christum tradit, vespere duas statuens cum Iudaeorum doctissimis. Nam Christū quoque vix probabile fuerit profunda iam nocte in hortum extra urbē exiuisse.

Itaque quod ineptè quoque Calvinum ais, *duas vespere decimaquarta luna desinisse à Solis occasu eiusdem diei ad primam lucem consequentis. quasi prior vespera à Solis occasu eiusdē diei usque ad obscuram noctem produceretur, & posterior cum Solis subsequēntis ortu coniungeretur, ut inter duas vespere probet Christum vacasse agno immolando & manducando: nihil autem fingi posse stultius quàm vespere decimi quarti diei quas occasus Solis excludit, nocti decimi quinti attribuere, hoc inquam impudentiam rursus tuam prodit, quum hac de re ne verbum quidem apud Calvinū extet. Itaque non ego Calvinī errorem studui emendare qui nusquā est, sed hīc rursus tuam extremam impudentiam patefaciam oportet. Nec enim scripsi ego Christū quartadecima luna celebrasse pascha, quod cōtra legē fecisset, sed Mattheū*

dixi decimum quartum diem vocare primum Azymorum diem ex Romanorū more, qui noctem præcedenti diei accensent, quum alioqui ab occasu decimiquarti diei, ex lege & more Iudæorum, qui noctem subsequenti diei annumerant, numerandus esset primus Azymorum dies, nempe decimus quintus. En quo nos iure (bone vir) vt arrogantes, impudentes, imperitos, ineptos, stultos appelles. Quid tu verò doctissime Domine Doctor hac de re arbitraris?

Nihil verò, inquis, tot argutijs opus est, quum alio Christi prorsus cum lege conueniat. Ergo nobiscum hætenus tu quoque ineptis. Quid enim aliud diximus? Immolabatur, inquis, agnus quarta decima luna mensis primi ad vesp̄eram, id est, vsq; ad vesp̄erā quæ ingruebat nocti decime quarte, quæ tota nocte licebat agnum edere, ita vt celebritas agni paschalis diem decimum quartum & noctem decimi quinti occuparet: sed illam ad immolationem, hanc verò ad esum.

Imò verò Moses agens de immolatione siue præparatione ipsius agni, iubet id fieri non ad vesp̄eram sed inter duas vesp̄eras, edi vero vesp̄ere: quorum locorum collatio ostendit nō totam diem sed postremam partem, nempe à nona ad duodecimam exactā horam siue ad occasum Solis immolationi & præparationi datam fuisse, esui verò horam primam noctis, à quadecimus quintus dies, qui primus erat Azymorum incipiebat: & ita intelligendum esse illud *Inter duas vesp̄eras* potius quàm de crepusculo vesp̄ertino & plena nocte didici non tam ex Kimhi quàm ex collatione loci Exod. 29, 39. de iugi sacrificio

crificio inter duas vesp̄as peragendo, cum loco Act̄or. 3.1. vbi horam nonam (tertiam videlicet ante occasum) vocat horam precationis, quòd eo tempore accēsis lucernis fieret suffitus Exod. 39. 57, foris stante populo Luc. 1.10. Itaque tripliciter h̄c peccas, nempe quòd quartam diei partem pro toto die accipias, & in vesp̄as pro vsq; ad vesp̄am interpreteris, nec quid sit illud *Inter duas vesp̄as*, intelligas. Et quod aiste ex Rabinis & Iosepho intellexisse de duplici vesp̄a festorum, imperitè vel abs te dicitur, vel ab illis traditur. Neque enim ista formula *Inter duas vesp̄as* fuit duorum festorum propria, sed singulis diebus communis, vt apparet nō modo ex tempore quod erat iugi sacrificio quotidiano destinatum, sed etiam ex loco Exod. 16. 12. ex quo. & illud liquere potest, tempus illud diei ferè fuisse apparatusi cœnæ & cœnationi, quotidianæ (sicut & apud nos) destinatum. Sed tibi homini acutissimo non sit verisimile tribus horis potuisse trecenta millia agnorum immolari, & eorū viscera adoleri, quot ferè in Paschæ festo solita fuisse mactari scribit Iosephus. Arqui (vt tibi concedā in templo à Leuitis solitos fuisse agnos singulares paschæ iugulari, quod fortassis non ita facil è euiceris) vt tantum tria millia Leuitarum fuerint (fuisse autem sæpè illos multo plures ex historiis sacris liquet) quid obstat quominus tribus horis singuli iugulare centū agnos & interanea decerpere altarique imponere potuerint? consumi autē tribus horis illa minimè necesse fuit. Viden' igitur quantò sit facilius hominibus arrogantibus & odio percitis alienare

d. j.

prehendere, quàm sua defendere? Sed quid hoc rei est quæso? ut nostram imperitiam, arrogantiam, stultitiam patefaceres, tibi necesse fuit non tantum Christum ostendere secundum legem Pascha celebrasse, qua de re frustra disputasti quum in eo minimè dissentiamus, sed ostendere quò inam sit falsum quod diximus, Iudæos videlicet non decima quinta die, ut oportuit, sed decima sexta nocte demum ex traditione, Pascha eo anno celebrasse: quod ut eludas contendis, quod etiam amplecti videtur Stapulensis, quòd dicuntur Iudæi non ingressi prætorium ne contaminarentur, sed ut manducarent pascha, de Azymis panibus dictum: & totos etiam illos septem dies Paschæ quoque nomine appellari cōsuetū fuisse. Hoc posterius tibi cōcedo, illud prorsus nego, vel consuevisse Israelitas alio tēpore quàm nocte decimum quintū diem inchoante Pascha manducare. *At enim, inquit, Lucas sic explicat. Inquit enim, Appropinquabat s dies festus Azymorū qui dicitur Pascha.* Imò hoc testimonio iugularis. Nec enim septem illi dies erant festi, sed primus duntaxat & ultimus: neque ipsos Azymos panes, vel eorum esum vocat Lucas Pascha, nisi fortè sic ineptis ut illos quoque velis immolari consuevisse. Nam subiicit Lucas, *Aduenit autem dies Azymorū primus in quo oportebat mactari Pascha.* Primum autem diem Azymorum illū vocari decimum quartum diem, quum tamen Azymales illi dies à nocte decimi quinti inciperent: idque idcirco fieri quòd nox quadam vulgi consuetudine antecedenti dici non consequenti (ut factum oportuit) accenseretur, num tu inficiari aufferis?

sis? Certè vt arbitror, vt qui ita etiam ineptias vt
 celebritati Paschæ diem decimum quartum &
 noctem decimi quinti tribuas, quod esse falsissi-
 mum vel illud arguit quòd die primo Azymo-
 rum erat conuocatio sancta, erant autem Azy-
 morum dies omnino septem. Quod si septem
 illos dies ab ipso decimo quarto numeres, ter-
 minaretur festum vicesimo die mensis Nisan
 At contrà vltimum diem Paschæ quo & ipso sa-
 cra erat cōuocatio terminat die vicesima prima
 Moses Exod. 12. 18. & quidem ad vesperam, à qua
 videlicet incipiebat dies 22. mensis Nisan, ex
 Iudæorum more. Sed quid ad hæc Ioannis ver-
 ba respondes, *parascene autē erat Pascha hora quasi
 sexta?* nempe ita es impudens vt illic quoque nō
 agnum, sed Azymos panes velis significari, adeò
 vt me in hoc quoque reprehendas quòd malue-
 rim apud Matthæū vertere, *Scitis intra duos dies
 Pascha fore.* quàm cum vetere interprete, *Scitis
 quia post biduum Pascha fiet.* Quasi verò inter esse
 & fieri, aliquid hoc loco interlit: & ipse Marcus
 14. 1. non scribat *ἡν ὅ τὸ πάχα μετὰ δύο ἡμέρας,* erat
 autem pascha duobus post diebus: & quasi non o-
 ptimo iure barbarū illud *quia* vitarim: quasi de-
 niq; res ipsa non ostendat, Latinè dici post biduū
 fieri quod tertio demum post die eueniat, quum
 hîc de ipso altero die mox consequente agatur,
 vt omnino vel *intra duos dies, vel biduo post,* non
 autem *post biduum* conuertere hoc loco oportue-
 rit, quemadmodum illud *μετὰ τρεῖς ἡμέρας,* quum
 de Christi resurrectione agitur, non *post tres dies,*
 sed *tribus post diebus* interpretandum esse docui.
 Sed ad rem. Dic tu nobis censor acerrime, cur
 d, ij.

non dixit ibi Iohannes simpliciter *parasceue*, vel *parasceue Sabbathi*? nempe quia non de septimo vulgari Sabbatho, sed de magno & extraordinario Sabbatho, die videlicet Azymorum primo agebatur. Nam de totis illis septem diebus id intelligi non posse ex eo liquet, quod etiam si ingressu in prætorium fuissent contaminati, nõ durasset tamen totis septem diebus immundities: neque nomen *παροικησάντες* aliò quàm ad præparationem agni & diem festum respicit, in quo demum ab omni teruili opere abstinendũ erat. Ac prius parari quàm edi pascha oportuit. Quoto autem die fuit hæc parasceue? nempe quinto decimo, quoto crucifixus fuit Dominus. Efficitur ergo quo die passus est Dominus Iudæos agnum apparasse, quem ea demum nocte quæ decimam sextam inchoabat comederint, ac proinde ex traditione proculdubio, festum diem in proximè cohærens Sabbathum (sicut & vos in vestris vestra autoritate introductis festis factitatis) trāstulisse. Aut igitur Christus Pascha non celebrauit omnino, aut vno die (quod nos defendimus) non traditionem Iudaicam, quæ irritum faciebat Dei mandatum, sed legem, cui se propter nos subiecit, sequutus, vno die integro Iudæos anteuertit. Et sanè si hoc Sabbathum ordinariũ erat, ac non potius (vt vestro quodam Iudaismo loquimini) festum duplex, cur magnum vocatum esset? & cui persuaseris passuros fuisse Iudæos iudicium fieri, & sumi supplicium tam (vt ita loquar) exolum die primo, grandi illo festo Azymorum, si eum, id est, decimum quintum ex lege celebrassent, quum ne corpora quidem eo die

die remanere in cruce sustineant, nō modò quia lex in genere vetabat, sed imprimis propter sabbathi illius magni diē? Restat ergo falsum esse ex *Euangelista non liquere quòd uno die Iudeos Christus anteuertit*. Hinc autē disputationē quū his verbis concludis, *Ne reuocemus in dubium de quo ut opinor, nemo antiquorum Patrum dubitauit, An Christus Iudeorum Pascha cum suis discipulis tanquam paterfamilias fecerit tempore & ritu legitimo, cui post expletas de more epulas communium ciborū sacrosancta Eucharistia institutionem subiecit*, prodis rursus quò usque te odium nostri, vel pseudoepiscopatus ambitio abduxerit: qui postquam nos dixisti multa arroganter, ineptè, stultè, imperitè, repugnanter de Paschate Iudaico dixisse, tandem id ipsum concludis quod nos sentimus, nempe Christum neglecta meritò traditione Rabinica, hīc quoque ut in cæteris præscriptam cui sese vltro nostri causa subiecit, legē seruasse. Sed agè tecum tandiu expatiati tandem domū redeamus. Subiicis hīc demum, ut te ipsum videlicet vendites, verbosam collationem & analogiam agni paschalis cum sacra domini Cœna ex Caluino & aliis nostris penè ad verbum descriptam, in qua vltro tibi, sicuti par est, assentior. Addis postea frustra iugulatū fuisse agnū à Patribus nisi etiam fuisset comesus, imò idcirco iugulatum fuisse ut comederetur, quod & ipsum extra controuersiam est. Ergo, inquis, ad implendam figurā, sicut non satis fuit occidi Christum spiritualiter, sed corporaliter debuit vitam profundere, sic etiam non satis est ipsum spiritua iter, sed etiam corporaliter oportet manducari. Et *tho* ænigma in-

d. iij.

terpreteris, subiicis. *Christus occisus est ab origine mundi fide tenus & spiritu, nec ea occisio potuit agni Iudaici explere veritatē, nisi reipsa agnus ille fuisset occisus. Itidem māducatus fuit ab origine mundi, sed fide tenus ac spiritu & multò minus talis manducatio potuit exhibere agni Iudaici veritatē, quā spiritus occisio quandoquidem ratio agni paschalis non propriè consistit in mactatione agni, sed in esu quadā caremonia præscripto, Hæc tua verè, mihi quidem ænigmatica experiar an planius possim explicare. Tu videris an à me satis sint percepta. Duplex esse mihi videtur tuum argumentum, & quod posteriore loco statuis fuisse priore collocandū. Esse autem arbitror eiusmodi. Non satis fuit Patribus fide & spiritu occisum esse Christum, sed eū corporaliter & reipsa quoq; occidi oportuit. Ergo non satis etiam fuit manducari spiritualiter Christum sed corporaliter quoque edi. Itaq; in agno paschali reipsa quoque & corporaliter agnus tum occidebatur tum manducabatur. Atqui si spiritualis seu fidei esus ille Christi reipsa & corporaliter tandem venturi & occidendi, nō satis fuit Patribus ad salutem, sed corporaliter illum quoque comedi semper oportuit: aut Patres nunc quoque beatæ vitæ sedibus exclusis aut ostendas oportet vbi & quo tandem tempore corporaliter quoque Christum manducarint. Quod si corporaliter quoque non manducarunt sed tantū spiritualiter, & tamen (quandocunq; tandem id factum esse velis) seruati sunt: nempe falsa fuerit, quod ad illos attinet, illa quam ponis manducationis corporalis necessitas, quæ si illis non fuit necessaria: cur nobis potius fue-*

rit, vt grauius sic nostrum quàm illorum iugum? Res autem ita se habet, Quauis nondum reipsa existeret Christi caro in sese, erat tamen fidei Patrum præsentissima, quòd fides esset illis rerum etiam quæ nondum extabant hypostasis, sicuti mors Christi quæ iam præterit, nostiæ quoque fidei præsens est: sed vana tamē & mendax fuisset Patrum tum ante legem tum sub lege fides & spes in vëturum & passurum Christum, nisi reipsa corporaliter tãdem Christus venisset & passus esset. Corporalis autem manducatio & perceptio inde statui nec potest nec debet, quia vt corporaliter & reipsa extare tandem oportuerit fidei obiectum, & reipsa ac corporaliter præstari pœnas quas alioqui corporaliter ac reipsa lui à Patribus ipsis necesse fuisset: tamen non efficitur corporalem esse quoque oportuisse illius obiecti apprehensionem & perceptionem cui significandæ nomen manducationis tum demum inditum est quum Sacramenta manducabilia instituta sunt: ex quo etiam illud colligendum est manducationem propriè quidem signis rei autem significatæ translatitiè conuenire. Ratio est, quia manducatio est propriè corporis actio non animi, & huius vnus vitæ vsui accommodata: Christi autem ipsius perceptio, quum ad spiritualem & æternam vitam spectet, spiritu quoque & animo, fide denique fiat oportet, quæ tamen fides, sensibus quoque corporeis per Sacramentorū obiecta commotis, ad energiã excitatur. Alterū autē tuum argumentum sic accipio. Corporaliter & reipsa occidebatur & comedebatur agnus tipicus, adeò quidē vt potissimæ essent

esus partes, vt pote cuius causa instituta erat immolatio. Ergo vt figuræ respondeat veritas, sicut oportuit verum agnum corporaliter quoque & reipsa occidi, sic oportet quoque à nobis corporaliter & reipsa comedi, quamobrem etiam Paulus quum dixisset Christum Pascha nostrum immolatum esse, addit ἐσθίωμεν, id est, solenni ritu epulemur in Azymis sinceritatis. Ego verò concedo sicut agni typici, sic quoque agni veri corporalem ac realem mortem esse oportuisse. Concedo & illud carnem Christi crucifixam non magis prodesse nisi verè à nobis sumatur, quàm prodest famelico cibus optimè præparatus, quo tamen non vescatur, Sed quod tu analogiam eò usque vrges vt corporalem quoque modum istius sumptionis esse velis, sicut coporali modo typicus agnus edebatur, id ego, ob eam causam quam ante reuli, pernego. Nec enim vt sua signis ac figuris veritas constet, hæc inter se per omnia sed hæc tenus comparanda sunt quatenus fert eius consilium & voluntas à quo signa & figuræ instituuntur: & quatenus tum signorum tum rerum significatarum natura patitur. Locum autem Pauli ineptissimè ad paschatis & Eucharistiæ epulum detorques, quanuis eò alluserit. Epulum enim ad quod nos adhortatur, vniuersæ vitæ Christianæ cursus est, id quod ex Azymorum allegoria apparet. Itaque ex hoc quoque Pauli loco statuitur quod illam tuam consequutionē apertè conuellit, nempe in ipso Eucharistiæ solenni ritu nō alia ratione à nobis Christū quàm rota nostra vita, sincera nimirum fide sese per opera bona exerente comedi.

Disputas

Disputas postea multis verbis aduersus eos, qui ut figura respondeat veritas tempus etiam urgēt, ideóque contendunt sicut agni caro post mactationē demum apposita est, sic Christi carnem non debuisse nisi post passionem apponi. Quod enim rursus perobscure tuo more scripsisti, sic planius scripsisses. Respondes inter cætera: in agno typico antecessisse mortem, quoniam edi communis caro nisi mortua nequiuisset ab homine: nos autem credimus & edimus carnem Christi viuam & viuificatricē, cui mors tantum sit dominata quandiu voluit. Fateris ergo hactenus vrgendam analogiam istorum rituum cum re significata, quatenus rei significatæ natura & finis ipse institutionis patitur. Rursum igitur nobis hoc responsum pari ratione suggeris, agnum figuram corporali modo fuisse (ore videlicet) comesum, quia communis caro nisi ore comedi ab homine non potest: nos autem credere & edere viuam & viuificatricem carnē Christi non in istam animalem, sed in æternam vitam ac spiritualem, ideóque fidei esum hunc esse non oris, neque vētris sed mentis cibum. Istud verò de quo disputas, ad nos quidem nihil pertinet. Instituis rursus verbosam Cœnæ dominicæ & esus agni paschalis collationem, ex Caluino & nostris maxima ex parte desumptā ideóque minimè à nobis repetendam. Sed quod inde colligis, age expendamus. Si spiritualiter tantum, inquis, & per fidem Christus percipitur in Eucharistia Cœna, neque loquutio qua instituitur Eucharistia, alia est quàm Sacramētalis & eadem qua dicitur agnus esse pascha, Christus operam perdidit. Benè est sanè quod conditionem & quidem du-

plicem apposuiſti, ſed vereor vt tuo more id facias ſiue inſcitia, ſiue improbitate. Nam ſi tibi illud *Spiritualiter*, & *per fidem* idem declarat atq; *Sola energia & efficacitate, aut imaginatione quadā*, excluſa ipſius Chriſti communicatione, nobis iniuriam facis. Nam iſtud *Spiritualiter* non ad id quod percipitur (ipſū enim Chriſtū totū oportere noſtrum fieri dicimus, quoniā neq; diuiſus, neque ſibi non inſitos nos ſeruaret) ſed tum ad ipſum perceptionis inſtrumētum (nempe, quod ad Deum attinet) ad Spiritus ſancti potentiam: & (quod ad nos ſpectat) ad fidē, animi habitum gratis nobis datum: tum ad ipſum perceptionis modum, atque adeò ad totum hoc myſterium minimè imaginarium quanuis merè ſpirituale, referimus. Deinde ſi comparationem harū duarum formularum *Hoc ſiue Hic panis eſt corpus meum* & *agnus eſt paſcha* perinde interpretaris ac ſi panem illum non aliter eſſe corpus Domini diceremus quā agnus fuerit paſcha, ſycophantam agis. Citari enim à nobis hoc exemplū non ignoras vt idem in vtroque dicendi genus eſſe probemus, non quòd ſententiam vtriuſque parem, ac multò minus eandem eſſe arbitremur. Agnus enim dicitur eſſe Paſcha, id eſt, trāſilitio, vt & panis corpus ſacramentali metonymia: ſed non conſequitur Paſcha idem valere atq; Corpus traditum pro nobis. Poſtreinò ne ſi verum quidem eſſet quod ais, conſequeretur quod tu contendis, niſi putas operam luſiſſe Deum, quū figuras figuris ad eundem penitus ſcopum collimantibus cumlaret: aut quum eadem iſdem aut aliquantulum variatis verbis inculcauit tardis

dis discipulis. Sed age probationem istius paradoxo audiamus. *Si sic est*, inquis, *nec rerum nec verborum figura desierunt, nec noui testamenti ut noui regni Christus in Coena initium fecit.* Mira certè naras, mi homo. Si vis rerum figuras desijisse Christi aduentu, id est, sic exhibita regni cælestis mysteria ut nullis iam figuris tectū sed prorsus nudum mysterium nostrę salutis nobis exhibeatur, tolle igitur ex Christiana religione Sacramenta, nec Baptismus saltem succederit Circumcisioni, nec amplius Deum per ænigma cognoscamus, sed sicuti est aspiciamus. Et quorsum vos igitur pro duobus Sacramentis tot adiunxistis Sacramenta, & Sacramentis tot sacramentalia quę vocatis, de quarum rerum figurata significatione garrere nunquam desinitis? Iam verò quod ad verborum figuras attinet, si sublatas illas esse vis, expungas sanè omnium Euangelistarum & Apostolorum scripta necesse est. De initio autem noui testamenti & noui regni quod ab Eucharistię institutione ducis, quod toties dixi iterum dico, nimium esse te hoc in delirio ineptū ac importunum. Nam siue promulgationem ipsam primam Euangelij, seu noui fœderis respiciamus, extra quod nemo vnquam seruatus est, ad primam Euangelicam promissionem mox peccatum subsequutam, ac deinceps ad promissionem Abrahamo factam retrocedendum est, ut facit Apostolus ad Galatas de utroque testamēto disserēs: siue ipsam realem Christi exhibitionē, & eorū præstationem per quę reconciliatio facta est, spectemus, à Christi cōceptione exordium facere oportet: sin ad com-

pletionem mysterij salutis nostræ, ad resurrectionem venire oportet, quo tempore demum se à Patre potestatem accepisse Christus ipse testatur, quod tamen plenissimè per assumptionem in cælos ad dextrâ Patris reipsa completû in ipso fuit, & in nobis vltimo demum die complebitur. Quid igitur, inquires? an non hoc est nouum illud testamentum in sanguine ipsius? nempe quod ad nouam eius fœderis *σφραγίδος* institutionem, non quod ad ipsius fœderis initium ac præstationem attinet. qua de re vt tandè aliquando tibi liqueat, Age Apostoli vestigia, deinde Sorbonicam ipsam doctrinâ sequamur. Negare nō potes quin Circuncisio fœderi appensa, Apostolo authore sit iustitiæ fidei sigillû, quæ contigit Abrahamo, in præputio. Vos quoque Scholastici quum veteribus cæteris Sacramentis omnem gratiæ collationem detrahatis, Circuncisioni tamen idem in genere atque Baptismo tribuitis. At Circuncisio, quum fœdus illud gratitiæ salutis per Christum venturum imò etiam eius effectum, id est, iustificationem in Abrahamo non præcesserit, sed aliquot post annis sequuta sit, certè fœdus ipsum nō inchoauit, sed Apostolo teste obsignauit: idèoque sic fœdus vocatur, vt addatur idcirco fœdus vocari quia sit fœderis signaculum. Quàtò minus verò Baptismus tot post annis Circuncisionis loco introductus, ipsum fœdus inchoauit? Quod si velis noui fœderis exhibitionem à Baptismo inchoatam quò videtur Ieremias cap. 31. respexisse, ergo Cœna Domini 34. post annis sequuta, non fuerit Noui testamenti initium. Quod enim

nim nonnulli vestrū Baptismi institutionem primam referunt ad missionem postremam Apostolorum, ne refutatione quidem indiget. Et ne obiicias in infantibus saltē fœdus inchoari à Baptismo ne id quidem ego concessero. Aio enim idcirco baptisari sanctorum liberos quod sint in patrum fœdere ex hac formula comprehensi, Ero Deus tuus ac seminis tui: nec minus vos ineptè facere dico quum Iudæorum aut Turcarum infantes insciis, aut non postulanti-
bus parentibus temerè baptisatis, quàm si puræ chartæ sigillum apponeretis. Audiamus cætera.

Quid alioqui Eucharistia affert aut præ se fert quo Cœnam typicam excellat siue quo ad rem siue quo ad sermonem? Certè Christus significantius & expressius per agnū assumē eius sanguinem postibus illitū representabatur quàm per panē aridum aut virum purū: & spiritualiter pro mensura fidei tā participabatur Christi caro in manducatione agni, quàm pro eadem mensura participatur spiritualiter in Eucharistia. Et sermo Christi in sua Cœna idem esse ab aduersarijs defenditur, atque is quo agni Iudaici Cœna comprehenditur, quoniam in re utraque aiunt parem esse loquutionem,

Respondeo tibi verbis ab Augustino sæpe, quod tu non ignoras, inculcatis, *re paria* videlicet fuisse veterū Sacramenta cum nostris, id est, rem eandem eodem perceptionis modo, quāvis sub diuersis figuris sacramentaliter, id est, minime vanè aut inaniter significasse, sed pari nequaquam mensura & effectu, nisi quidem per nos steterit. Nostra enim sunt multò significantiora & efficaciora, qua de re suo loco plenius

disseram, vt omnes intelligant quàm falsò dicas expressius significatam Christi participationem in Iudaica Cœna quàm in Christianorum Eucharistia. In summa dico insulsam esse hanc consequutionem, Res eadem in typica & Domini Cœna datur eodem modo nempe spiritali, & pro mensura fidei participanda, ergo nihil amplius datur in Eucharistia quàm in Iudaica Cœna. Nam & hoc paucis dico quod postea plenius, vbi ad discrimen istorum Sacramentorum ventum erit, Deo fauente, explicabo. Res eadem tradi impari in sese ratione potest. Plus enim est rem ipsam existentem tradere, quàm ius in rem nondum existentem quanuis certò futuram tribuere, etiamsi interea fructus ex ea re percipias, quam iure tantùm non ipso facto possideas: & idem instrumentum quanuis in genere similiter motum, tamen non pari semper motu mouetur, ac proinde non pariter semper agit. Quod ad ipsum autem dicendi genus attinet, quid obstat quominus de rebus etiam diuersissimis, nedum *καὶ τὸ πλεον καὶ τὸ ἥπρον* duntaxat imparibus, eadem dicendi formula disseram? Inanes autem illos clamores quos in reliqua huius capitis parte profundis, vt id de quo minimè ambigitur, id est Eucharistiæ dignitatem ostendas, cur tandem repetierim? per me igitur ad rauim vsque vocifereris licet.



AD CAP V T VIII.

Neque ex verbis Christi quibus Eucharistia instituitur, neque ex inchoatione ac proprietate Noui testamenti cuius retinendum τὸ πρῶτον in institutionis Eucharistiæ explicatione.

S V S C E P I S T I in primis hoc capite demonstrandum quàm multis modis contextum institutionis Eucharistiæ in Latina translatione corruperimus.

Primam nostram deprauationem in eo ponis, quòd verba ἀχαρισεῖν & ἀλογεῖν ex verbis transitiuis reddiderimus absoluta. Vnde verò de verbo ἀλογεῖν istud coniicis? Num enim illi aliquem casum in Eucharistiæ verbis expressum ademimus? num aliter quàm tu ipse verbum hoc conuertimus? Nam tua hæc est interpretatio, *Cœnantibus illis accepit Iesus panem, & benedixit (siue gratias egit) ac fregit deditque &c.* Alteram autem partem sic tu ipse conuertis. *Accipiens calicem gratias egit & dedit illis, &c.* Quis tuus igitur hic pudor est, quum per tuam interpretationem nobis liceat ipsum benedicendi verbum ex priore parte expungere (quòd tamen minimè fecimus) & tu ipse in posteriore expunxeris: quum denique illud tu quoque nullo addito casu expresseris, audere nos tamen accusare quòd illud ex transitiuo absolutum reddiderimus? Quod si non de ipsa huius vocis in Latinum sermonem conuersione, sed de explicatione conquereris, fateor quidem à nobis vestrum illud magicum consecrationis commentum damnari, sed vt di-

iudicetur an propterea benedictionem ac consecrationem aboleamus, perinde acsi benedictio sacramentalis à communi & vulgata gratiarum actione nihil differret, æquum est vt quum tu sis actor, ego verò reus, ex meis potius quàm ex tuis scriptis statuatur. Mea verò hæc totidem verba sunt in illū locū Pauli I. Cor. 10, 16. τὸ ποτήριον ὃ ᾠλογοῦμεν. *Luto ᾠλογοῦν idem hīc declarare atque infinitis locis veteris testamenti ὡς, id est, ἁγιάζον ἕ, καὶ διερρῶν .i. sanctificare & consecrare, quia nimirum recitata & exposita Dei ordinatione, panis & vinum huic vsui sacro destinantur, vt sint veri & naturalis corporis & sanguinis Christi Sacramenta, id est, symbola & tessera, & ita quidem vt id quod significatur, verè nobis spiritualiter per fidem participandum offeratur.* Hæc mea verba sunt ex quibus cōstare iam arbitror quo pudore nobis impudentiam & mendacium attribuas. Iam verò quod ad verbum ὠχαρισεῖν attinet, annō tu quoque conuertis per *Gratias egit?* Ergo absolutè non transitiuè. Nec te pudet id ipsum nobis obiiicere, quod agas, & quidem vel inuitus? Nec enim aliter conuertit etiam vester Canon, in alterius partis consecratione. Nos verò etsi Euangelistas sequuti ᾠλογοῦν & ὠχαρισεῖν pro eodem sumimus, tamen sic explicari à nobis hanc gratiarum actionem vt à vulgata & communi ciborum sanctificatione discernatur, & ipsam sacramentalem consecrationem includat, quæ cum peculiari Dei collaudatione sit coniuncta: à nobis denique probari illam Oecumenij explanationem ὃ ᾠλογοῦμεν, id est, ὃ ᾠλογοῦντες καὶ τιμῶμεν, vt benedicere idem valeat atque cum gratiarum

tiarum actione ad sacramentalem vsum præparare, ne tu quidē nisi impudēter inficiari potes.

Alterum hoc in nobis reprehendis quòd pronomen *Hoc* interpretemur *Hunc panem, omnium* vt inquis, *nostrarum fallaciarū fundamentū. Quin-* etiā ais, *sic à nobis Lutheranorū oculos quasi cornicū configi.* Isti certē quos Lutheranos vocas, panem vestro more nusquam ex Domini Cœna excludunt, etiamsi de huius pronominis vi à nobis discrepant. Tibi itaq; cum illis non minus quàm nobiscum certamen est. Sed tu libens nimirum, vt tuam illam non sanè bellam transsubstantiatam Helenam serues, nostris, vt olim Troiani Agamemnonis & Achillis, dissidijs delectaris, quæ te spes (vt spero) tandē fallat. Ad nos autē quod attinet, quoniam te alibi probaturū polliceris *neque textum ita habere* (quod vltro confitemur.) *nec pati scripturas vt ita habere possit,* quum dictū potius à te oportuerit. *Vt ita explicari possit,* age nos in eum locum istam disputationem differamus.

Audiamus iam grande & inexpiable Bezæ facinus, qui τὸ τοῦ αἵματος vertit, Hoc est sanguis meus, quoniam Lucas τὸ ποτήριον nomen ipsi pronomini τὸ τοῦ adiunctum expresit. Quid tu verò contra? Si, inquis, *apud Lucam τὸ τοῦ demonstrat ποτήριον siue poculum cui affigitur, quare non demonstrabit αἷμα siue sanguinem, cui similiter annectitur?* Atqui mi acerrime censor, ne si quidem meam versionem seu interpretationem sequaris, præiudicium attuleris identicæ quam mox statui, enuntiationi. Nec enim adieci apud Matthæum aut Marcum poculi nomen, quia mihi summa

religio fuit contextū vllō modo violare. Istaverō si tuo sensu accipiantur,annon idē valent *Hoc.i. Hac res,est sanguis me⁹,&,Hic est,vel Ecce sanguis meus?* Sed heus tu bone vir, cur hīc non valeat quod tute ātea dixisti, Euāgelistas videlicet mutuas inter se operas tradidisse? Quod autē factū negabas in Eucharistiæ institutionis verbis quasi per se penitus perspicuis, ecce falsum hīc esse conuincitur. Prospiciens enim Spiritus sanctus fore vt ambigeretur non tām ab hominibus quàm à stipitibus,quid per pronomen τὸτο demonstra-
retur (quanuis id satis non penitus insanis lique-
ret ex eo quod dixerat Christum videlicet poculum manibus suis accepisse) ipsum antecedēs τοῦτο expresse. Afferes hanc alteram quoque in
me rationem. *Quum Moses dicens τὸτο τὸ αἷμα τῆς διαθήκης Hic est sanguis testamenti, nihil aliud voluerit indicare,quàm sanguinem ipsum,qui tamen hyssopo ceu vasculo continebatur, cur eodem prorsus stilo vtens Christus, existimabitur vasculum aliquod præter sanguinem indicasse?* Agnosco Illyrici illius infelicis memoriæ discipulum, fortassis à vobis quoque ad turbandas Ecclesias conducti: & simul agnosco iustū in te excœcando diuinū iudiciū. Obsecro enim, si pares sunt istæ formulæ, ea quidē quam tu vis ratione: & Moses nihil nisi illum ipsum sanguinem in hyssopo contentum demonstrauit, quid etiam demonstraerit Dominus? nempe sanguinem solum suum, in calice cōtentū. Ergo plurimū à Mose dissentit Christus. Nam ille duntaxat signum, Christus rem ipsam significatam duntaxat expresse. At cur ille quidem rem significatam (illum videlicet Christi

Christi fundendum sanguinem, vt author epistolæ ad Hebræos ostēdit, id est, illud ipsum quo fœdus sanciebatur, & quò respicere Israelitas oportuit) sciens præterierit: Christus verò signi quod eo ipso tempore instituebat, nullam fecerit mentionem? Res autem ita habet. Nec Moses nec Christus signum aut rem significatā prætermisit. Nam ille sanguinem fœderis nominans, sacramentum à re communi discernit, & quauis obscurè (vt sub lege) tamen satis innuit hunc sanguinem quem fundebat, esse alterius nō communis fundendi Sacramentum, quum sanguis ipse taurorum & hircorum conciliare homines Deo nunquam potuerit: Christus verò tum signum demonstrat pronomine *σημεῖον*, tum rem Sacramenti quū illi sanguinis sui nomen attribuit. Inter Mosi verò dictum & Christi verba illud interest, quòd apud illum vnus sanguis signum est alterius: in Christi verò sententia vñ est sanguinis Sacramentum. Cæterum tertiā quoque rationem profers eiusmodi: *Poculum*, inquis, *pro vase aut vini potione non potest esse nouū Testamentum, neque tessera noui Testamenti quod exigit sanguinē Filij Dei. Ideoque non aliud quàm ipsemet sanguis designatur per poculum.* Respondeo quod vas ipsum dicis neque nouum Testamentum esse, neque tesseram noui testamenti, in eo me tibi assentiri. Quis enim hoc vnquam dixit aut dixerit? sed quod inde concludis planè inficior, nempe nihil hīc præter ipsum sanguinem demonstrari. Etenim si nullum signum hīc est neque rei significatæ ἀνάλογον, nullum est Sacramentum. Quòd si signum hīc aliquod esse

c. ij.

dixeris, quæram nimirum cur nulla sit eius à Christo facta mentio. Denique scito non deesse editum illic exemplar, ac etiam manu scriptum Cypriani apud quem Epist. 63. totidem verbis legatur. *Hoc est sanguis meus*, quomodo vertenda esse græca illa contendo.

Accedo ad tertium accusationis tuæ caput longe grauißimum, nempe *quod in his Lucæ verbis, τὸ πρὸς τὸ πολὺ ἑρῶν ἢ κενὸν διαθήμην ἐν τῷ αἵματί μου τὸ ἐκ τῶν ὑμῶν ἐκχυνόμενον, ausus sim eum solæcisini accusare, quasi dictum oportuerit τὸ ἐκ τῶν ὑμῶν ἐκχυνόμενον* : & contra omnium exemplarium fidem conuerterim. Hoc poculum est nouum testamentum in sanguine meo qui pro vobis effunditur,

At ego rursus quæro qua conscientia hæc in me scripseris. Fateor me ita (vt tu dicis) conuertisse, sed an textum ipsum Lucæ corrupti, ac non potius testatus τὸ ἐκχυνόμενον in omnibus nostris exemplaribus scribi, &, allatis meis coniecturis, omnia lectori salua & integra reliqui? Hoc cūne verò est agere quod librorum corruptores solent? Quid si protulissem codicis cuiusdam manuscripti mei Græcolatini lectionem, adeò vetusti, vt ipsius Irenæi fuisse videri possit? Est autem in monasterio quod Irenæi dicitur Lugduni repertum, in quo totum istud quod apud Lucam de poculo dicitur posteriore loco, non inuenitur. Tibi ne verò impium aut blasphemū nō videtur dicere in Luca esse solæcophanes aliquod, quā Hebraicè potius quàm Græcè sacri illi scriptores sæpe loquantur? Oblitusne es illā duram Hieronymi vocē, Paulus solæcismos loquitur? Atqui meæ coniecturæ eò inclinant,

inclinant, vt potius quàm solœcophanes sit à Luca admissum, vel hanc particulam τὸ ὑμῶν ἐκχωρημένον ex alijs Euangelistis insertam esse in Lucæ contextum contendam, vel casum perperam à librarijs, quanuis consentiant exemplaria, mutatum. Illius coniecturæ hanc rationem habui, quòd apud Paulum, qui probabiliter putatur hunc ex Lucæ locum totum desumpsisse, illa particula tota omittitur: quæ ratio maximi est momenti, quanuis à te negligatur. Cur enim Apostolus hoc præterijssit? & vel vnica oratio Dominica qualis in veteribus codicibus apud Lucam legebatur, ostendit multa ex Euangelistis fuisse (nulla tamen sensus iniuria) interiecta, quæ probabile tamen est ex albo libri in ipsum contextum irrepisse. Adieci alterius scripturæ nempe τὸ ἐκχωρημένον testem locupletissimum Basilium cui τὸ ἡδυνῆ attribuantur, qua in re quum me dicis aut falli, aut impudentissimè fallere, audeo multò verius dicere, te potius omnem pudorem exuisse. *Non enim*, inquis, *Basilius sic asserit legi in Euangelio, sed textus Evangelici textum explanat.* Audi accerrime censor, Aio te vel Basilij locum non inspexisse (exat autem in Ethicis ὅφω κα.) vel omnium hominum in hac mei criminatione impudentiam superare, quum in toto illo libello, exceptis quaestionibus ad quas singulis definitionibus ex merito Dei verbo respondetur, ne vocula quide m nedum explicatio aliqua ipsius Basilii, vel scriptoris illius, quicumque tandem fuerit, inueniatur. Negas? librum saltem inspicere vt te tui pudeat. Cur verò sit solœcophanes si recepta lectio

feruetur, idcirco dixi, quod τὸ ποτήριον siue pro ipso vase, siue pro vino intus contento dici non possit pro nobis effusum. Imò, inquis, *poculum effusum pro nobis denotat sanguinem qui in poculo pro nobis effunditur*. Saltem verò potius infusum dixisses. Quin enim hoc dicatur de illo ipso sanguine pro nobis in cruce fuso, ambigi à sanis hominibus non potest, à te fortasse potest: qui tot locis & momentis creari sanguinem propriè acceptum censes, quot locis illa vestra sacra peragitis. Nam sic quoque Cyprianum de veracissimo corpore Christi verbū Creādi fateor vsurpare, sed sensu à tua transsubstantiatione multo diuerso. Sed dic, quæso, bona fide, si iam tum in illo poculo ipsanget illius sanguinis materia & substantia continebatur, certè intra venas ipsius Christi nō erat. Bis itaque fuerit effusus, ac proinde bis passus Christus, semel in institutione Eucharistiæ, ac denuò postridie in cruce: & hic certè infusum potius quàm effusum dicere debuisti. Denique ponamus id verissimum esse quod tu ais, potio, inquā, illa fuerit ille ipse sanguis. Igitur pro *Hoc poculum* substituamus, *Hic sanguis* quid erit absurdus hac ratione *Hic sanguis est nouum testamentum in sanguine meo?* nisi vis fortasse repetitum esse antecedens pro referente pronomine, ex Hebræorum idiotismo. Et rursum quid ineptius est quàm Testamentum propriè & sine tropo dici velle testatoris sanguinem, aut id quo fœdus sanciat? Nec enim ignoras Hieronymo in Epistolam ad Galat. magis placere pacti seu fœderis nomen.

Accedis postea ad vocem ipsam τὸ ποτήριον, quam ineptè dicis à Caluino & à me pro vasculo ac-

cipi, ut inducenda metonymia rimam inueniamus, & trāssubstantiationem magis ineptam reddamus, quasi vasculum asseramus in sanguinem conueriti: quum tamen nemo nesciat τὸ ποτήριον Græcè, & poculū Latinè, tam potum complecti quàm vasculum, quamobrem etiam Paulus & Lucas ne erraremus, addūt. Quod pro vobis effunditur, sicut etiam Ioan. 18, II. eadem vox accipitur

Atqui (quod obiter hīc dictum sit) rursus hīc te ostendis codicem non inspexisse. Neque enim apud Paulum istud postremū inuenies. Sed hoc est duntaxat ἀπαθήματα μνημονεύον. Ad rem autem ipsam quod attinet, non ita certè ineptijmus ut tu somnias. Nusquam enim diximus τὸ ποτήριον hīc accipi pro vasculo per se. Sed hoc diximus & dicimus, cogi vos ad alterutrum istorū duorum, nempe vel transsubstantiatum ipsum poculum dicere, vel per metonymiam continēs pro contento accipere. Nam ut in omnes partes te conuertas, & omnes Grammaticos consulas, nunquam probaueris τὸ ποτήριον Græcè, siue poculum Latinè (quæ nomina sunt περιεκτικὰ) rem contentam propriè significare. Nec rursus unquam euades extremæ peruiaciæ crimen, si cōtenderis potionem poculo contentam, quæcunque tandem illa sit, vel fœdus ipsum, vel confœderationis actum, ut ita loquar, declarare. Si hoc non agnoscis, age, nega etiam Solem meridie nondum exortum.

Postremò, inquis, Beza contra morem suum abstinuit ab exprimendis articulis ne cogeretur fateri quòd ex emphasi & excellentia denotata, verū Christi corpus, & verus sanguis demonstretur. Quali
c, iiij.

verò aliud in hoc mysterio corpus, quàm illud ipsum traditum pro nobis, aut aliud sanguinem quàm illum ipsum pro nobis effusum ponere mihi unquam in mentem venerit. Sed tu nimirum excludi putas à nobis quicquid eo loco non est situm ubi nos versamur. Sed quod ad articulos attinet, si illos non expressisse flagitium est, quis est potius quàm vestri Canonis interpretes accusandus? Quanquam hinc rursus in manifesta calumnia deprehenderis. Sum enim interpretatus *ἡ γὰρ ἡ δὲ αὐτὴν* Nouum illud testamentum, ut tu ipse alibi agnoscis, nempe ut à vetere nouum istud appposito articulo Euangelistam distinguere voluisse ostenderem, quod cur in corporis vel sanguinis vocibus facerem causam nullam iustam habui, ut iam pridem improbo illi Illyrico respondi, ex quo mirum est excerpere te istas rãcidas calumnias, quàm culpa carere maluisse.

Et hætenus, inquis, de corruptelis illatis Euangelistarum textui, &c. At tu (si placet) nunc audi quæ tibi sic obiiciam ut illa negare nullo modo possis. Dico igitur vestri illius Canonis auctorem, à cuius syllabis pendere miseras tot hominum mentes iubetis, hæc addidisse Euangelistarum textui & literæ in prioris parte, *Elevatis oculis in cælum ad te Deum Patrem suum omnipotentem.* Et iterum duorum istorum,

Gratias agens benedixit Et

ex hoc omnes. In altera verò parte,

Hunc præclarum calicem in sanctas ac venerabiles manus suas.

Et æterni testamenti mysterium fidei.

ut taceam de vocabulo *μὸς*, id est, *Meus* in *Mei* conuetsa

conuerſa qua de re veſter Bielus valde laborans tandem in hanc vocem erumpit, *Magis videtur*, inquit, *quòd forma præſata verborum quàm ſervat Eccleſia, fuit forma tradita à Domino, quàm alia poſita in Euangelijſ, quæ poſt ſcripta ſunt & narrata ſecundum diuerſitatem traditionum & translationum: NEQVE IPSI EVANGELISTAE IN FORMA CONVENIUNT.* Aut igitur (boni magiſtri noſtri) iſtum vt hæreticum damna- te, aut nos nihil iſtorum auſos abſolute, aut tantam in ſingulis voculis vim verborū vrgere, aut denique tantum per omnia Euangelistarum in verbis institutionis conſenſum (nā alioqui ſummam in re ipſa conſentionem eſſe minimè dubitamus) iactare deſinite.

Poſtea polliceris te de verborum ſignificatione & re ipſa dicturū ac imprimis quæris quid detur. *Si conſulas*, inquis, *ſenſus externos, non poterunt aliud reſpondere, quàm dediſſe Chriſtum diſcipulis ſuis panem & vinum: Sed non eſt actio muta, & declarauit Chriſtus diſertis verbis mentem ſuam his verbis, accipite, edite, Hoc eſt corpus meū, quod pro vobis datur.* Idem probas poſtea à communi hominū de verborū ſignificatione iudicio, & ſcripturarum communi loquendi uſu, & Chriſti apud Ioannem factò promiſſo de carne ſua in eſum præbenda.

Quorſum autem aut aduerſum quos iſta? nempe aduerſus eos qui verum & vnicum illud Chriſti corpus negarent nobis in Cœna tradi, ex quo numero quum tu ipſe Calvinum expungas, vt qui minimè ſerat eos qui dicāt figuram tantum corporis à Chriſto, nobis in Cœna dari, tu quidem certè præuaricaris *Verum*, inquis, *nec dici-*

tur, Hæc est efficacia sola, aut fructus, aut quid aliud corporis mei, ut valeat Caluini opinio. Quasi verò centies millies hoc non sit à nobis inculcatum, causarum ordine prius oportere nos cum ipso Christo vnum fieri, siue Christum ipsum participare, quàm ex ipso quæ ipsi vt subiecto insunt, id est, omnia ad salutem necessaria, hauriamus. Tu verò sicut Sophistam decuit, quæstiones permisces. Aliud enim est quærere. Quid detur, quàm quomodo detur: item quod datur, quo obiecto percipiendum detur. Dari nobis reuera verum illud corpus traditum pro nobis, Christo id asserenti planè credimus, sed dari quomodo panis & vinum res naturales & reipsa situ loci præsentibus (nimirum in manus) consueuerunt, aut ore corporis percipi, id verò inficiamur. Id enim merè spiritali cælestique modo fieri, & mentis non ventris opus esse illam perceptionem dicimus. Negamus etiam idcirco nos Christo vel per verbum simplex, vel per Sacramenta incorporari, vt realiter corporum substantiæ sese mutuò coniungentes, non mysticum sed monstruosissimum corpus reale conflent, sed vt vitæ succum cum cæteris donis ex Christo hauriamus. De his igitur quæstionibus controuersis, non de illa prima (de qua quantum intelligere, possum inter nos conuenit) laborare te oportuit. Falsum est ergo, vna saltem ex parte quod dicis, primam inter nos esse controuersiam quodnam suum corpus Christus à se tradi intellexerit, & in qua re ipsum nobis porrexerit. Nā etiamsi dicimus corpus non nisi sacramentali metonymia de pane illo dici, ac proinde id quod in manus datur quum

quum dicitur corpus non esse illud ipsum reale corpus, sed ipsius duntaxat realis corporis Sacramentum: tamen non consequitur ita nos infanire, vt plura corpora Christo tribuamus. Quod si vnicum est Christi corpus, vt certè est, cuius amentia quæso fuerit, quod Christi corpus nobis in Cœna detur disceptare? per illa quoque *in quare* si signorum duntaxat externorum adhibitione, & per verbum *porrigendi* spirituales ipsam præbitionem intelligis, rursus tibi assentimur. Sin verò externam in manus vel in os traditionem corporis intra ipsa signa contenti sic significas, hac in re planè à te dissentimus.

Subiicis *quadruplici* significatione legi Christi corpus in scripturis: primum pro corpore naturali nato de Maria virgine: deinde pro corpore mystico siue fidelium cœtu: tertio pro veritate Euangelij antiquis umbris respondente. Adde quartum, inquis, si placet, pro qualitate & proprietate corporis Dominici: aut gratia & merito ab eodẽ corpore effluẽte, quæ significatio licet naturalis corporis significatione includatur, attamen eam per me liceat distinguere. Eo sensu Apostolus negat iam cognosci Christum secundum carnem: eodẽ plerisque videtur apud Joannem commẽdari cibus & esus carnis Dominice.

Imò plenius multò & enucleatius corporis appellationem distinguimus. Nam corpus illud naturale interdum declarat totam humanam naturam à verbo assumptam: interdum alteram tantum eius partem, corpoream videlicet ab anima distinctam: interdum etiam huius corporeæ partis alteram seorsum à sanguine, cogita-

tione seiunctam, quæ significationes etiam Carnis voci tribuuntur. Est autem nominatim obseruanda vltima illa significatio ad, refellendum vestræ concomitantiae commentum, quo sacri-
legium illud ingens, ereptam videlicet populo alteram Eucharistiæ partem, obtegere consue-
uistis. Sed & in ea significatione quam quartam cōstituis plurimum peccas. Primum in eo quòd qualitatem & proprietatem corporis Domini eandem facis, deinde quòd hæc eadem esse vis atque gratiam & meritum ex Christi carne ef-
fluens, itémque quòd vtrunque hanc significa-
tionem dicis naturali corporis acceptione in-
cludi. Nam quod ad primum istorum attinet, si indefinitè qualitas corporis naturalis est eius-
dem proprietas, efficietur mutatione qualitatis corpus exuere corporis naturam, quum sua pro-
prietate quæuis natura constituatur. Neque hoc temerè dico. Nam hoc tuum figmentum eò spe-
ctat, vt corpus illud naturale doceas corpus esse non desinere, etiamsi proprietas corporis, id est, loci circumscriptio ei adimatur: quò etiam illum Pauli locum detorques, quòd Christum amplius non cognouerimus secundū carnem. At nos qua-
litates accidentales, tū naturales & inseparabiles tū per peccatū (peccato tamē excepto) inuectas à proprietatib⁹ distinguimus. Illas enim in Chri-
sto nostro capite per Resurrectionem & Assen-
sionem in statum infinitè excellentiorē commu-
tatas, alteras prorsus abolitas, istas in æternū re-
tentas dicimus. Deinde qua tandē ratione, quæ-
so, gratiam & merita & quæ ex ipso Christo do-
na haurimus. cum illa siue proprietate siue qua-
litate

litate cōfuderis? & rursus *ἀκούσατε* loqueris quū corpus naturale dicis hęc intra se includere, quū tamen existimes hęc posse absque ipsius corporis perceptione percipi, sicuti non negas plerisq; videri accipiendum carnis esum & sanguinis potum apud Ioannem. Nos igitur hanc significationem facimus quintam, & à prima quidem distinguimus vt ab antecedente consequens, nunquam autem separamus. Sed videamus quomodo hęc in nos contorqueas. *Sacramentarij* (inquis, quam vocem libenter amplectimur) *adfunditus abolendam Eucharistiam & resistendum Dei verbo expresso, in duobus peccant.* Super his conuiitijs Deus inter te & nos iudicet. *Nam quum in Cœna aiūt Edere corp⁹ Christi nihil aliud esse quàm Christi vniri per fidem & fieri membrum corporis eius, tum corpus capiant oportet pro mystico & non naturali.* Imò te oportet mentis compotē non fuisse, quum hęc in nos scribere te non puderet. Etenim qui sentiunt ex esu & spiritali apprehensione ipsius Christi pendere corporis mystici Christi constitutionē, siue fideles edendo Christi corpus, euadere corpus Christi mysticum, quomodo dici possunt sentire corpus Christi quod edunt, illud ipsum esse quod ex illo esu efficitur? Deinde Edere Christi corpus nō dicim⁹ idem esse atque vniri Christo, sed ita significari sacramentali loquutione, fideles ritè vtentes panis & vini illius esu, sibi Christum magis ac magis adiungere, vt fiant os ex ossibus eius & caro ex carne eius. Aliud autem est ipsa actio, quàm quod illam consequitur. Sed alterum errorem audiamus. *Rursus*, inquis, *quum verba*

Christi de Coena explicant, nouum significatum nusquam in scripturis repertum imponunt corpori Christi, & suadent pro figura siue pro Sacramēto & signo corporis accipi: quum nusquam in Scripturis corpus Christi absolutè positum occurrat nisi pro substantiali & naturali. Respondeo rursus, quum panis ille dicitur à nobis esse symbolum corporis Christi siue sacramentaliter esse corpus Christi non aliud corpus à nobis quàm illud verum & naturale intelligi: neque hîc controuerti quòdnam corpus dicatur esse panis, sed quo sensu potius ille dicatur esse verum illud corpus, re ipsa videlicet & ipsa panis existentia, aut substantia panis in substantiam corporis transmutata, an verò sacramentaliter duntaxat, siue propter vsum sacramentalem, sicut res naturales ad res prorsus alias quàm natura & substantia ipsarum ferat, significandas, ex pacto siue institutione Dei vel hominum, accommodâtur. Sic exempli gratia, vox illa *Agnus* propriè animal illud quadrupes & lanigerum declarans, si ad Christum significandum adhibeatur, vt si dixerò Pauli vestigia sequutus & agnum paschatis intelligens. *Agnus paschatis erat Christus*, neque in Agno subiecto, neque in Christo attributo vlla fuerit significationis mutatio: sed Agnus ille verus non fictitijs, non reali sed sacramentali attributione Christus ille verus fuisse intelligetur. Hinc apud veteres Theologos non duplex vnus Christi corpus, sed duplex erit istius vocis *Corpus* acceptio: vna videlicet qua in sese cōsideratur naturale illud & essentialē corpus

p^o quod p nobis in cruce pependit: altera verò quatenus relatè illud ipsum spectatur, siue quatenus de pane illo dicitur, velut quum corpus Christi creari, in terrā cadere, consumi dicitur, sicut ex Patrū penè omnium disertis verbis suo loco demonstrabitur. Ac ne longius abeam, quū vester Lombardus contēdit in Eucharistia corpus esse & rem Sacramenti & signum, id est, & rem significatam & rem significantem, etiamsi (perperam id quidem ac prorsus ineptè) velitis esse corpus sui ipsius signum, tamen agnoscere cogimini quod hīc in nobis reprehendis, nempe Corpus quoque pro signo in Eucharistia intelligi. Nec te, quæso, istarum ineptiarum vnquā pudebit? Nam ne id quidē quod tu ais nusquam corpus Christi absolutè positū nisi pro naturali Christi corpore sumi si *Absolutè & Relatè* abs te opponuntur, in nos dicitur. Sed & ista quā ab-
surdè scribis? *panem quidē saepe inueniri pro Christi corpore, ut in illis Jeremie verbis, Mittamus panem in lignum eius, & saepe apud Ioannem: sed nusquam legi corpus Christi pro pane.* Nam (vt omittā illam nō literalem sed allegoricam loci Jeremiæ interpretationem, planè indignam quæ à te re-
poneretur quanuis à veteribus non vno loco sit inculcata) quoties panis dicitur corpus, annon toties corpus dicitur panis, si identicæ sunt illæ enuntiationes, quales omnes illas esse vultis? Imò etiam in attributione sacramentali, quanuis non identica, sicut signo attribuitur (testibus Theodorito & Augustino) rei significatæ nomen: ita quoque reciprocè rei signi-

ficatę tribuitur signi nomen vt tam dicere liceat
Christus erat illa petra, Christus erat Pascha,
Christus est ille panis quàm petra erat Christus, Pa-
scha erat Christus, Panis ille est Christi corpus.

Vrges postea illam adiunctionem. *Quod pro*
vobis datur, & qui pro vobis effunditur, vt doceas
 de vero & naturali corpore & sanguine accipiē-
 da institutionis verba. Concedo, sed ita vt sacra-
 mentaliter attribuantur, quam attributionem
 antea ostēdi nullam in rē ipsam quæ attribuitur
 mutationem inuhere.

Magnos postea clamores excitas de articulis
 à me prætermisis, quod ex Illyrrici fœtida cloa-
 ca hausisti. Velles igitur, sicuti me apud Lucam
 & Paulum conuertisse fateris. *Hoc poculum est*
nouum illud Testamentum, ita etiam me inter-
 pretatum esse *Hoc est corpus illud meum, & Hic est*
meus ille sanguis,

At enim si articuli hoc loco non exprimi sine
 tanto piaculo non potuerunt, cur non potius il-
 lum vestrum sanctissimum interpretem à Con-
 ciliabulo Tridentino, cæteris expunctis, com-
 probatum flagellas? imò cur in vestrum illum
 sacratissimum Canonem non insurgis? Res au-
 tem ita habet. Articulos credidi & adhuc cre-
 do non semper necessariò exprimendos excel-
 lentię significandæ causâ, & idcirco non vbi-
 que expressi: quod ad *διὰ ξρισιν* autem attinet,
 nunquam faciliè prætermisi: ideòque non im-
 prudens (vt tu calumniaris) neque quòd ad
 nostram hæresim non faceret (vt tu conuitiaris)
 articulum adiunctum Testamenti vocabulo ex-
 pressi apud Lucam & Paulum, sed vt vnum te-
 stamentum

stamentum ab altero sic discerni indicarē : quod in alteris illis de corpore & sanguine enuntiationibus necesse non fuit , quoniam sufficit ad discrimen significandum illa adiunctio , *Quod pro vobis datur, & Qui pro vobis effunditur*, tantum abest vt istarum adiunctionum vim & pondus non animaduерterim. Quæ verò sublicis de articulis quoties pronomiibus demonstrantibus subiiciuntur, vt sic euincas per τὸν non posse aliud demonstratū videri quàm hoc ipsum corpus, ita ridiculum est vt ne refutatione quidem egeat quam tamen si quis requirat, ex nostra aduersus impurum illum Illyricum apologia petat licebit. Denique vt semel de hoc transigā, quum ex articulorum expressione effici velis non posse corporis vocem aliter quàm de vero illo corpore pro nobis tradito intelligi , habes reum confidentem, at non tamen erroris conuictum, nisi si tutemet in eodem versaris errore.

Sed hæc tua consequutio falsissima est, *Si proprium corpus significatur, orationem quoque istam, Hoc est corpus meum, propriam esse ac minimè translatitiam.*

Quid enim obstat quominus in eiusmodi enuntiationibus non modo attributum sed etiā subiectum, nedum eorum alterum , propria natiuāq; significatione accipiatur, & tamē translatitia sit oratio, qua vnum de altero dicitur? Neq; enim ex attributi duntaxat aut subiecti aut alterius istorum significatione, sed etiam ex ipsa attributionis natura, diiudicandum est, totāne ipsa enuntiatio figuratè sit an propriè accipienda. Sumamus si videtur hoc exemplum. *petra illa*

erat Christus. Hîc dico petram propriè significare rupem illam naturalem, siue naturalem fluvium inde profluentem, Christi autem appellatione non aliû quàm ipsummet Christû nobis in Eucharistia propositû declarari, quû idem illorû potus fuerit qui noster. Dicitur tamen non substantialiter sed typicè Christus naturalis de petra naturali, quû teipso iudice petra nō sit transsubstantiata, petra verò & Christ⁹ sint disparata, ut vñ ppriè de altero dici nequeat. Sic Circuncisio realis est reale fœdus, sed sacramentaliter significans. i. quia fœderis realis signû est. Sic Christus ipsemet erat illud ipsum Pascha, sed sacramentali significato nō propriè. Sic verus Christi sanguis dicitur de vero vino, sed sacramentali metonymia. Denique tam frequentes hæ loquutiones translatitiæ quàm alteræ propriæ occurrunt.

Ex hoc etiam liquet quàm impudenter & inscienter in nos torqueas quod in Marcionē scribit Tertullianus. Verba Tertulliani hæc sunt integra nec decurtata, sicut à te versutè proferuntur. *Christus acceptum panem & distributum discipulis corpus suum illud fecit, dicendo Hoc est corpus meum, id est, figura corporis mei. Figura autem non fuisset, nisi veritatis fuisset corpus. Cæterum (id est, Tertulliani idiotismo, quoniam) vacua res quod est phantasma, figuram capere non posset.* Confutat hîc eruditissimus sed obscuris argutis plenus scriptor, delirium Marcionis, non verum sed phantasticum siue imaginarium corpus Christi asserentis: & sic argumentatur. Panis ille quem Dominus corporis sui figuram effecit, dicens, hoc est corpus meum, figura est corporis. Ergo corpus Christi verum est corpus, non ima-

ginarium, Nam figura nulla esse queat rei merè imaginariæ. Et ne regerere posset Marcion voluisse Christum figuram visibilem & verè corpoream imaginario & non existenti corpori illi suo affingere, excipit Tertullianus. Si propterea Christus panē corpus sibi finxit, quia corpus carebat veritate, ergo panē debuit tradere pro nobis. Faciebat enim ad vanitatē Marcionis vt panis crucifigeretur. Id est plurimū faceret ad cōmentū Marcionis stabiliendū, vt spectrū illud in cruce potissimū panis substātia tegeretur, ac sic panis traderetur & crucifigeretur p nobis. Subiicit deniq; Tertullianus hæretico iā cōuicto insultans, *Cur autem panem corpus suum appellat, & non magis peponem quem Marcion cordis loco habuit, non intelligens veterem fuisse figuram?* Nam pepones, prouerbiali dicendi genere, dicuntur vecordes & stolidi, etiam apud Homerum. Dicit ergo irridens Marcionem Tertullianus, tam potuisse peponis quàm panis figuram Christum illi corpori suo phantastico affingere, quod fuisset ipsi Marcionis ingenio conuenientius. Addit demū in eo quòd panem potius, quàm aliud aliquid delegerit vt corpus suum figuraret, impleuisse Deum quod iam olim prædixerat per Ieremiam quo tamen testimonio (quod sine tanti viri contumelia dixerim) planè abutitur. Hæc igitur ille, quæ quum in nos citares, quis te non animaduertat iusto Dei iudicio fuisse excæcatum? Nam vt hæc argumenta sibi consent, primū oportet panem manere panem, quoniam alioqui retorto argumento dixisset Marcion, non esse panem sed mera accidētia qui panis esse videbatur

Deinde corpus audis exponi corporis veri figurā quum panis attribuitur in his ipsis verbis, Hoc est corpus meum, contra id quod paulò antè dicebas in Scripturis non inueniri. Audis etiam veritatem corporis eo aſtrui quòd vera & ſubſtanciali figura repræſentetur, vt ſublata panis ſubſtantia efficiatur corporis quoq; veritatem in Sacramento deſtrui. Et quinam, obſecro, palàm Marcionifant? Annon vos qui panis ſubſtantiam, ſolis manentibus ſine ſubiecto accidentibus, in nihilum redigi & in corpus non quantum tranſmutari ſomniatis? & ad tegendum realis *αποφα-
ζίας* horrorem, accidentibus panis & vini tegi quaſi figura & ve-lamento reale Chriſti corpus docetis? quod delirium ne Marcion quidem ille præſtigiator, opinor, toleraſſet. Sed illud planè omnem impudentiam ſuperat quòd pro verbis Tertulliani quibus contendit quod prophetice prædixerat Ieremias, panem dicens in lignum mittendum, reiſſa impletum quum Chriſtus iam crucifigendus & Eucharistiā inſtituens corpori ſuo nomen panis inderet: pro verbis, inquā, illis Tertulliani perſpicuis (quibus non panem in verum corpus mutatum, ſed è contrario corpori ſuo nouam panis appellationem inditam ſignificat quoniam panis ſit corporis illius figura ſeu Sacramentum) ſubſtituis, *intelligens figuras præteriſſe* quo nihil dici minus ad Tertulliani conſilium appoſitè potuit.

Pergis poſtea &, inquis, *Alluſit Chriſtus ad veteres hoſtias quæ reuera ad edendum tradebantur ſicuti reuera offerebantur: quamobrem ſignificatur tam verè exhiberi Chriſti corpus ad eſum, quàm ve-
rè pro*

rè pro nobis est oblatum. Item, in mensa sacrificiorum eadem caro reuera apponebatur in esum, quæ offerebatur in sacrificium. Ergo idem Christi corpus tam verè præbetur à Christo in edulium, quàm est sacrificatum in cruce. Concedimus hæc omnia, nec magis nobis prodesse crucifixam quidē, sed spiritualiter & fide non comestam carnem Domini dicimus, quàm appositas dapes quibus tamen non vescaris: neque de carnis magis quàm de signorum panis & vini veritate, & licet spirituali, vera tamen perceptione dubitamus. Sed quemadmodum aliud est cibus significās ideoque corporis sensibus præbitus, quàm cibus significatus, ideoque menti & fidei porrectus, idcirco illorum quidem corporalem, istius verò spirituales præsentia, dationis; & receptionis modum per fidem statuimus: sic ferente & ipsa rerum ac signorum corporalium natura & corporis Christi veritate, fideique analogia & spirituali sacramentalis ritus sine.

Reponis postea nobis rancidum hoc argumentum. *Si omnia ferè vocabula contenta in Cœnæ historia propriè & de externis actionibus à vobis ipsis accipiuntur, ut panis, vinū, accepit, fregit, dedit, accipite, comedite, bibite: cur quæ sunt potissima, idest, ipsa demonstratio rei quæ traditur, à suo genuino significato transferetur? Quæro ego verò primum cur particula ferè à te adiciatur. Certè si verū fateri sustines, hoc adiecisti ppter verbū *fregit*, qđ vel inuitus cogeris fateri, ex proprietate panis ad corpus sic translātū, vt tamē ipsummet nō frangatur. ne sitis scilicet illis ipsis carnificib⁹ Christi immiores. Atqui ne sic quidē elabimini. Nam præ-*

f. iij.

terquam quod accidentia diuidi nisi ipsius substantiæ subiectæ ratione non possunt, dic, quæso utrū minus conuenit carni Christi, an in aliquot frustra diuidi, an verò minutatim infixis etiam (vt vester Nicolaus loquitur) ipsi carni reali realiter dentibus, sub dentium mola comminui? quod scelus vt vitaret ὁ οὗτος ille συλλογιζόμενος, cuius stercora tu studiosè collecta nūc depalcerre velle videris, maluit solidum corpus vorari. Nec vos istorum saltem deliriorum vnquā pudebit? Sed ad rem. In Sacramentis aliud videri, aliud intelligi negare non potes. Signum quoque fatearis oportet illud esse quod sensibus externis obiectum facit vt aliud quàm quod natura est in mentem veniat. Hoc, inquam, est discrimen specificum, quo omnia signa etiam Sacramenta, à rebus significatis differunt. Tūne verò corporis & animi actiones confuderis? Quod hīc autem videtur, certè oculis videtur: quod autem intelligitur, mente intelligitur. Quid si verò vtrique actioni significandæ vnum & idem verbum adhibeam? Nam & videre oculus & animus quoque dicitur, sed ille quidem propriè, hic verò translatiuè. At quod de vno sensu de cæteris quoque eadem ratione dici vsque adeò consuevit, vt vix vsitatio sit propria, quàm translaticiua significatio. Nam & gustare, & olfacere, & accipere & pungi dicitur animus. Quid si igitur, inquam (vt in hac narratione factum est) vno eodémque verbo & id quod corpore geritur, & id quod mente intellectū apprehēditur significaro? nempe propriè simul & translatiuè diuerso respectu, eandem vocem vsurpauero. Sic igitur concludo.

Quum

Quum vt sua Sacramentis constet ratio, etiamsi
 duæ res extantes præbeantur, tamen earum vna
 corporis sensibus, altera menti fide præditæ ob-
 iiciatur, institutionis verba ita cōcepta sint vt
 vnīs iisdemque vocibus præcipuè corporeis
 rebus conuenientibus cuiusmodi sunt Frangere
 Dare, Accipere, Comedere, Bibere, vtrunque
 declaretur, illud quoque necessariò consequi, vt
 eadem voces, quum ad signa in sensus incurrē-
 tia & corpoream actionem referuntur, propriè
 intelligantur: quum autem ad res significatas &
 fidei actionem accommodantur, translatitiè ac-
 cipiantur. Cur verò vnīs & iisdem vocibus rebus
 corporeis conuenientibus, intellectuale etiam
 arcanum illud significetur, causa duplex est. Vna
 quòd Sacramenta corporea idcirco sint instituta
 vt à corporeis ad spiritualia, sic natura nostra fe-
 réte, assurgamus. Sic enim etiam inuisibilia Dei
 in rebus aspectabilibus ordinario modo doce-
 mur contemplari, & ipsi Philosophi docēt prius
 in phantasia esse oportere quæ intellectu perci-
 pimus. Altera causa est (vt inquit Theodoretus)
 quòd ista cōmutatione vocū, docemur nobis esse
 res illas corporeas Sacramentorum vsui dicatas,
 & sacramentales actiones contemplandas, non
 vt res naturales, sed quasi res illas ipsas spiritua-
 les, quarū veluti sensibus ipsis præsentium con-
 spectu fruamur,

Eadem ratione refellitur vestrum illud ἀλλοι
 scilicet argumentum quod tam verbosè exponis
*Mutua est inter Dationem & Receptionem conue-
 nientia. Datio illa facta est Christi manibus in
 os & manus discipulorum, Ergo & receptio. Quod*
 f. iiii.

autē fecit Christus faciunt & nunc sacerdotes. Sanē ita est. Itaque vt dantur signa corpori, sic corpore recipiūtur, & vt mēti dantur res significatæ ita mente fidei percipiuntur. Sed signorū dationem cum diuersæ rei receptione tum demū iure comparaueris, quum id quod videtur, & id quod intelligitur in Sacramentis, rem vnā & eandem esse euiceris, id est, falsum esse, aliud in Sacramentis videri, aliud intelligi. Rides ista fateor, sed quæ quò magis ridebis, eò sanē magis te deridendum propinabis.

Expendamus autem & tuum istud. *Quum negetis Christum vobis amplius polliceri quàm verbis institutionis contineatur, & Cœna ipsa non plus erogat quàm constituentis verba testentur: si ipsa tantum metaphoricum aut metonymicum Christi corpus siue nihil aliud quàm veri & naturalis corporis Sacramentum & signum enuntiant, nihil amplius ex Cœna reportatis.*

Respondeo corpus attributione metonymica (nam metaphoræ commentum tuum est) pani attributum, nō esse aliud quàm verum illud corpus, quoniam attributio nihil in re ipsa variat quæ attribuitur. Respondeo & istud, quum Sacramenta minimè inania sint spectacula aut nulla *μνηύσματα*, sed (quod ad Deum quidem promittentem attinet) nunquam signum absque re significata præbeatur, ineptissimam esse confectionem quam nectis. Dico postremò vos eos esse ex quorum Cœna nihil reportetur. Accidētia enim sine subiecto, & corpus quantitatis expers, quid aliud sunt quàm renatum Marcionis phantasma?

Progredieris

Progredieris deinceps ad alteram vocabuli Testamenti significationem pro pacto seu fœdere, ex qua etiam conuincere nos studes violati diuini pacti, nisi re ipsa ore comedi corpus ipsum Domini & bibi eius sanguinem fateamur, ac primùm sic definis illud fœdus de quo agitur vt dicas *esse pactum quod Deus contraxit cum hominibus vt ipse promissa faciat, hi verò debitam præstent eius mandatis obedientiam, ex illis Exodi verbis, Omnia quaecunque fecit Dominus faciemus & erimus obedientes.* Nos verò didicimus præsertim ex Paulo, duplex esse pactum Dei cum hominibus, Vnum legale qđ est ad mortē, vt pote quod conditionem contineat impossibilem præstandę legis quàm perfectissimè. alterũ Euangelij quo gratis in Christo reconciliati seruamur: Hoc autem fœdus partim vetus dicitur, sub quo videlicet Patres in Christum venturum & obscurè adumbratum respicientes seruabantur: partim nouum appellatur, in quo nobis Christus verè exhibitus, re ipsa præstitis quæ ad reconciliationem nostram requirebantur, fide amplectendus præbetur. At tu contrà neque vetus neque nouum istud, sed legale nobis pactum definis. Vtriusque autem fœderis tum legalis ad mortē, tum alterius ad vitam, tessera fuit diuersis respectibus lex cæremonialis, vtpote quæ & chirographum fuerit mortis, & Christum simul cum omnibus ipsius beneficiis veteri populo adumbrarit. Sic igitur de vtroque illo fœdere sentire & loqui ex Dei verbo didicimus. Quoniam autem inter vetera Sacramenta tibi visum est tria seligere, nempe sanguinem, agnum pascha-

lem & victimam illam fœderatam cuius sanguine partim altare partim populum Moses asperfit, age videamus quàm bellè ad tua illa, id est, ad oris esum ac potum, illa traducas. *Vetus testamentum*, inquis, *requisivit verum sanguinem præsentem*, Ergo itidem ad noui confectionem in Cœna verum & præsentem sanguinẽ adhibere necesse fuit. Respondeo vt veterum Sacramentorum cum nostris comparatio (cuius ob causam illa vocantur *ἀγίτυπα*) ritè fiat, oportere signa cum signis non cum re per nostra Sacramenta significata comparare. Nam & illa vetera & nostra re paria imò eadem sunt, vtpote quæ, teste Apostolo 1. Corinth. 10. totâque ad Hebræos Epistola, eundem Christum, illa quidem venturum adumbrarint, ista verò exhibitum ostendant. Itaque re non possunt nisi *κατάτι* inter se conferri. Est igitur ista consentanea consequutio vestram illam panis & vini destructionem planè iugulans. Verus præsens sanguis adhibitus est in vetere fœdere sanciendo, sanguinis videlicet Christi symbolum, & Cœnæ Domini *ἀγίτυπον*. Ergo verũ quoq; vinũ præsens adhiberi Cœnæ oportet, eiusdẽ veri sanguinis Christi effusi Sacramentum illi *ἀγίτυπον* correspondens. Sic cataclysmi typũ cum nostri Baptismi aqua Petros, sic Paulus maris transitũ cum Baptismi nostri ritu, Mannam cum illo pane quem frangimus, petrã fluuium effundentem, cum poculo ex quo bibimus confert, vt signis diuersa, quæ tamen re sint eadem esca & idem potus. Viden' igitur quàm ineptè veteris Sacramenti symbolum cum re noui Sacramenti conferas? Quid si hoc ipsum in te li-

beret

beret retorquere? Sicut sanguis ille pecuinus erat veri illius Christi sanguinis verum Sacramentum, quanvis re ipsa minimè cum sanguine pecuino realiter sed fide tantum præsentis; necdum in rerum natura extantis: ita etiam quum mysterium re prorsus idem in Eucharistia celebretur, vinum nunc esse veri illius sanguinis, nunc quidè in rerum natura existentis, sed tamè sola itidè fide efficacissimè præsentis, Sacramentum? Sed & in eo valde falleris aut fallis, quòd vel sanguine Christi vetus fœdus sancitum putes necesse est (vt sanè fuit) vel inanes fuisse figuras patribus institutas arbitreris, quasi ipsis patribus nihil sed nobis duntaxat Christum repræsentarint. Id autè sentire non potes quin patres aut regno Dei excludas, aut absq; Christi ipsiusmetcõmunione seruatos constituas, quod vtrunq; nefarium esse arbitror.

Alterum argumentum à victimarum oblatione simul & esu sumis, vt concludas *quemadmodum in veteris testamenti sanctione pars sanguinis Deo fuit oblata, pars in populum sparsa, & agni paschalis pars sanguinis applicabatur ad ium postibus, agnus autem ipse primum Deo immolatus & oblatu populo edendus exhibebatur: sic decuisse in nouo testamento fœderalem victimam, id est, Christum partim offerri Deo, & partim populo, vt mutua fieret promissio, obsignatio, & obligatio. Idcirco sanguinem Christirealiter externo ritu crucis exhiberi necesse fuisse, ac proinde externo quoque ritu Cœnæ eiusmodi sanguinem tam verè populo præberi quàm fuit oblatu Deo.*

Respondeo rursum hinc à te vt in superiore collatione peccari in eo quòd antitypum vetus

non cum nouo typo correspondente, sed cum re per vtrunque significata non rectè comparas. Fuit igitur primùm antitypi & nostri Sacramenti talis sic instituenda collatio vt omnia ad amussim quadrarent, Sicut victima Christum adumbrans Deo prius immolata postea à populo edebatur: sic panem quo Christi corpus pro nobis in ara crucis mactatum & Deo Patri oblatum repræsentatur, à nobis edi ex ipsius Christi institutione oportet. Item sicut fœderalis illius victimæ sanguine verum sanguinem illum Christi adumbrante partim altare aspergebatur, partim etiam populus: sic vinum illud verum illum sanguinem Christi, quo pro nobis aram crucis asperfit, à nobis ex eius instituto bibi oportet. Deinde vtrumque tum antitypum vetus, tum Sacramentum nostrum nouum cum ipsa re & veritate sic fuit comparandum. Sicut in veteris fœderis oblatione victima iugulata offerebatur Deo à sacerdote, quo ritu vera illa Christi in ara crucis ab ipso met facienda oblatio animis credentium repræsentabatur: sic panis illius fractio & vini illius effusio, factam illam à Christo cruentam in ara crucis oblationem quasi oculis nostris subiicit. Item vt illi sub vetere fœdere, victimæ fœderalis sanguine exterius aspersi, & agni carnem edentes, simul spiritaliter per fidem intus Christi ventuti & passuri fiebant participes: ita & nos sub nouo fœdere quod est veteris impletio, panem illum ritè edentes, veri illius Christi corporis pro nobis oblatis, & vinum illud ritè bibentes, veri illius pro nobis effusi sanguinis per eundem spiritum eandemq;

démque fidem participes fimus. Nihil ergo te i-
sta comparatio ad corpoream illam & Cyclopi-
cam *σαρκοφαγίαν* statuendam iuuat, quæ neque
sub vetere neq; sub nouo fœdere locum habuit,
sed spiritualement illam Christi *κοινωνίαν* qua & illi
seruati sunt & nos seruamur, mirificè illustrat.
Imò etiam eadem planè vestram illam detestan-
dam & sacrilegam audaciam coarguit, qua sub-
lato poculi vsu non minus in Deum & Ecclesiã
peccastis, quàm si sanguinis asperisionem sustu-
lisset Moses aut ipsius successores in cuius enim
asperisionis locum (ad quam etiam alludit Pe-
trus secundæ Epistolæ initio) vini potio est à
Christo omnibus mandata. Bibite enim, inquit,
ex eo omnes, Christo iam tum scelus illud, quod
multis postea seculis ausi estis, prædicente, ac
simul etiam sic ostendente, eandem quidem fi-
dem & eundem Christum patrum olim fuisse, &
nostram nunc esse. (vidit enim Abraham diem
Domini & gauisus est: & eandem escam ede-
runt & eundem potum biberunt, nec fuit vn-
quam extra Christi *κοινωνίαν* salus) sed tantò ta-
men significantiora, expressiora, efficaciora
esse Sacramenta exhibiti quàm venturi Christi
quantò plus est intus etiam rigari quàm foris a-
spergi. En inuictum tuum argumentum quo nos
conuictos fuisse gloriaris.

Disputas postea contra nos quòd dicamus
*nouum fœdus non in Cœna, sed in ipso crucis patibu-
lo conflatum* (sic enim loqueris) *quum sine san-
guinis effusione non potuerit coalescere.*

In hac autem quam nobis tribuis sententia rur-
sum vel sciēs fallis, vel imprudens falleris. Dici-

Cap.8. AD REPET. SAINCT.

mus enim fœdus illud reconciliationis inter Deum & homines per Christum vêturum, mox post peccatum fuisse cum Adamo initū, & deinceps cum Abrahamo, Isaaco, & Iacobo expressius renouatum, cuius Sacramenta varia & multiplicia fuerunt, re cum nostris eadem vt signis diuersa: Patrū autē illorum spiritui ac fidei præsentem fuisse tum Christum ipsum, tum quæcunque pro nobis suo tempore erat impleturus, ac proinde quod ad ius attinet, fuisse illos tū ipsi Christo nascituro insitos, tum re ipsa in eo iustificatos sanctificatos, & seruatos. Hoc idem fœdus (in eo tamen diuersum quòd Patribus venturus Christus prænuntiabatur nobis verò Christus præsens exhibitus est) dicimus primū Iudæis Iohannis Baptistæ ministerio, quasi tubæ præconio, promulgatum: deinde re ipsa per os ipsiusmet Christi cum iisdem Iudæis primò initū, ac eiusdem fœderis tesseras ac obsignationes duas ab eo institutas, Baptismum & Eucharistiā: cuius etiā fœderis conditiones ipse mox in cruce reali sui sacrificio impleuerit. Apostolos deniq; duo humano generi fœdus istud promulgasse, quod itidē veri ipsorū successores quotidie addita illis Sacramentorū obsignatione, faciunt. At tibi, homini scilicet acutissimo, idem valent Fœdus inire, Sācire, Eius sigillum instituere, Ipsum denique obsignare, quæ insci tia certè pudenda est. Sed illa etiā multò est apertior, quòd quum rectè sentias sanguinem Christi illud ipsum esse in cuius effusione fœdus ipsum positum est, tu tamen sanguini, id est ei rei cuius interuentu facta est fœderalis illa reconcili-

conciliatio, tribui posse putas absque tropo ipsius fœderis nomē. Atqui res ipsa clamat aliud esse natiua significatione sanguinem fœderis (sicut Moses loquitur de vetere signo, de re ipsa verò Matthæus & Marcus) quàm fœdus in sanguine, quod à Luca & Apostolo nonnisi per tropum tribui illi vino potuit. Neque negamus igitur vetus fœdus à Mose per asperisionem illius sanguinis symbolici, neque per Cœnam semel institutam & celebratam nouum obsignatum: sed hæc non magis ad Cyclopicam tuam manducationem facere dicimus, quàm veritatē ad statuendum mendacium.

Cuiusmodi verò hic clamor est, & in quos tandem hæc tela dirigis? *Quum à Mose figurarum parēte in promulgatione veteris testamenti sanguis propriè sit vocatus, quis à Christo figurarum illustratore, sanguinem positum cogitabit pro sanguinis figura, in noui testamenti compositione, quod figurarum nebulas dispellit?*

Nemo certè. Quis enim nostrum alio quàm verissimo Christi sanguine nos reconciliatos: quis poculum quod benedicimus alterius quàm dominici illius pro nobis effusi sanguinis *κοινωνία* esse dixit? Non de hoc igitur agitur, nō hoc, inquā, quæritur. Sed an signū in rem significatā essentialiter transmutetur, illud ipsum est quod non prius probabis, quàm tenebras conciliaris cum luce. Quantò igitur rectius sic in te hoc ipsum telum retorsero? Si propriè sanguinem vocauit in vetere Sacramento Moses sacri noui poculi *ἀντίτυπον*, propriè quoque Christus, in Eucharistiæ mysterij institutione panis & vini

nomen acceperit, quod illi ἀντιτύπον ex aduerso respondet. Denique aliud esse meminervis figuras veteris fœderis illustrare, quàm omnem figurarũ vsum ex Ecclesia abolere: quem errorẽ vt alios plurimos & maximos si tueri pergis, quid supereſt niſi vt pro eo quòd ſeptem nobis Sacramenta imò infinita pro duobus quoties libuit, obtruditis, nulla eſſe Eccleſiæ Sacramenta dicas, vel ipſe tibi manifeſtè contradicas?

Aliud tuum eſt iſtud argumentum. *Fœdera & Sacramenta ad confirmandas promiſſiones oculis ſubiiciuntur, ergo non internis & ſpiritualibus beneficijs, ſed externis notis, ritib⁹ & veluti ſigillis ac rebus illa celebrari oportet. Probas antecedens ab abſurdo, quoniã alioqui nemo indignus fuiſſet unquã circunciſus vel baptizatus ſi ſpirituali actione credendo perfectã illa fuiſſet, aut nunc Baptiſmus perficeretur & tamẽ illis externis actionibus fœdus inibatur non autẽ internis propriè, quũ tales nullã fuerint in parvulis, nec fuerint unquã neceſſariæ niſi in adultis, ad fœderis fructum & finẽ adipiſcendũ. Et ſic tandem cõcludis. Ergo quũ in Cœna ſanguis ſit qui teſtetur in terra corã hominibus de fœdere Filij Dei, vt aqua in Baptiſmo? ſanguis, inquam, ſit teſſera qua contrahitur fœdus: oportet ipſum exterius adhiberi & conferri in terra coram hominibus, vt prius contingatur, ac per ipſum fœdus confirmetur, quàm fructus fœderis ſpiritualiter percipiat: nec rectè Caluinus (hunc enim facis huius ſententiæ authorem) quod poſtremo loco aduenit poſt confirmatum fœdus primo loco adfert ad conſtituendum fœdus.*

Antequam autem ad hæc tria ordine reſpondeam, quid de hac re tota ſentiamus explicari neceſſe

necesse est, vt ineptiæ simul & calumniæ tuæ omnibus pateant. Hæc igitur vt Verbo Dei prorsus consentanea docemus.

Christū esse illum vnicū in quo, ex gratuito fœdere, iustificati & sanctificati seruamur, ad quæ duo capita reuocamus præcipua quæ in Christo adipiscimur beneficia.

Eos demum fieri beneficiorum illorum participes qui Christum ipsum obtinuerint.

Vnicum esse Christi apprehendendi instrumentum, Fidem.

Hanc fidem gratis creari in nobis per Spiritum sanctum, veram illius causam efficientem.

Sicut verbum prædicatum foris per hominē intus per Spiritus sancti gratiā audiendo, creatur fides: sic eandem in nobis foueri eodē verbo Sacramētis, quæ proinde ritè sumpta sicut Christū ipsum sic etiā eius beneficia in nobis obfignent.

Hæc Sacramenta duabus partibus constare nempe rebus in externos sensus incurrentibus, quas signa vocamus (cuiusmodi sunt præcipuè illa materiata, vt Aqua in Baptismo, panis & vinum in Cœna Domini) & re significata interna & intellectui soli obiecta, quam vocamus Rem Sacramenti, quoties Sacramenti vox angustiore significatione pro sacris illis signis accipitur. Hæc autem res significata est Christus ipse, cum omnibus beneficijs quæ ex ipso depromuntur,

Rem istam Sacramentorum à suo effecto distingui, id est, Christum ipsum & quæ in ipso & cum ipso nobis offeruntur, ab ipsa eorum perceptione: quod aliud quiddam sit Percipere aliquid & Rei perceptæ fructibus frui, quàm sit i-

psa res quæ percipitur , & fructus qui inde percipiuntur.

His positis quæ prius quàm illis argumentis vtereris à te subuerti oportuit (subuertes autem nunquam) quod ad tuarum rationum basin attinet , prorsus assentior fœdera celebrari oportere notis rebûsque visibilibus. Ideoque vestram transsubstantiationem, qua notæ illæ résque visibiles in chimæras transformantur , prorsus abominamur. Sed si existimas excludi res internas , & (vt planius quàm tu ex animi tui sensu loquar) merè intellectui obiectas eo quòd Sacramenta notis externis celebrentur , & quasi sigillo constabillantur , in eo monstrosam tuam inscitiam patefacis. Nec enim essent Sacramenta si signis , notis & rebus duntaxat ob oculos positis constarent , teste saltem Augustino, signum definiente quod exterius obiectum, faciat vt aliud in mentem veniat.

Quod autem adijcis , *si solis internis perficiuntur neminem unquam indignum fuisse circumcisi aut baptisati* , calumniosè in nos dicitur , qui nunquam Sacramentorum vsum diximus sola vel signorum vel rei significatæ receptione perfici, sed è contrario, quæ Deus coniunxisset non posse legitimè separari: atque adeò sacramentalem perceptionē, id est, in qua signa illa visibilia verbo adiuncta sunt, longè maioris (nisi per nos steterit) efficacix esse docemus, quàm vbi simplex verbi auditus proponitur.

Sed hoc quidem verum est nos tueri ex Dei verbo , idem nos in simplici verbo atque in Sacramentis fide percipere , ac proinde extra Sacramenta

cramenta quoque Christum percipi: quemadmodum contra & verbum auribus audiri, & Sacramenta sumi possunt ad iudicium, absque illa re eâdem quæ & simplici verbo & Sacramentis nobis proponitur. Sed hoc ne tantillum quidem te iuuat. Illud verò quod subiicis de paruulis olim circuncisis, & nunc baptisatis, quibus cum fœdus nihilominus fuerit initum & confirmatum externis ritibus, quanuis internis actionibus puta notitia, assensu, fide caruerint, quoniam proculdubio sic abs te ponitur vt operis operati dogma illud non minus impiũ, quàm ridiculum stabilias, penitus quoque detestamur neque tamen negamus (illo etiam posito infantes dum baptisantur fide prorsus carere) fœdus in illis obfignari, sed alia prorsus ratione quàm tu sentias: qua de re quoque quum voles inter nos disceptabitur. Nunc autem, obsecro, quid tandem tibi in mentem venit vt quæstione de Eucharistia omiſſa, quam ne tu quidem paruulis dandam censueris, ad paruulorum Circuncisionem & Baptismum fueris delapsus? Mirum hoc certè in eo qui non ferat de Eucharistia aliunde quàm ex ipsis vnis institutionis verbis quæri. Accedo ad totius tui argumenti conclusionem qua nihil ineptius fingi potuit, etiamsi tibi priora omnia concederem. Vis enim sanguinem ipsum Christi esse illam fœderis tesseram testificantem in terris vt aquam in Baptismo, id est, ineptissimè & inscientissimè signum Baptismi cum re significata Eucharistiæ comparas. Vis loquar apertius? Nego sanguinem Christi esse Sacramentum siue signum fœderis, sed esse dig. ij.

co illud quod per tesseram, signum, figuram, Notam, Symbolum, Sacramentum, *σφραγίδα*, (per illud vinum videlicet) significatur. Scio fore ut hîc nobis obiicias illum Iohannis locum de tribus in terra testibus, itémque de Sacramentis quæ ex Christi latere defluerint, quod vtrunq; ut verissimum amplector, & tærpiter abs te ad probandum tuum delirium dico detorqueri. Negas? De hoc igitur inter nos queritor, ut & de eo si libet quod magister ille vester dicit carnē Christi esse simul rem & Sacramentum: At tu interea ne illud pro concessio assumito, aut te sophistam agere confitetur. Sed illud miror quâ fronte scribere ausus fueris *oportere sanguinem ipsum Christi in terra exterius adhiberi, conferri, contingi* (nam extra contactum nulla est vobis vera rei ipsius *κοινωνία*) priusquàm fixus per ipsum confirmetur. Nam si hoc verum est, quo tandem loco vestri Laici statuentur, quos à calicis potu prohibetis? Scilicet ad carnis & sanguinis concomitantiam refugies. Sed quum in institutionis verbis corpus seorsim à sanguine, & sanguis à corpore discernatur, cui sanæ mentis homini persuadebis vel temerè hoc factum, vel corpus pro carne & sanguine, aut sanguinem pro sanguine & carne citra tropum accipi posse?

Inculcas & illud iam antea refutatum, *Sunt ista reciproca ut qualis sit datio, talis sit acceptio*. Ergo, inquam, talis quoque fractio, quod tamē dicere (ut opinor) non ausis. Et certè omnes ritus sacramentales verbis institutionis declarati, cuiusmodi est Præbitio, Fractio, Effusio, Comestio, Potatio, similiter omnino inter se accipiātur

tur oportet, vt qualis est vna sit & altera: sed ex eo minimè consequitur similiter illa de signis & de rebus significatis intelligi. Nam quum signa externis sensibus, res autem significatæ fidei & menti obiciantur, in illis quidem corporeæ & externæ natiua significatione verborum, in his verò incorporeæ & internæ actiones intelligantur oportet: translatione videlicet facta à corporeis sensibus ad animum, vt vsitatè solemus, quum videre quoque & capere, & gustare, & audire, & pungi animus dicatur.

Quæris rursus, *quum eâdem forma Moses & Christus dixerint, Hic est sanguis testamenti, quare apud Mosen sanguis de externo vero sanguine accipiat, in Christi verbis verò nequaquam.* Respondi antea & iterum respondeo, & à Mose & à Christo verum sanguinem demonstratum, sed Mosen quidem signum externum suo tempori accommodatum, nempe sanguinem pecuinum, visibilem, & externis sensibus oblatum, demonstrasse ita vt rem significatam, id est, sanguinem ipsum Christi, soli fidei præsentem, vt ferebat legis pædagogia, innueret potius quàm indicaret: Christum verò, vt antiquitatum illuminatorem (sicut loquitur alicubi Tertullianus) clarè tum signum (id est poculum externis sensibus propositum) tum rem menti significatam, non corpori (nempe sanguinem illum suum verum) expressisse.

Iterum eâdem oberrans chorda sic colligis, *Si populo, secundum Calvinum, satis fuit spiritualiter sanguinẽ Christi applicari, satis etiam fuisset ipsum spiritualiter offerri Deo*

Respondeo spiritualement perceptionem quam
 dicimus vnicam esse apprehendendi siue nobis
 applicandi Christi rationem, minimè excludere
 Sacramentalis & externæ acceptionis vsum qua
 fides ipsa & animus noster ad suam illam actio-
 nem exerendam commouetur, sicut externis
 sensibus obiecta facultates illorū excitant. Re-
 spondeo & illud *Spiritualiter & reipsa* non rectè
 abs te opponi, quasi spiritualiter idem valeat
 atque sola quadam vana imaginatione. Itaque
 ne patrum quidem, qui solo animo & vnica fide
 diem Domini nondum reipsa exortum viderūt,
 inanis fuit illa spiritualis applicatio: vt qui ean-
 dē escam edisse & eundē potū bibisse dicantur.
 Multo verò minus id dici de fide Apostolorum
 & nostra potest, quæ in rem ipsam extantem
 sic fertur, vt non magis reipsa nata & crucifixa
 sit illa caro, quàm nunc credentibus reipsa cō-
 municatur. Sed vt illa scilicet, sic etiam ista sen-
 sibus externis patēre velles, quod fieri nec po-
 test nec debet, quoniam vt vera esset corporis
 Christi passio, exterius quoque fieri illam ne-
 cesse fuit: at tu vera sit & ipsius Christi & eius
 perpeffionum applicatio, nequaquam id re-
 quiri, non modò ex eo liquet quòd & merè spi-
 rituale est hoc mysterium, & spiritualis vitæ
 causa institutum, ac proinde spirituali ratione,
 fide videlicet fieri oportet: verum etiam ex eo
 quòd alioqui quoties corporali actione & ore
 ipso Christum à vobis edi censetis, toties illum
 quoque non sola spirituali commemoratione
 (quam certum est vetustiores patres nomine
 peruentæ oblationis intellexisse) sed etiam
 crucifigi

crucifigi & patri reipsa offerri oporteret. Fuerit enim omnibus modis ἀντιστοιχος cōsequeutio corporalis oblationis ad corporalem esum, & corporalis esus ad corporalem oblationē. Quod si excipias illud ipsum esse quod dicitis, nempe vt corporaliter quotidie reipsa editur Christus, sic quoque corporaliter illum in Missalico vestro sacrificio patri reipsa offerri, sed oblatione incruenta, id est absque interueniente passionis repetitione, nihil dixeris. Etenim vt in oblationis cruentæ argumento maneamus (quam vnam realem esse certum est) si eius recordatio & commemoratio spiritualis per fidem perinde sufficit ac si vel coram oculis nostris passus esset realiter Christus, aut iterū quotidie reipsa cruci affixus sese patri repetito sacrificio offerret, si, inquam, spiritualiter pati Christum nunc satis est, cur non & spiritualiter comedi, id est, sola fide applicari satis est? Nam ne passum quidem Christū sed passurū comederunt Apostoli, spiritualiter id quidem nec multo aliter quā patres quanuis mox passurum: & vt illa consequutio inter realem oblationem & manducationem sibi prorsus constaret, neque passurum neque passum, sed patientem adhuc Christum comedi oportet. Nam neque futura neque præterita passio corporaliter adest, sed sola animi fidelis contemplatione. Christi autem carnis in sese, id est, absque ipsius passione considerata perceptio, siue illā corpoream siue spiritualem facias, nullius prorsus est momenti.

Pudet me verò in eo quod sequitur confutādo operam ponere. Comparas nouum fœderis

g. iij,

sanguinem cum victimarum veterum sanguine, quasi sub vetere fœdere nulla fuerit peccatorū remissio. Itaque non fuerint seruati patres, quū tamen beatificationem tot ante Christum seculis definierit Dauid peccatorum remissione. Concedo igitur non fuisse expiata peccata sanguine hircorum. Sic neque ipsa nos sacramentalis aqua abluit, sed sanguis agni vnici tollentis peccata mundi: neque panis ille aut vinum illud (multò minus vestræ Chimæricæ species) nobis vitam conferunt. Sed re certè paria fuisse illorū & nostra Sacramenta, aut inania spectra fuisse dicas oportet. Quid igitur? nempe eodem sanguine, sub diuersis Symbolis licet impari exprefione & efficacitate, in eodem Christo & illi potiti sunt & nos potimur: venturo quidem illi & solo iure, nos verò exhibito & de facto quod aiunt. Rursum ergo inscitè signum vetus non cum signo nouo, vt oportuit, sed cum re vtriusque Sacramenti comparas: neq; verò nos ipsius Christi sanguinis reali in cruce effusione præstitum nobis fœdus nouum diffitemur quod patribus erat promissum. Sed quod dicis *Christi sanguinem in Cœna fuisse exteriori actione & Deo & hominibus oblatum* tale est vt nihil ineptius dici possit. Nam (vt de oblationis voce taceam quæ ἀνύψως prorsus hominibus abs te tribuitur) aut Christum quoque facis idololatram qui hominibus & Deo sacrificarit, aut Christus non vnica, vt ait Apostolus, sed duplici oblatione suipsum nos redemerit, vna videlicet in Cœna, altera in cruce. Est autem illud perbellum sanè commentum quod homo peracutus excogitasti
vt absur-

vt absurdum illud vitares : quèd videlicet unica tamen fuerit oblatio , quoniam sicut Moses unica oblatione partem sanguinis in crateras instillavit , parte verò altare aspergebat , ita Christus partem sui sanguinis in calicem miserit , partem in cruce profuderit. Itaque si tibi credimus , aut penè exanguis ab illa sacra Cœna surrexerit Christus , aut realiter potatum à discipulis suis sanguinem resumpserit , quem partim in horto , partim inter carnificum manus rursus cum reliquo effuderit. Sed quid de carne ipsa dices , bone vir ? num partem quoque illius pro panis substâtia substituit , partem verò reliquam in cruce obtulit ? & quis istius quæso , sanguinis substantiam partim à discipulis realiter potati , partim realiter à carnificibus profusi , resumpsit , vt rursus realiter toties biberetur ? Nec vos vnquam , rogo , istarum ineptiarum pudebit quibus Christiana mysteria deridenda propinatis ?

Exagitamur abs te postea miris modis quòd *Matthæi & Marci verba Hic est sanguis meus* (Nam Bezæ scilicet interpretationem antea vt falsam conuicisti) *ex illis Luca & Pauli verbis Hoc est nouum testamentum in sanguine meo interpretanda censeamus*. Magnum scilicet piaculum , velle scripturam ex scriptura interpretari , quod tamen tu ipse facis. Vis enim in summa. *Euangelistas mutuas sibi operas tradere , & quod Matthæus & Marcus suboscuro indicant , à Luca & Paulo illustrari : & contrà quod illi apertè dixerant , ab his vt satis perspicuè dictum , omitti*. Clarè igitur illos quid detur expressisse , obscurè verò significasse dari *neundi testamenti causa* : istos contrà clariùs docuisse

*quid eo corpore & sanguine fiat, quando & vlti-
 stud nouum testamentum ineatur.* Atqui in huius
 tuæ repetitionis capite quarto, vt perspicuitatē
 verborū institutionis Eucharistiæ summam de-
 monstrares, negabas Euangelistas mutuas hīc
 sibi operas tradere sicut facere in obscurē dictis
 solerent: quum nunc tamen fatearis in hac Cœ-
 næ narratione alias ab alijs particulas adscribi,
 quæ ab alijs prorsus omittantur, atque ita alium
 aliā particulā vel immutare vel clarius explica-
 re. Sed age hoc tibi detur quiduis cōminiscenti,
 vt esse perpetuò tot deliriorū memor nō possis.

*Sed in hac varietate, inquis, discors hæc concor-
 dia non officit veritati, imò magnum affert adiuuen-
 tum, Nam si aliter fuissent intelligenda quæ omnes
 (id est duo) Euangelistæ retinent immutata, Lucas
 & Paulus in illo studio variandi detexissent latentē
 obscuritatem aut tropum.* Illud quidem concedo.
 Quis enim nisi planè blasphemus, Spiritum san-
 ctum dicat repugnantia loquutum? imò cur scri-
 pturæ locos inter se ad diiudicandas falsas inter-
 pretationes vestras comparamus, nisi vt ex fidei
 analogia & sententiarum congruentia falsitatem
 vestrā redarguamus? Sed istā tuā consequutionē.
 quis ferat? *Quædam Matthæi & Marci in Cœnæ
 narratione Lucas & Paulus non declarant, qui ta-
 men obscuritatem quorundam aliorum dictorum illu-
 strarunt, Ergo illa xpi τὸ πᾶν absque ullo tropo acci-
 pienda sunt.* Quid si enim excipiam, idcirco hæc
 non esse ab his declarata quòd tropus prorsus
 esset perspicuus, imò quòd sacramentaliter de
 Sacramentis loqui sit maximè propriè & diluci-
 dissimè loqui? Iam autem videamus an Lucas
 illud

illud Matthæi & Marci, Hoc est sanguis meus novi testamenti, his verbis Hoc poculum est nouum testamentum in sanguine meo sit interpretatus. Hoc quidem negas Vis enim de re diuersa Lucam diuersissimo sensu loquutum. Illos enim de eo quod datur, id est, de ipso sanguine loquutos, Lucam verò quid agatur, quando & ubi ineatur istud testamentum. Sed vt hæc omnia tibi concedam, quid hoc ad institutam quæstionem, Sintne verba illa per sacramentalem vulgatam metonymiam an natia significatione accipienda? Nam siue rem eandem illi, siue diuersa diuersis verbis explicarunt, tam potest vtrinque tropus quàm proprietas defendi. Ineptissimè igitur concludis. Sed ad rem, Tu vis apud Matthæum & Marcum pronomine τὸ demonstrari quod dabatur. Volo & ego. Sed tu solum Christi sanguinem & quidem eiusdem Christi manibus in discipulorum manus datum, ego vinum quidem illud in poculo contentum Christi manu traditum dico, naturali & corporali modo in discipulorum manus: rem autem significatam, id est, verum sanguinem iamiam pronobis fundendum à Spiritu Christi simul traditum discipulorum menti, spiritualiter, fide participandum. Apud Lucam & Paulum autem contendis per τὸ τὸ πῶλον pronuntiarī hac potionis ceremonia & ritu nouum illud testamentum per sanguinem verum Christi institui. Ergo nomine poculi, si tibi credimus, non vas ipsum, non vinum in eo contentum, non sanguis ipse Christi, sed ipsa bibendi actio significabitur, de quibus singulis videamus. Omnes illos Euangelistas inficiari non potes vno con-

sensu dicere Christum ante benedictionem accepisse, ac deinceps dedisse τὸ ποτήριον. Num verò sic ineptus fueris ut non vasculum ipsum, sed bibendi actionem aut ritum ab eo acceptum dicas? Quod si vas accepit, certè & *Vas* ipsum porrexit, ut illa tua regula quam nobis antea præscripsisti, hîc quoque valeat. Tam enim verum est quod manibus tenebat Christus, id quoque præbuisse discipulis, quàm verum est quod præbuit Christus, fuisse à discipulis acceptum. Perridicula igitur est hæc tua commentitia diuersitas, & ut obtineat tua interpretatio, poculum ipsum momento oportuerit in bibendi actionem noua & tuæ quoque factioni inaudita μεταμάρτυσι transsubstantiatum. Fateor tamen quanuis ipsummet propriè poculum Christus & acceperit & discipulis porrexerit, non tamen ad ipsum vasculum sed ad liquorem sacramentalē in eo comprehensum discipulos propriè attendere iussisse. Nec enim Sacramentum est poculum ipsum, sed vinum eo contentum. Sed hoc neque causam tuam vel tantillum iuuat, neque sine metonymia continentis pro contento dici potuit, neque vllam essentia transmutationem requirit. Imò transmutata illius liquoris essentia, nihil superesse dico quod habeat signi rationem. Iam verò sanguinem ipsum quasi in poculo contentum (ut antea velle videbaris) à Christo demonstratum fuisse per pronomen τὸ ex Lucae verbis nunquam nisi ineptissimè collegeris, ut antea probaui. Quid enim fuerit hac oratione absurdius aut certè inusitatius? *Hic sanguis est nouum testamentum per meum sanguinem.* Denique

nique quum subiicit Apostolus, *Et ex poculo illo bibat* quæso an vocem poculi poteris de ipsa bibendi actione intelligere, aut aliter in hac periodo, quàm in ipsa institutione exponere? Sed age, ponamus veram esse tuam interpretationem & perinde loquutos fuisse Lucam ac Paulum ac si scripisset, *Hic potionis ritus est novum testamentum per meum sanguinem*, quæ stultitia est nullum hinc tropum in ipsa attributione agnoscere? Nam (ut præteream quod toties iam dixi, non tunc primum institutum, non etiam propriè tunc primum initum fœdus, sed eius sigillum novum institutum est & usurpatum) quis fœderis ipsius nomen propriè competere dixerit aut sigillo ipsi, aut eius appensione, aut ipsi ritui, qui pactis conuentis adhibetur? Concludo igitur apud illos omnes nomine τοῦ ποτηρίου in illa historia significari vas ipsum vini liquore plenum à Christo acceptum, discipulisque porrectum; non tamen ut in poculum attenderent, sed ut ad id animos ac fidem conuerterent quod illis in poculo porrigebat: ad vinum illud videlicet, non iam vinum commune corpori in hac vita fouendo destinatum, sed Vinum, verum veri illius pro nobis effusi sanguinis Sacramentum, nouique illius vitæ æternæ testamenti animis nostris obsignandi sigillum.

Sequitur vobis syllabarum & dictionum enumeratoribus planè conueniens disputatio, *Matthæusne & Marcus an Lucas & Paulus formalia* (ut tu loqueris) *Christi verba sint eloquuti, quum semel duntaxat, nec diuersis modis loquutum esse Christum credibile sit*: Et concludis tandem

Lucam & Paulum pro verborum Christi explanatoribus habendos in altera, id est, posteriore, institutionis parte. Nobis verò etsi religio est à verbis institutionis discedere, multò sanè maior quàm vobis qui in vestro Canone (vt antè dixi) nequaquam hoc seruastis : tamen nequaquam ita vt vobis syllabæ & voces vidèntur numerandæ, quasi & eas ipsas totidē voces enuntiarit Christus, & in totidem præscriptorum verborum enuntiatione mysterium istud sit positum. Clamitabis nimirum magnum hoc esse facinus, atque nō modò nos obiurgabis quod institutionē Cænæ ex Paulo potius quàm aliis recitemus (cui accusationi suo loco respondebimus) sed etiam illud impudētissimum mendacium inculcabis, *nihil magis cupere nos quàm hominum animos ab institutionis verbis auocare.* Sed quo sæpius hoc repetes, eo maiori te crimine coram Deo ac sanæ mentis hominibus alligabis. Vin' igitur Euangelistas siue in hac siue in alia narratione historica non summam sermonum Christi sed illa ipsa totidem Christi verba religione quadam certa expressisse? Dic ergo nullam habuisse concionem Christum quæ vel dodrantē horæ durarit. Quod si in hac saltem narratione hoc ab eis tam præcisè obseruatum censes (quum tamen maioris esse momenti constet dogmata ipsa quàm sigilla fidei) age quomodo Matthæum cum Marco, aut vtrunque cum Luca conferens, ab omissionis culpa illos liberabis? Nam hic plura & alia quàm ille vterq; , & Marcus rursus plura & aliud quoddam dicit quàm Matthæus. Res autem ita se habet. Verustus hic

mos fuit vetustis scriptoribus, præsertim sacris, imò etiam profanis historias scribentibus, vt eos ipsos quorum dicta & facta narrant, loquentes introducerent *ἱστορικῶς* quodam dicendi genere: in quo etsi nonnulla inesse verissimile est quæ totidem verbis illi dixerint, attamen certum est scriptoribus fuisse propositum summam rerum dictarum perscribere, non autem verba præscripta numerare, nisi fortassis ita peculiarem ob causam factum legatur, vt in decalogo certum est euenisse quod sua veluti manu tabulis consignauit Dominus, ac in legibus fortasse plurimis. Hinc quoque factum non dubito vt Euangelistæ sacræ istius institutionis historiam texentes, non quot verba dixerit, sed quæ quorsû dixerit Christus, præeunte Spiritu sancto scripserint, sic illos vt in aliis historiis gubernante Christi Spiritu, vt mutuas operas hîc quoque sibi traderint, & an his potius quàm illis ipsis totidem verbis Christus sit loquutus, quærere non modò sit curiosum, sed etiam incantatoribus quàm Christianæ religioni conuenientius. Si tu aliter sentis, tua sententia fruitor. Nos certè tibi subscribere non cogimur, qui perinde Lucæ & Pauli vt aliorum verba, vt diuinitus enuntiata amplectimur.

Ista verò cuiusmodi tandem sunt? *Aduersarij,* inquis *non constituunt in potione sanguinem Christi, sed tantum eius symbolum.*

Imò verò tu videris quo iudicio ista scripseris. Nam si per potionem vinum intelligis, & credis sanguinem in vino realiter constitutum siue cum vino adesse: planè cum iis facis quos Luthe-

ranos vocas : sin verò sanguinem ipsum potio-
nem vocas, quid absurdius quàm in sanguine,
sanguinem constituere? sin verò sic intelligis vl-
ni accidentia sine subiecto, quid ineptius rur-
sum quàm substantiam dicere accidentibus i-
n esse?

Sed in istis præterea quæ totidem verbis scri-
psisti vide annon manifestè præuariceris, *Sicut*
Circumcisionis actio vocatur fœdus, sic potio dicitur
fœdus proptereandem causam, quia nimirum est tes-
sera testamenti. Euge, igitur, bone vir, si ita est vt
dicis, id est, si hæc enuntiatio *Hoc poculum* (quid
autem poculi nomine accipias nunc quidem ni-
hil moror) *est nouum testamentum*, idem valet
teipso interprete, atque *Hoc poculum est tessera*
veteris fœderis saltem vel in Lucæ ac Pauli ver-
bis metonymiam sacramentalem agnoscas, vel
à teipso dissentias necesse est.

Agis postea contra nos quasi Cœnam Domi-
ni censeamus *ideo tantum institutam vt memoria*
passionis animo recolatur, & illa verba. Hoc facite
in mei commemorationem huc detorqueamus, quæ
accusatio nec vera nec verissimilis est. An enim
vsque adeò nostri obliti fuerimus? Imò quid a-
liud potius inculcamus quàm Paulinum illud
dictum de corporis & sanguinis communione;
& illo mysterio quo fit Ecclesia os ex ossibus e-
ius & caro ex carne eius? neque tamen propter
ea solennem illam gratiarum actionem propter
quam hæc actio Eucharistia vocatur, & publi-
cam veræ nostræ fidei in publico cœtu profes-
sionem præterimus, propter quam *συνάξις* etiam
dicitur. Frustra igitur probare studes duo diuer-
sa h ïc

ſa hîc præcipi, nempe *Comedite, & Recordamini*, ſive *Annuntiate Mortem Domini*. Nec enim à quoquam noſtrûm id negatur. Sed quod tu inter diſputandum recoctum iam toties illud argumentum nobis reponis de corporali eſu agni & viſtimarum, totum illud inficior, neque noua refutatione egere puto, quum iam ſemel atque iterum ad iſtud reſponderim.

Plaçet tamen hîc tua quædam expendere; *Chriſtus*, inquis, *duo tradit aut vnum ex duobus conflatum, corpus ſuum verum & ſanguinem, cuius effectum qui eſt in remiſſionẽ peccatorũ apponit, & ſignum exterius ac viſibile: quod eſt Sacramentum & monumentum, exhibens ipſummet corpus cum ſuo effectũ, & de vtroque nos communefaciens*. Permane verò, vt in veſtris ſcholis loquimini, in his terminis rectè intellectis & inter nos conueniet. Nos enim uſque adedò minimè vanam aut inanẽ eſſe ſacram entalem coniunctionem arbitramur quin penè verius ipſum Chriſtum nobis offerri quàm illa ſigna fateamur. Remiſſionem autem peccatorum in illius ſolius Chriſti pro nobis paſſi communionem ponimus: & ſigna idcirco proponi externis ſentibus vt animus eò efficacius ad ipſius Chriſti & omnium eius beneficiorum perceptionem excitetur, credimus. Qua in re ergo diſſentimus? quòd negatis coniungi rem & ſigna niſi vbi vnum eſt ſit ipſo ſitu etiam alterum: quòd ſublato corporis noſtri cum corpore Chriſti contactu reali, ſomniatis tolli ipſius Chriſti veram communionem: quòd denique ſigna viſibilia in meras chimeras, nempe accidentia ſine ſubiecto transformetis. Hæc ſunt

de quibus probandis laborare te oportuit, nec tibi monstra quæ debellares comminisci.

Si Christus, inquis, panem & vinum nudum exterius instituisse & præbuisse, longè inferius & obscurius antiquis sacrificijs passionem Domini representaremus in Cœna, inò periret ratio Sacramentorum & analogia inter signum & signatum. Obsecro verò si signum est aliquod in Cœna, quodnam illud est? species, inquires, panis & vini. Cederam quidem hoc te dicturum. Sed audiamus quid ipsa tibi veritas extorserit. *Nam, inquis, quæ congruitas est inter passionem Domini & inter PANEM ET VINUM, nisi VNA CVM ISTIS adsit corpus quasi diuulsum à sanguine qui in passione effusus est, quique eam representat quàm efficacissimè?* Ergo, mi homo, vt retineatur analogia signi & signati, à te extorlit veritas, vt panem & vinum adesse oportere in ipsa Eucharistia fatearis, vt verum quoque corpus & verus sanguis Christi in ea verè statuuntur, itémque corpus in Eucharistia proponi veluti diuulsum à sanguine in cuius effusione passio Christi efficacissimè repræsentetur. Prius autem illud quomodo cum transubstantiatione, posterius quomodo cum calicis Ecclesiæ Dei erepti sacrilegio conciliare sic possis vt sophistâ non agas, tu videris. Sed quod ad rem ipsam attinet, dico tum demum nuda & vacua statui Sacramenta quum vel dūtaxat *μνησμονα* esse, vel externæ tantummodo Christianorum societatis testificandę causa adhibita statuuntur, vel talis eis tribuitur significatio, vt quod significatur non etiam verè fruendum detur: quæ quoties nobis obiiicis,

toties

toties in veritatem peccas. At tu contrà nuda esse vis nisi rerum significatarum ipsa realis substantia simul eodémque loco adsit: quod si verè abs te diceretur, quid tandem, quæso, nobis de Baptismo statuendum esset? nempe aut nudum & inane esse signum, aut aliquid aliud quàm sanguinem Christi per aquæ Sacramentum significari, aut in aqua etiam Baptismi, sanguinè ipsum Christi realem adesse. Deinde & illud falsissimum consequetur, nempe nuda fuisse vetera Sacramenta, quæ tamen nisi re paria nostris fuisse cum Augustino, imò re eadem fuisse, cum Apostolo ipso statuas, nihil aut parum admodum inter verum Deum & illū Marcionis præstigiatores intererit. Quod si fortè excipias re, id est, efficacitate & spiritali energia, paria vetera cum nostris fuisse, primùm vide etiam atq; etiam ne à tuorum magistrorum placitis discedens inter hæreticos censearis: deinde circumspecte in quod præcipitium ruas, id ipsum statuēs quod euertere conaris. Nam si absque illa reali sitis præsentia (quod sanè verum est) vetera illa Sacramenta efficacissima tamen instrumenta seruandis patribus fuerunt, aut plus illis tribues quàm nostris, aut spiritalem quoque præbitionem nobis à Deo factā, & vicissim fide credentiū factam ipsius iam existentis corporis & sanguinis Christi perceptionem, sufficere ad hoc fatearis oportet, vt sua Sacramentis veritas constet. Postremò quum dicis potiore futura mi veterum Sacramentorum analogiam si corporalis illa coexistentia tua tollatur, vide quanto pere fallaris. Carnis, dices, planior est quàm p-

h. ij.

nis cum carne , & sanguinis quàm vini analogia cum sanguine. Sed quid hoc ad vestrum dogma stabiliendum attinet, qui panis & vini accidentia sola manere censetis? Verum enim illud esse fateamini necesse est , substantiæ quàm nudorū accidentium maiore infinitis partibus esse cum altera substantia quavis convenientiam. Verum alia quoque ratione falsissimum est quod existimas. Neque enim quò crassior & magis terrena eò accommodatior est sacramtēali significationi analogia, idcirco instituta vt ad rerum cēlestium considerationem animos nostros subuehat. Alioqui non modò quò crassiora, sed etiam quò plura habuit Sacramenta verus fœdus , eò præstantius foret nouo. Cur verò crassioribus signis egerent homines ante exhibitum Christum ratio est quòd cælestia mysteria multò minus patribus quàm nobis essent patefacta. Quinetiam vide quàm sit ineptum quod hîc affers, de corpore quasi à sanguine diuulso. Etenim si hac in re positum est analogiæ veteris & nouæ discrimen quis non videt illam isti præstare? Victima enim ipsa coram iugulata , effuso palàm ipsius sanguine, quomodo non fuerit expressius exanguis corporis signum? Imò illæ quas remanere vultis species, albedo videlicet & rotunditas, & gustus panis, quidnam habent cum accidentibus corporis humani commune, quod cernentibus oculis faciat vt corpus illud pro nobis crucifixum in mentem nobis veniat? Sic enim, & rectè quidem, Augustinus signa quoque sacramentalia definit. Res autem ita habet. Caro quidem carnem cognatiore analogia quàm panis, & sanguis propius

propiùs quàm vinum sanguinem repræsentat, si in sese simpliciter caro & sanguis spectentur. Sed corpus & sanguis in Cœna Domini, nobis non simpliciter qualia sunt in sese, sed vt æternæ vitæ cibus nobis proponuntur. At panis vt, corporis alimentum, longè accommodatior est ad æternæ vitæ cibum significandum quàm caro. Et quod ad alterum signum attinet, sanguis plærunque solis oculis à patribus vsurpabatur, postibus in vnico duntaxat sacro ritu illinebatur, nec semper eo populus aspergebatur, eius autem cibus lege tam seuerè interdictus erat, vt ne suffocato quidem vesci domi liceret, nec eum potare fortassis alia gens vnquam sustinuit, quàm Satur epoto Sarmata pastus equo: & vos reales ipsius Christi αἷμα ποτίζαι. At vinum, verū sanguinis Domini spiritualiter per fidem participandi Sacramentū, non spectandū, non illinendū, non aspergendū, sed bibendū, & quidē omnibus Christianis propinatur. Hæc est igitur congruētia, quæ vt vera sit, fateor quidem hoc requiri vt verè quoque res significata detur: at nō eo quem somnias modo: & qui si admittatur, non iam erit in hoc duplici esu analogia sed ταῦτότης. Nam vterque corporalis fuerit, & eodem instrumento, ore videlicet ac dentibus, perageretur, eritque in ipso tantūm cibo discrimen.

Dicis placere Caluino & Oecolampadio vt apud Joannem per aquam & sanguinem testificantes in terra, intelligatur Baptismus & Cœna Domini, vnde colligis sicut realiter præsens est aqua Baptismi sic præsens statui Christi corpus in Cœna Domini. Prouoco ad Caluini commentarium in locum

Ioannis ex quo impudentia tua summa redarguatur. Nec tamen propterea inficiamur scitè scripsisse Augustinum, Sacramenta Ecclesiæ ex latere Christi profluxisse. Allusit ergo Ioannes ad legales purificationum & sacrificiorum ritus, significans veram sanctificationem & expiationem ex Christo crucifixo manare: quod vtrunque beneficium & veteribus illis Sacramētis significabatur, & nobis nunc exhibiti Christi effectibus, nouisque Sacramentis quasi ob oculos statuitur. Non est, inquam, vsus aquæ & sanguinis nominibus Euangelista vt signa nostrorū Sacramentorum exprimeret, quanuis aqua videatur aquæ Baptismi respondere: sed alludens ad veterum Sacramentorum symbola ostendit eorum vim omnem in Christo nobis verè ac reipsa præstari, quod & ipsa effecta & Sacramenta nobis in terra nunc clarissimè testificantur. Id autem ita esse apparet tum ex eo quòd sanguis olim quidem erat signum, nunc verò non est signum sed res significata in Cœna Domini: tum etiam quòd alterum quoque signum nempe panem Ioannes alioqui expressisset. Sic igitur sunt refutata illa tria vestra commenta, corporis Christi veritati, ipsiusque in calis collocationi, & ipsi Sacramentorum fini ex diametro repugnancia: quorum primum est, panem & vinum non esse Cœnæ Domini symbola, sed in ipsum Christum transsubstantiari: alterum sacramentalem coniunctionem idem esse atque ipsius carnis & ipsius sanguinis Christi substantiam realiter ad panem & vinum reipsa accedere: tertium meras proponit chimeras, nempe species, siue
accidentia

accidentia sine subiecto, corpus quantum non quantum, circumscriptum & nō circumscriptum, præsens & absens, introiens nostrum corpus & mox euanesceus, dentes quidem murium at nequaquam hominum euadens & quid non?



A D C A P V T IX.

Ex priore ad Corinthios Epistola nihil minus quàm transubstantiationem aut realem coexistentiam carnis & sanguinis Domini cum sacrae Cœnae Symbolis elici posse.

IC verò quoniam acumen ingenij tui venditare præcipuè studuisti, age placeat tua Enthymemata ordine disponere.

Apostolum, ais, non fuisse taciturnum Corinthijs verborum institutionis sensum si quem alium à Domino didicisset Concedo vt eius rei probationem quærere te minimè oportuerit. Sed hoc addo: quæ luce penè ipsa clariora sunt ijs qui vel prima Christianæ religionis elementa tenent (quòd Christus videlicet illud verum suum circumscriptum corpus supra cælos intulerit, vnde non prius sit venturus, quàm viuos & mortuos iudicaturus veniat: & quæ de Sacramentis sacramentaliter dicuntur, esse quoque sacramentaliter accipienda) nulla expositione vel illustratione noua indiguissè. Quod autem comminisceris hereses de Cœna Domini fuisse inter Corinthios agitatatas, de quibus etiam Apostolus Dominum consuluerit qui tamen nihil noui ab eo retulerit, quo tandem pudore cogitare nedum scribere ausus

es? Nam hac de re ne voculã quidem apud Apostolum inuenies, vnde id suspicari vel leuissimè potueris. Quis autem illum arbitretur tale quidpiam fuisse dissimulaturum? Et tu, quæso, quorsum ista? nempe vt postquam hominibus persuaseris. *Corinthios (ita enim scribis) in eo errore versatos vt non pluris panem Eucharistiæ estimarint, quàm alium communem, aut saltem alium cibum. Deo aut idolis sacratum*, tu nos postea facias illorũ similes. At quo tandẽ iure? num enim sacrum panem eundem atque communem faciunt, qui illum vocant efficax veri corporis Christi Sacramentum, & nostræ cum Christo veræ consociationis sigillũ? Imò quod de Eucharistiæ panẽ dicis quomodo cum tuæ trãssubstantiationis dogmate consentit, quod nullũ pani locũ in Eucharistia relinquit? Necessè est ergo vt per panẽ intelligas panis speciem, sed quamnam tandem? rotunditatẽmne an albedinem? atqui non sunt hæc accidentia eiusmodi vt ex iis panem adesse necessariò coniicias? panes autem illos Azymos quos tũc edit Christus, quis te docuit albo colore & rotundos fuisse? Gustum autẽ miror quem tandem habeant accidentia, sine subiecto, id est, re ipsa merum nihil: quo vno cibo si vester clerus pasceretur, næ plerique non tam pingues essent ventres. Hoc scilicet Euangelium est quod Corinthios Apostolus docuerat. Denique quum ex illa Epistola liqueat inter Corinthios sic fuisse de idolothitis disceptatum, vt corrigendus eorum quoque error fuerit quibus erat religio idolothyitis nullo modo vesci: quo iure illis hũc fœdissimum errorem impingis, qui si valeat, nullũ
inter

inter Christianæ religionis tanta Sacramenta & idolothyta discrimen ponetur? Sed qua tandē coniectura niteris vt hanc illis immerentibus impietatem obiicias? *quoniam, inquis, addit Apostolus, panis quem frangimus nonne communicatio corporis Domini est? & Non dijudicans esse corpus Domini.* Obsecro verò quæ hæc confidentia est? Vix enim credibile est, in quo etiam aliquoties antea peccasti, locum Pauli à te fuisse conspectū quum hæc tibi exciderent. Comperisses enim Paulo non esse propositum in decimo capite (vnde prius illud testimonium depromis) agere propriè de aliquo Corinthiorum in Cæna Domini errore, sed de eo quòd nonnullis religio non esset conuiuijs idololatrarum in ipsa idolorum æde celebratis, id est, impiorū sacrificiorum appendicibus interesse, eo prætextu quòd idolum nihil esset, ac proinde polluere cibos non posset, quum præsertim ipsi melius essent instituti neq; idololatriam approbarent. Illorum igitur perniciosum errorem corrigens Apostolus, inter alia argumenta hoc etiam nititur longè grauissimo, quòd conuiuia illa essent partes idolorum cultus, quo sese idololatræ dæmoniis addicebāt. Hoc autem probat ex ipso eiusmodi conuiuiorū fine, exemplum sumens à legalibus sacrificiis à Deo institutis, in quibus qui sacris epulis (parte videlicet oblatae victimæ) vesebantur, suam cū vero Deo consociationem sic testabantur & obsignabant. Et quia in locum illorum sacrificiorum legalium successit Cæna Domini, hoc quoque vrget Apostolus, quasi his verbis vtens. Sacrum autem illud Christianorum

epulū quorū & in quē præcipuē vsum ac finē à Domino institutū est? nempe vt cū ipso Christo vniamur & coalescamus. At Christo cum dæmonijs nulla prorsus est societas. Ergo si vultis in Christo permanere, & communionem cū eo seruare, necesse est vt ab iis conuiujs abstinatis, quibus hominum cum dæmonijs societas sancitur. Quod igitur ait de Cœna Domini Apostolus, vt concessum assumit, sicut fieri in argumentando oportet: nedū vt Corinthios docere velit discrimen esse statuendum inter Cœnam Domini & idolorum epulas. Sic & nos hodie nostrorum aliquos eodem prorsus argumento à vestro Idolomanico toto cultu deterremus non vt illos doceamus quod satis norunt, aliud esse sacram Domini Cœnam, quàm vestram execrabilem oblationem, sed vt quum hoc norint, simul attentè considerent illius nullam appendicem esse ἀνάφορον, nec se posse mēfæ Domini, simul & vestrorum dæmoniorum fieri participes. Iam verò quod ad alterum locum attinet, *Non dyudicans corpus Domini*, primum deprehenderis corruptarum sacrarum tabularum reus. Nec enim scripsit Apostolus *Nō dyudicans esse corpus Domini*, sed, *Non discernens siue non dyudicans corpus Domini*. neque verbum διακρίνειν pati potest vt verbum εἶναι subaudiatur, vtpote quod in ea significatione semper sit trāsitiuum. Sed id voluisti nimirum ad tuum commentum accommodare, quasi Corinthij non diiudicarent (id est non iudicarent neque apud se existimarent) cibum illum esse corpus Domini sed perinde vt cibum vulgarem haberent, adeoque

que nō pluris quàm idolothytū facerēt. Verūm, præter quàm qđ absoluta est à Paulo superiore capite quæstio de Idolothytis, cui tandem sano homini persuaseris, vel Corinthios, quibus se tradidisse dicit Apostolus quod à Domino acceperat, in illā impietatem decidisse, aut si decidissent, Paulū qui leuiculus præ ista impietate delictū tam acriter in ipsis reprehēdit, vt etiam hoc quod agebant Cœnam Domini esse neget, istud fuisse penitus dissimulaturum? penitus, inquam. Nam in cōtextu ne voculāquidē inueniri dico vnde hoc coniici possit. Si mihi non credis crede Chrysostomo in hunc locum non aliter scribenti, quàm si ad tuas ineptias respondendum sibi putaret. Non minus ineptè factum illud Corinthiorum in eo sitū fuisse scribis quod sese ad Cœnam Domini non ea qua decet veneratione præpararent. Neque enim hac indecentia quanuis minimè ferenda Apostolus ad tā grauē illam sententiam pronuntiandam esset commotus. Hoc ergo Corinthij non οὐκ τὸ πρὸς πρὸς duntaxat, sed contra ipsius Cœnæ Domini institutionem, atque naturam faciebant, quod & lautitijs indulgerent, & pauperes fratres aspernarentur, quum Cœna Domini non ad pacendum, nedum ad saginandum corpus, sed ad vitæ æternæ verum & vnicum alimentum percipiendum, & ad mutuam cum fratribus in vno Christo faciendam coniunctionem sit instituta: quamobrem etiam monet Apostolus vt deinceps domipotius (sublatis communibus Agapis) cibum capiant. Quanuis igitur Apostolus ab hypothēsi ad thesin ascendens generalem in

eos sententiam ferat qui indignè ad Cœnâ Domini accedunt, non debet tamen hoc Corinthiis nisi in eo in quo peccabant applicari: ac proinde quicquid hîc profers, præterquàm quòd falsò in nos dicitur qui nunquam Cœnam Domini cum vulgari cibo aut cum nudis figuris cõparauimus, audaciâ simul & imperitiâ tuâ patefacit.

Sic corruunt quæ tam putri fundamento imponis, Apostolum videlicet in tam magna difficultate, id est, in Corinthiorum dubitatione tollenda de fide Eucharistiæ non fuisse fundamentum iacturum à figurata loquutione, sed suo more fuisse præfaturum aliquid, veluti, *Sacramentum hoc magnum est, dico in pane & corpore Domini*, vel *Istud in figura corporis sui tradidit Dominus*. Certè quum his nugis tuum illud ingens volumen farcires, iusto Dei iudicio excæcatum fuisse te oportet: nec alio te responso dignum arbitror.

Subiicis tot penè calumniarum quot verborum plenam disceptationem de verbo *Frangendi* in illo Pauli loco τὸ ἄρ' ὑμῶν κλάμενον, *Quod pro vobis frangitur*.

Prima igitur hæc calumnia est quòd dicas *cenfere nos ex fractionis appellatione, nō nisi symbolū corporis & panem à Christo demonstrari, & tradi, quoniam fractio fuit à Christi corpore in passione prorsus aliena*.

Altera calumnia est quòd *frangere accipiamus pro distribuere ut apud Esaiam, Frange esurienti panem tuum, unde etiam colligamus non obseruari ritè institutionem Cœne Dominicæ, nisi præter quàm quòd panis porrigitur, etiam frangatur. Quod utrū-*
que

que ex eo confutas quòd hoc non dicitur nobis sed pro nobis, id est, pro nostris peccatis dari & frangi.

Respondeo vtranque calumniam ex tuis ipsius verbis patère, qui fatearis Calvinum vocẽ κλώμε pro immolatione accipere. Num enim ita nos ineptire cuiquam persuaseris, vt dicamus symbolum corporis pro nobis immolatum? Te ipso igitur iudice non solùm panem nobis frangi, sed etiam pro nobis corpus ipsum immolatum nobis verè dari docemus, quia ne si in manus quidem ipsas millies (ita vt vultis) daretur, nobis tamen nisi semel pro nobis immolatum, nunquam prodesset. Ideo Paulus Evangelii prædicationem paucissimis complexus, quum sese dixisset vnicum apud Corinthios Christũ nosse, addit & *quidem crucifixum* & in institutione Cœnæ additum est, *Quod pro vobis datur, & Qui pro vobis funditur.* Manifestus es igitur hac in re calumniator, vt & in altera. Neque enim fractionis ritum sacramentalem ea qua dicis ratione conquerimur à vobis prætermisum, sed quòd nos Christus facere quod fecit, ideòque panem cui benediximus, frangere iusserit. Tùne enim hoc negabis? Imò quum in alia repetitione tantopere vrgeas panis fractionem, vt etiam in historia duorum illorum viatorum Emauntẽ post resurrectionem proficiscentium, pro Cœnæ Domini actione accipi velis hoc in nobis reprehendere audes, quo sublato, Cœna Domini nullo modo possit per fractionẽ panis intelligi?

Reprehendis quoque Calvinum vt contextus deprauatorem, *quòd existimet ex Hebraica lingua proprietate tempus præsens in futurum commu-*

tandum, neque Frangitur dicendum sed Frangetur.

Debuisti ergo locum Caluini citare. Nam in harmonia Euangelica & Paulo præsens tempus seruauit. Sed quod ad rem ipsam attinet, quæ hæc rursus impudentia est, quum tu ipse eadem pagina fatearis Latinos maxima ex parte legere futuro tempore *Tradetur*, proculdubio pro *ἰδόμενον*, vt etiam (quod astutè præteriisti) *Fundetur* pro *ἐκχυόμενον*, audere tamen Caluinum vt diuini verbi corruptorem accusare, quòd *κλώμενον* vertendum censeat Frangetur? Hoc quidè verum est, etsi non temerè Christus præsentem tempore vsus est, vt fidei vim & energiam ostendat, qua olim factum est vt veteres quasi præsentem diem Domini in veteribus Sacramentis viderint, & nunc fit vt rem præteritam (mortem videlicet Domini & corpus ipsius quanuis longissimè à nobis distitum) velut ipsis oculis in nostris Sacramentis intueamur, & veluti manibus palpemus: tamen illud *ἰδόμενον* & *κλώμενον* ad rem mox sequenturam respicere, ac proinde non modò ineptè sed etiam impiè à te scribi, sacrificiū corporis & sanguinis Domini in ipsa Eucharistia eo fundari quòd dicatur corpus in ipsa dari, frangi, & exhiberi pro nobis, & poculū effundi pro nobis. Quid enim est ineptius quàm ex Sacramento sacrificium facere? & quid magis impium quàm Christum dicere sese Deo Patri sæpius pro peccatis hominum in sacrificium expiatorium obtulisse? Quid? quòd supra capite septimo tu ipse hac quæstione proposita *an potuerit Christus apponere corpus suum loco agni paschalis ante mactationem & passionem*, non refugisti ad hoc

hoc duplex sacrificium, sed his verbis rectè respondisti, *Respondemus Christum quasi mortuum habitum fuisse & sepultum, ideoque à Magdalenâ perunctum, atque alia nonnulla per anticipationem dicta factaque.*

Sed age de ipso Frangendi verbo dicamus. Rides Calvinum (Monachus videlicet vrbanus) qui nouum significatum excogitauit quū frangi declararet accipi pro immolari, quia pro peccatis nostris in cruce sit attritus, aut, vt vult Petrus Martyr, propter animæ à corpore in cruce factā separationē. Hanc autem interpretationē duplici ratione refutas, Vna quòd inusitata sit scripturis, ipsiq; adeò Grammaticis, hæc significatio verbi κλάμενον. altera, quoniam neque corporis simbolo fracto conuenit, utpote quod non sit pro nobis fractum neque simbolo corporis fracti, quoniam fractio corpori competere in se nequit, nec ista particula pro vobis pani aut simbolo conuenire. Caluini autem hæc verba sunt, Ego, sicuti Paulum ad panis fractionem alluisse fateor, ita hîc Frangi positum interpretor pro immolari, impropriè quidem, at non absurdè. Nam utcumque nullum ipsius os mutilatum fuerit, corpus tamen ipsum tot tormētis & cruciatibus, deinde crudelissimo mortis supplicio expositum, non potest illesum dici. Hoc frangi vocauit.

Cedò verò quid in his verbis meritò reprehenderis? Frangendi verbum bis positum esse ab Apostolo inficiari non potes, ac priore quidem loco pro distributione siue dispensatione accipi non posse, illud ostendit, quòd alioqui esset ineptissima τωτολογία in fregit dedit: propriè denique fractionem ibi intelligi & de ipso

signo dici res ipsa clamat, & vos ista cantiuncula testamini, *Nulla rei fit scissura, Signi tantum fit fractura*: posteriore verò loco quin de re significata, puta corpore dicatur, ne tu quidem negare possis: propriè tamen id non conuenire corpori tutemet fateris. Translatitiè igitur sumatur oportet. Quid ergo declarabit? Tu quidem his verbis Catholicorum tuorum sententiam explicas, *Catholicorum*, inquis, *præstat sententia & fides qui credunt in Cœna non tantum nobis sed etiam pro nobis Christi corpus frangi ac dispensari*. Tibi ergo *Frangi* posteriore loco idem valet atque *Dispensari*. At cui tandem dispensari dices pro nobis? Nempe aut nobis aut Deo pro nobis. Illud tu quidem innuere videris, sed paulò post transformans Sacramentum in sacrificium (quæ sanè *μεταμόρφωσις* dura est, quum Sacramenta instituta sint vt à Deo promissa accipiamus, sacrificia verò vt à Deo mandata offeramus) mauius *Frangi* verbum explicare pro *Dari & Exhiberi*. sed cui? nempe Deo: sed à quo? nempe à Christo ipso, aut à sacrificio, idque pro nobis. Sed quinnà à sacrificio nisi quia prius à Christo? Ergo duo vnus Christi fuerint sacrificia & quidem realia, duo, inquam, & tempore diuersa: vnum prius videlicet in Cœna, alterum posterius in cruce, Deinde quum certum sit allusione ad signi fracturam facta dici de corpore quòd frangatur; & res ipsa clamet in signi fractura verbum *fregit* non posse accipi pro *dispensauit* siue *distribuit* (quia scriptum est *Fregit, Dedit*) cuius tandem analogiæ fundamento nitetur illa tua interpolatio, *Quod frangitur*, id est, *Quod dispensatur pro vobis?*

pro vobis? præterea quânam factum putas vt *Frangere* pro *Dispensare* accipiatur? nempe ex patris familias more qui non solidos cuique panes discumbenti familiæ, sed frustum cuique suum distribuere cõsueuisset, idque fractû potius quam cultro sectum, quod planioribus panibus vti solerent Hebræi. Hoc ita esse si mihi non credis, eruditos istic Hebræos consule. Vobis igitur qui sublato sacramentalis fractionis ritu crustula illa vestra in os ingeritis, quânam constabit illa translatitia interpretatio? Præterea si *Frangi* pro *Dispensari* siue *Distribui* accipitur, quo pudore ausus es omnem tropum ab institutionis Cœnæ verbis paulò antè tam seuerè excludere? Deniq; quum in posteriore tua interpretatione, *Frangi* accipias de sacrificio, annon eam ipsam affers interpretationem quam in Caluino reprehendis? sic tamen vt in eo plurimùm inter vos intersit, quòd tu quidem in ipsa quoque Eucharistia Christum re ipsa sacrificatum fuisse & quotidie sacrificari contendis, Calvinus verò vnica eaq; semel peracta Christi oblatione cum Apostolo contentus, datum velit in prima Cœna mox sacrificandum, & nobis iam olim Deo semel sacrificatum dari. Quod igitur garris in illis verbis *Quod frangitur pro vobis*, nō conuenire frangendi verbum symbolo, id est, pani, vt qui non possit dici fractus pro nobis, sed nobis detur & frangatur, verè à te diceretur de participio κλάμεν, nisi in nos à te diceretur perinde ac si non ipsum corpus, sed eius duntaxat symbolum nobis in Cœna dari censeremus. Sed & in eo peccas quòd *Dari* & *Frangi* ponas tanquam synonima, quum (vt antea dixi) diuersa sit à datione fractura, &

dationi etiam præeat. Et quod demum negas Frangi convenire ipsi corpori in se, tuam ipsius interpretationem conuellit. Es enim illud antea pro *dari & dispensari* interpretatus: quod si negas corpori in se se convenire, te ipsum ergo totum retexe, qui toties iam affirmaris nihil in Cœna præter ipsum corpus demonstrari, & sub speciebus panis dari. Quid quodd tandem veluti superiora omnia expungens, in hæc tandem verba definis? *Rectè omnia congruunt*, inquis, *si hoc esse corpus Christi dixerimus quod in Cœna pro nobis sub specie panis frangatur*. Ergo frangere non iam pro dispensare, nec pro Deo offerre, sed propria significatione acceperis, nisi fortasse fallor. Verùm hîc tibi explicandum illud supererit, quânam tandem partibilia esse velis accidentia quæ nulli partibili materiei, id est, nulli subiecto insint. Nam si corpori ipsi Christi inesse dixeris, fractum imprimis id esse oportuerit. Postremò irridere quoque nominatim bellissimam quandam (ut tu ais) meam interpretationem, tu scilicet bellissimus homo, voluisti, qui *Hoc est corpus meum quod pro vobis datur*, interpreter, Hoc est symbolum corporis, quod corpus pro vobis datur. Nam, inquis, *Paulus non tantum scribit datum pro nobis in mortem, sed frangi, quod ei in morte non accidit, quum κλάδῃ sit proprietas panis & non corporis*. Refellens ego rancidam & centies millicies refutatam illorum calumniam qui sacramentalem metonymiam perinde in nos retorquent, ac si inde consequeretur censere nos symbolum corporis, non autem ipsum corpus, pro nobis esse traditum, dixi in illis verbis *Quod pro vobis*.

vobis traditur seu datur, relatiuum *Quod* non ad vocem symboli sed ad vocem corporis à nobis referri. Nec enim docere nos panem illum esse corporis symbolum, quod symbolum pro nobis datum sit: sed panem illum esse symbolum eius corporis, quod corpus pro nobis sit datum. Hæc tu igitur quum sic detorques ac si locum Pauli propriè sic essem interpretatus, quid aliud quàm sophistam agis? Sed benè est quòd *Frangi* dicis esse *panis proprietatem*, panis videlicet illius. Nam alioqui quid prohibet quominus corpus etià aliud omne sit partibile? Obsecro enim si ita est, annon fractionem omnè à Cæna remoues, qui nec corpus in sese fractum in frusta fuisse velis (& quidem rectè), nec panis substantiam materiæmue vllam in Eucharistia statuas? nos verò sic sentimus, verè ac propriè frangi panem, cuius ritus verè sacramentalis, ac proinde in Ecclesia obseruandi, analogiam vt Paulus declararet maluit pro *σῖστρον* substituere *κλῶρον*, ostendens fractione signi repræsentari ingentes & nobis incomprehensibiles illos cruciatus quos & corpore & animo redemptor ille noster in cruce sustinuit. Addo nunc & illud, alluisse mihi videri Apostolum ad sacrificandi morem; quo victima non modò iugulabatur, sed etiam post omnem effusum sanguinem detracto corio in aliquot partes & frusta, ne exceptis quidem holocaustis, dissecabatur. quo ritu dubium non est quin in illa truculenta corporis Christi laniena cum terribili animæ ipsius veluti laceratione coniuncta, fuerit adumbrata. Sed ad scripturam, imò & ad Grammaticos prouocas. At-

qui non dixit simpliciter Calvinus *Frangi possum pro Immolari, sed tormenta & cruciatus quos Christus in crucis sacrificio sustinuit ita significari.* Tibine verò durius etiam non videtur quempiam fractum, contritum, attritum, etiam animo dici, quod decem minimū vocibus hebræis significatur? Quinetiam, quod insolentius multò videri possit, τὸ παρασάλλειν, quod discerpere & dilacerare declarat, de dæmoniacy acerbissima vexatione dicitur Lucæ 9. 42. & allusione quoque ad victimarum dissectionē facta iubet Paul. Pastores τὸν λόγον ὁρθοτομεῖν. Apud Latinos verò simili translatione non modò lacerandi vox ita usurpatur, sed etiam secare dicitur podagra, nisi fortasse tibi non satis Romanè loquutus videtur ille tam re spurcissimus quàm loquendi formulis tersissimus poeta.

Sed hoc quod subiicis argumentum planè mirificum est. *Paulus*, inquis, *recitata Euchariſtiæ institutione subiicit, Itaque quicumque indignè manducaverit panem hunc. Certè per Itaque aliquid ex præcedentibus auferre voluit. Quomoda verò contranatura & suum morem, si figuris & tropis scatet oratio, ex figurato sermone quem antea proprio sensu non reddiderit, aliud probabit?* Novus certè & inauditus disputandi canon, ut ex figurato sermone nisi quem prius proprio sensu explicaris, conclusio necti non possit. Dele igitur omnes parabolarum non explicatarum conclusiones. Sed minimè necesse est ut huc deveniamus. Tantùm enim abest ut tropus Metonymiæ sacramentalis sit inusitatus & obscurus, ut contrà vix aliter homines signis utentes loqui consueverint

sueuerint, & sicut ante ex Chrysostomo obseruauit, ideo non fuerint turbati hoc sermone discipuli quoniam multa iam hac de re & magna cum eis Christus disseruerat.

Contendis præterea corporis & sanguinis nomē similiter & eodem significatu, proprio videlicet ac natiuo, in ipsa institutione accipiendum atque in his verbis, Reus erit corporis & sanguinis Domini, in quibus nos fateamur pro naturali & substantiali positum.

Id ego verò totum concedo, &, vt omnem tibi semel istarum ineptiarum occasionem præcidam, scito nos, quum panem dicimus siue esse sacramentaliter corpus Domini, siue esse symbolum corporis Domini, non aliud quàm verum illud & vnicum substantiale Domini corpus pro nobis traditum intelligere, quod tamen neque de pane aliter quàm Metonymia sacramentali dicatur, neque aliter quàm sacramentaliter adsit, neque alio quàm fidei organo spiritualiter percipiatur. Scito & illud, Quum ad Cœnam Domini indignè accedentes dicimus reos fieri corporis & sanguinis Domini, verum illud Christi corpus & verum sanguinem Christi intelligere. De his igitur tribus non de illo priore quæri abs te oportuit.

Rectè igitur postea de ipsa manducatione corporis incipis disserere, quam vt duplicem in Eucharistia esse probes (vnā videlicet præsentis reipsa corporis quæ ore ac dentibus, alteram spiritualement realiter præsentis, quæ non nisi spiritu & fide fiat, quarum hæc sit ad illam rectè & vtiliter agendam præparatio) hoc argu-

gumento vteris. Si corpus tantum spiritualiter ederet in Cœna frustra requireretur probatio sui ipsius quia nemo posset illud nisi dignè, fide videlicet præditus edere. At Apostolus probationem & dijudicationem requiri, proposito grauissimo aduersus indignè accedentes iudicio. Ergo alium esum præter illū spirituales requirit, corporalem videlicet, ad quem oporteat unumquemque sese per illum spirituales disponere ac preparare, ut iram Domini ex indigno videlicet Christi corporis esu conciliatam vitare possit. Denique si spiritualiter duntaxat edi potest Christi corpus, si fides defuerit aut vires suas non obierit, non iam indigna erit corporis manducatio sed nulla.

Hoc tuum igitur est argumentum cuius nullam à me prætermissam partem opinor. Sed quàm ineptè, quæso, disputas? Si sola fide, spiritualiter corpus Christi editur, non edunt illud qui fide carent. Concedo. Ergo non est ista manducatio indigna sed nulla. Concedo. Non rei sunt igitur isti corporis & sanguinis Domini. Nego. Nam qui ne sumere quidem dignatur, & sacra quæ sumere se simulat, tanquam canis & porcus conculcat, annon magis peccat quàm qui sumit quidem, sed non ita prorsus ut debuit comparatus? Sed tu præsupponis quod falsissimum est, nempe, Edere indignè panem hunc atque bibere hoc poculum idem valere atque Edere ipsum reale corpus Domini & Bibere ipsum realem sanguinem Domini indignè, quod tu Paulo affingis: ridiculè id quidem ac etiam impiè, quum Sacramentum, id est signum, & res Sacramenti significata, duæ res sint, semper quidè à Deo minimè mendaci, duobus tamen diuersis modis & duobus obiectis, propositæ: si-

gnum

gnum videlicet corpori, corporeo & externo modo accipiendum, res autem significata menti, spiritu & fide spiritualiter sumenda. Deinde etiam si sola fide corpus editur, non tamen consequitur dignè semper edi à fide præditis, ac proinde superuacaneam esse Pauli doctrinam de sui ipsius probatione, & inanem illam grauissimi reatus denuntiationem, Nam qui ipsam quoque rem Sacramenti, fideli quidem, at non ita vt decuit comparato animo percipit, grauem pœnam meretur: neque ex eo tamen altera ista tua commentitia præsentia vel manducatio idcirco statuitur. Sed tibi videntur quicumque panem hunc edunt, & poculum hoc bibunt, siue dignè siue indignè accedant, corpus Domini accipere, & Domini sanguinem bibere. Ego verò quid tibi videatur non laboro, sed quid Apostolo videatur, id demum probo. Apostolus verò non corporis, non sanguinis, sed panis huius & poculi huius indignè sumpti meminit: ita videlicet significans vnde hic reatus promânet, nempe ex eo quòd & Sacramenta (panem hunc videlicet & hoc poculum) & rem ipsam Sacramentorum, id est, sacramentaliter oblatũ Christum, vel prorsus infidelitate sua sint aspernati vel socordia ac non satis accurata pœnitentia sumentes, Deum non leuiter offenderint. Audiamus tamen quibus pigmentis spectrum istud tuum adornes.

Ex commixtis, inquis, corporis & signi proprietatibus liquet nusquam à Paulo separari signum à corpore, nec contrà, quoties de Eucharistia loquitur. Enimuerò, mi homo, vel tace, vel sic loque-

re vt intelligaris. Quas tu verò mihi panis, quas corporis proprietates narras, qui panem quidē sua substantia, corpus verò sua visibili specie, & organici veri corporis humani dimensiones polles? Sed hoc voluisti significatum opinor, sic inter se signum (siue sit illud verus panis substantialis, siue panis in chimæram transformatus) & corpus Domini conflare, vt re ipsa vnum cum altero sit eodem loco inseparabiliter situm, ac proinde vnum cum altero corporeis organis necessariò sumatur. Sed quomodo tandem id probabis? nempe postquam veritatem corporis Christi, & ipsius veram à nobis emigrationem, vsque ad alterum ipsius aduentum, Sacramentorum denique finem funditus euerteris. Ne quid tamen hîc tuo more calumnieris, quasi vestra illa reali & substantiali exclusâ coniunctione seu ferruminatione, signa vacua statuamus, scito nos vsque adeo veracem esse Christū agnoscere, vt in legitima Cœnæ ipsius actione nunquam corporaliter offerri corporalia signa credamus, quin id quoque quod verbo sacramentali exprimitur, & externorum symbolorum analogia repræsentatur, verissimè quoque menti spiritualiter per fidem sumendum proponatur: quod nostrum responsum quò magis ridebis, eò magis omnibus exercitati in sacris iudicij hominibus deridendum te ipsum propinabis. Pergis tamen & inquis, *Paulum dicere in eo peccari, quòd panis nō existimetur corpus Domini, sed aliquid aliud ab ipso corpore censeatur.* Imò nequaquā fuit vecors vestro more Paulus qui signū pro re acciperet, quod meritò ridet Augustinus: neq; *Non discernere*

discernere corpus Domini apud Apostolum declarat panem aut panis species pro ipso corpore Domini non habere, sed propositū sacramentaliter Christi corpus, quantæ sit dignitatis munus non attendere: neque Sacramentum, rem tanto vsui destinatam, à re aliqua vulgata distinguere.

Quid plura? Contendis etiam aduersum nos multò minus peccare qui Christum repellat, quàm qui indignè recipiat. idque probas centurionis exemplo qui Christum repellendo ne peccarit quidem quum multentur ac digni censeantur in quos pulvis pedum excutitur qui admissum hospitem Christum indignè exceperint.

Deuste compescat Sophista. Nam quæ hæc impudentia est? Agimus de iis qui Christum in mensa ad quam accedunt oblatum non sine impietate aspernantur: tu verò nobis Centurionē, quo nullus maiorem in Israele fidem habuit, pro exemplo proponis. Sed diuino planè iudicio factum video ut hoc exemplum sumeres, quo vix vllum profectò ad vestrum delirium redarguendum magis appositum deligi potuit. Nam à vobis quidem Christus, nisi realiter præsens eius corpus non modo inter manus & dentes, sed etiam intra vestra viscera, certè non admodum honesta domicilia, statuatur, absens & inutilis existimatur. Quid verò contrà Centurio? Nō opus est, inquit, ut domus meæ tectum corpore subeas, sed quanuis corpore absens, iube tantū quid fieri apud me velis, & mox fiet: quod Centurionis dictum Christus, & verbo & re comprobauit. Et certè tantū abest ut Centurio Christum sic loquens repulerit, ut contrà vera

fide totum sit illum amplexus quæ in nobis hodie quoque requiritur, siue ad verbum nudum, siue ad Sacramenta accedamus. Contrà quum eos dicis pulueris pedum excussione multari qui Christum hospitem indignè receperint, rursus confidentiam tuam summam ostendis, vt qui ne hîc quidem locos illos Euangelistarum consulueris vt qui disertè de iis loquantur qui missos à Domino non exceperint, neque sermones eius audierint. Rursus igitur pudendum errorem hîc admittis, ea videlicet conscientia qua miseræ plebi quiduis quasi ex Dei verbo depromptum dictare consueuistis, Caterum illud ego non inficior turpius ciici quàm non admitti hospitem. Sed rursus hîc fucum facis. Nec enim de iis tantum agimus qui exceptum repellunt ad vomitum reuersi quorum conditio posterior plerunque est priore deterior & quorum fides est *cap. 9. v. 13* ~~cap. 9. v. 13~~ vel fidei potius simulachrum, quique Christum vix in vestibulum ipsum intromittunt: verùm de iis etiam qui vera fide præditi, domum ipsam vsque, at non ita vt fieri potuit ac debuit ornata Christum admittunt, & postea castigati, agnito errore, domi retentum colunt & obseruant. Quod autem subiicis *Caluino authore Sacramentum fieri ex pane & corpore Domini seiunctis quantum calum abest a terra, per fidem & intentionem summentis, non autem verbis Christi prolatis ex quo consequatur infideli seu fide carenti ne effici quidem Sacramentum nedum vt ei offeratur: in eo planè Diabolum, id est, mendacissimum calumniatorem agis. Nam docemus quidem ex certissima Euangelii historia, corpus Christi*

nunc

nūc alibi nō esse, neque alibi ad alterum vsque ipsius aduentum futurum quā supra omnes cælos, in quos ascendit, siue (vt ait Augustinus) vsq; adeo hīc in terris nunc non esse (secundum corpus) vt etiā è cælis venturus speretur, ac proinde si de præsentia locali agatur, tanto nunc spatium corpus Christi, quod in cælorum cælis est, à pane qui in terris adest abesse, quanto cæli cælorum à terris absunt. Docemus & illud, magicæ incantationis esse prolationi certorum verborū confectionem Sacramentorū tribuere. Sed quæ tu calumniator ex istis colligis, nempe seiungi à nobis panem à corpore vt vacua signa sint, & confectionem Sacramentorum siue, vt apertius loquar, mutationem rei communis in Sacramentum, fidei sumentis à nobis tribui vt absque fide sumentis ne signa quidem sint, abs te impudentissimè confingitur. Primum enim, vt de illo prius dicam, ad effectum fœderis vel pacti cuiuscunque vel primū ineundi seu cōfirmandi vel aliquo modo renouandi, quicquam facit rei de qua in fœdere aut pacto agitur, vel præsentia vel absentia quod ad loci sitū attinet, imò ne rei quidem ipsius existentia necessariò requiritur. Quid enim obstat quominus tam possim longissimè, imò etiam nondum extans aliquid quā præsens aut iam in rerum natura extans donare? & vt ad nostram controuersiam propius accedam, quid obstat quominus absentem etiam maritum sibi acquirere quæpiam mutuo consensu possit? Nec enim ignoras nostram, id est, Ecclesiæ cum Christo, coniunctionem mysticam ac spiritualem cum corporali coniugio sic passim comparari, vt hæc illius esse quædam imago meritò vi-

deatur. Quod si excipias, sicut ad plenā consummationem coniugii, & ut duo vna caro euadant, præter illum consensum à quo pendet ipsius coniugij vinculum requiritur realis corporum copula, sic ad hoc de quo loquimur Ecclesiæ, atque singulorum eius membrorum & Christi connubium, requiri corporis Christi realem præsentiam & contactum qui externa reali manducatione fiat: respondeo hoc ipsum esse in quo plurimum hallucinaris, ut qui à corporalibus spiritualia non discernas. Cedò igitur, cur illa corporum realis & terrestris coniunctio ad illud coniugium requiritur? non quia corpora sunt, sed quia matrimonii illius finis est per mutuam illam corporum realem copulam genus suum propagare. At in hoc altero coniugio illud spectatur ut mysticum & merè spirituale corpus coalescat: ac proinde ut finis eius spiritualis est, sic spirituum utrinque organo & instrumento coniunctio hæc fiat oportet, quanvis non soli spiritus, sed ipsi toti homines (nempe fideles) cum Christo homine sic arctissimè connectantur: quemadmodum si nō ex corporum ipsorum sed ex solarum mentium cōnexu hominum corpora propagarentur, copula illa realis corporum minimè ad terreni coniugii consummationem desideraretur, sed ipso solo animorū cōsensu perageretur. Ad istam autem personarum quæ mente & voluntate fit copulationem nequaquā realis contrahentium eodem in loco præsentia necessaria est, quū longissimè etiam absentes in eā rem de qua agitur (agitur autē hīc de mutua

vnus

vnus cum altero verissima quidem sed spirituali ad spiritualis vitæ fruitionem communione) verè & efficacissimè consentire possint. Verissimâ igitur & arctissimam nostri cum ipsomet Christo coniunctionem qua fit vt omnem spirituale sensum ac motum ex ipso sicut membra ex capite hauriamus, & quæ quotidiana verbi auditione & Sacramentorum legitima sumptione in dies magis ac magis adstringitur, ipse Spiritus sanctus nullo locorum obstante interuallo, interueniente tum Christi ipsius sese nobis insinuantis voluntate, verbo & Sacramentis testata, tum accedentium fide, illum ad se vltro venientem amplectente. Deinde quum Christus ille verus sit Deus inseparabiliter simul & hypostaticè cum assumpta carne vnitus, qui proinde nullo loco secundum deitatem abest, concedam quoque tibi non inuitus carnem ipsam Christi à signis ipsius sacramentalibus in terra positis mininè abesse, sed κατ' ἄλλο, siue secundum totum Christum non secundum totum Christi, id est, quatenus cum deitate à qua assumpta est, hypostaticè cohæret, ne me forte vel cum Brentio Eutychianum factum putes, vel nobiscū ἀσύστατα ponere, id est, Christi carnis proprietates simul statuere & abolere. Quod si demum excipias sic non aliter Sacramentis quàm aliis vbique locis Christum præsentem statui, concedam ita quidē videri, sed plurimùm quod ad finem & effectum attinet hanc ab illa præsentiam differre, adeò quidem vt vniuersalis illa Christi personaliter considerati præsentia sit veluti quoddam

absentiæ genus. Quamobrem etiam Christus de Patre & de se loquens, ad eum (inquit) veniemus & mansionem apud eum faciemus, quum tamen propriè loquendo venire aliquò dici nequeat qui vbique est præsens. Sed verû est quod dicit Augustinus, esse quidem Deum vbique sed in solis sanctis habitare. Sic vbique etiã reipsa adest Christus personaliter, non autem secundum humanitatem distinctè cõsideratus, sed in solo verbo & solis Sacramentis adest electis suis vt sese illis insinuet. En tibi quomodo, & quo sensu corpus Christi ab illo pane, & sanguinem Christi ab illo vino seiungamus.

Sequitur alia nihilo minor calumnia. *Prædicant, inquis, Calvinistæ absentia effici præsentia per fidem & ob id per eandem nobis reddi præsentissimû Christi corpus toto cælo à nobis dissitum. Infideles igitur quum eiusmodi destituantur fide non habebunt, quo illis offeratur corpus.* At tu rursus vide si potes quàm calumniosè nobiscum agas. Nam aliæ sunt profectò offerentis seipsum Christi quàm hominis Christum recipientis partes. Quo igitur pudore quod de hominibus Christum fide recipientibus dicimus, ad Christum sua potentia & bona voluntate seipsum offerentem traducis? Si Sol sese tibi è cælis conspiciendum præbeat, tu verò oculos clauderis aut aliò conuerteris, obtulerit quidem ille sese tibi, & quod ad ipsum se offerentem attinet, quanquam longo locorum intervallo à tuo corpore dissitus, tibi tamen præsentem sese stiterit: at tibi tamen quod ad eius perceptionem attinet præsens non fuerit. Sic Christus cuius corpus supra cælos nunc est & a
libi

libi nusquam, sese nobis vnico fidei oculo aspi-
ciendum, ac etiam eiusdem fidei manu verè
prehendendum quibusuis velut in speculo. Ver-
bi & Sacramentorum offert. Quòd si quis vel il-
lis fidei oculis careat, vel eos nullo modo adhi-
beat, non magis erit ei præsens quod ipsi offere-
batur, quàm si nunquam oblatum esset. Itaque
quod olim Pisiaci & semper alias sensimus &
sentimus de fidei efficacitate ad hoc vt corpus
Christi sit in Cœna præsens, calumniosè à Spen-
sæo primùm, deinde à te & aliis deprauatum est
quum quod diximus sumentium respectu, ad
Christum offerentē traduxistis. In summa, quid
efficit vt quod verbum auribus & Sacramenta
oculis quibusuis foris renuntiant, verè quoque
spiritualiter, & cōmunicationis ineffabilis (non
autem loci) respectu præsens præbeatur? sola
Christi nunquam mendacis potentia & volun-
tas, verbo ac signis sacramentalibus testata. Quid
autem efficit vt res in se ita vti diximus quorū-
uis accedentium menti spiritualiter oblata, à so-
lis tamen fidelibus mente cernatur & percipia-
tur, ac proinde, hoc respectu, solis illis sit præ-
sens? fides per Spiritum sanctum donata & per
eundem efficax. Quæ subiicis de diuersis indi-
gnorum speciebus, nulla indigent refutatione,
nisi in eo quòd omnes quātumuis indignè acce-
dentes vis nihilominus corpus & sanguinem
Domini, id est, res Sacramento significatas reci-
pere, quod tu quidem nunquam probabis. Nam
quæ tu citas ex decimo capite nihil ad aliquem
Corinthiorum in Cœna Domini errorem per-
tinere antea ostendimus. Deinde quod adiicis

non posse apud Paulum de pœna tēporatia intelligi iudicii nomen, si ad id respicias quod peccata etiam leuissima merentur nisi pœnitentia & fide interueniente eluantur, tibi concedo: sin verò ad pœnas referas quibus consuevit Dominus suos non vt seuerus Iudex perdere, sed vt pater castigare, perperam id abs te fieri dico. Nam quoddam etiam est iudicium quod incipit à domo Domini 1 Petr. 4, 7. Illud autem omniū ineptissimè scripsisti, probari nobis vestrā sententiā, qua docetis *quodā esse peccata quæ non æternis tormentis sed in isto seculo (vel etiam futuro) transiuntur, puniantur, ne cogamur illa in altero seculo lucere.* Imò absit vt vel vlla alia quàm crucis Christi pœna tolli peccata dicamus, aut remissionem peccatorum in Christi sanguine adeptis alias superesse pœnas in præsenti seculo satisfactorias luendas somniemus. Et quod ad futurum seculū attinet, auertat à nobis Dominus insanam & impiam purgatorii fabulam, vbi satisfactio pro peccatis vlla persoluitur. Imò peccata omnia suapte natura mortem æternam mereri ex Paulo didicimus, quam pœnam vnicus pro credentibus Christus totam penitus persoluit: idcirco nec perituris vnquam electis, nec reprobis seruandis.

Venio ad illud vnde secundo loco tuam illam externam oris manducationem probari liquidò posse credis, nempe ex eo quod *Apostolus condemnationi addicat indignè manducantes, vt grauissimum hoc scelus esse oporteat: deinde ex eo quòd tam anxie de preparatione verba faciat, qualis neq; ad agni paschalis, neque ad panem propositionis e-*
sum

sum requirebatur. Imò ne externam quidem illam mundiciem & ceremoniam ad manna escam, aut potum aquæ ex petra quæ etiam iumentis profluebat, requisitam fuisse. Quinetiã istam suipsius examinationem ne parvulis quidem baptisandis irrogari, quæ tamen in illis fuisset necessaria, si, ut tu nos sentire dicis, Agnus paschalis, panes propositionis, manna & potus aquæ ex petra, tam fuissent efficacia signa corporis & sanguinis Domini quàm est Eucharistia & nunc in Baptismo requireretur, si præ Baptismo nihil plus de corpore & sanguine Domini contineret.

Sed hîc rursus vide quàm vana hæc sint argumenta. Primum enim falsissimum est quod dicis parẽ à nobis efficaciam veteribus signis & nostris tribui. Deinde ineptè colligis si qua inter illa & nostra est imparitas, eã positã esse in re ipsa significata. At nos è contrario Apostolum ducẽ ut & Augustinus sequuti, vetera & nova Sacramenta docemus re paria vel potius eadem fuisse, sed significantiora & augustiora: quod omnino statuendum est tum ob mysteriorum salutis maiorem infinitis partibus in nouo fœdere perspicuitatem, tum ob analogiam Sacramentorum miris modis euentiorẽ. Collapsa igitur tui argumenti basi, quod superstruxisti corruat. oportet: neq; mirũ est quò propius & euidentius Rex ipse nobis sese patefacit, eò expressius moneri subditos ut dignè principem suum excipiant. Sed de hoc præterea non deest quod appositè, ut spero, tibi respondeam. Obsecro igitur, tam anxie illæ immundorum ad sacrificia accedentium purificationes externæ, an vana fuerunt simulachra, ac non potius totidem vehementissimæ, ipsisque

k. j.

externis sensibus repræsentatæ eius ipsius probationis, pœnitentiæ, ac fidei conciones, quas ad legitimum vsum Cœnæ requirit Apostolus? Quid? illæne increpationes aduersus incircuncisos corde, illa horrenda fulmina toties aduersus eos cōtorta qui ad sacrificia impuris animis accederent, vanæne fuerint terriculamēta? & ne excipias intra verba constituisse has minas, illa filios Aaronis deuorans flamma, illa Oziam feriens dextra Altissimi, quod arcā præcipient ipse ad hoc non sanctificatus fulcire tentasset, non satis demonstrant patres non minore quàm nos religione accedere ad suos sacramentales ritus iussos? Quid quod sub Ezechia agnum paschæ à non sanctificatis comesum iisdem prorsus pœnis, morbis videlicet vltus Dominus dicitur 2 Paralipom. 30. 18, & 20. quibus aduersus Corinthios vsum esse testatur Apostolus? De manna verò & aqua ex petra profluente idem nō fuisse mandatum atque de rebus propriè sanctificatis, nemo mirabitur, qui res illas sic fuisse spirituales (sic enim nominat Apostolus, id est, sacramentales) expenderit, vt proprius illarum vsus esset quotidianus & communis, & Sacramenta non essent nisi *χρὶ συμπελεκτός*. At è contrario panes propositionis propriè erant Sacramenta, vt & victimarum carnes: & corporum alimento *χρὶ συμπελεκτός* seruiebāt. Itaque nulli immundo istas vel contingere citra horrendam pœnam, illas verò solis mundis Sacerdotibus edere fas erat. Denique quod ad Baptismū attinet, in baptisandis infantibus nostris maiorem quàm olim in eorundem circuncisione non requiri præparationem

tionem nemo sanæ mentis mirabitur, quum & horum & illorum par ætas non patiatur. In adultorum verò, id est, profelytorum circumcissione requisitam fuisse veræ religionis professionem etsi non legimus, dubitari meritò non potest. In Baptismo itidem adultorum multò etià exquisitiorem & accuratiorem probationem quàm in Eucharistia requiri consuetam, ex catechesibus veterum, & additis postea infinitis penè ritibus apparet, ut si inde faciendum sit de præstantia Sacramentorum iudicium, Baptismus Eucharistiæ videri possit anteponendus; sicuti certè plus est nasci quàm semel natum nutriri.

Tertium tuum argumentum est huiusmodi. *Ut is qui purpuram regis aut imaginem violavit, reus alicuius culpæ agatur quæ ad regem referatur, non tamen ei fuerit æquandus qui in ipsum regem manus iniecerit, aut alio qui maiestatem ipsam læserit. Num etiam Iudei, si duntaxat nudam figuram corporis Domini in crucem sustulissent, tot pœnarum rei agerentur quot nunc aguntur, ex eo quòd verum & substantiale Christi corpus tam indignis modis excruciarunt? Nemo quoque unquã dixit immeditata Manne manducatione aut panum propositionis corpus Christi violari, aut interfecti Christi crimen à Iudeis admissum, & damnationem certissimam inde sequutam. At Paulus indignè Eucharistia utentes statim æternæ morti obnoxios pronuntiat, & illorum peccato & damnationi exæquat, qui Christum ipsum vitæ & Sacramentorum authorem nefariè trucidarunt, aut contumelia & irreuerentia affecerunt. Fraquè Eucharistiam apertissimè distinguit Apostolus à puris signis & symbolis corporis & sanguinis Domini.*

Respondeo à nobis quoque non omnia sacra
 signa pro Sacramentis propriè sic vocatis habe-
 ri: Quædam enim ex illis duntaxat fuerunt typi
 vt arca Noe, Agar & Sara, transitus maris: quæ-
 dam etiam rerum præteritarum *μνημόσυνα*, vt
 mannæ in vrna asseruatio, Aaronis virga, acerui
 multi lapidum, altaria quoque nonnulla: quæ-
 dam futurarum rerû maximarum *εἰκόνας*, & *σκια-
 γραφαί*, de quibus copiosè in Epistola ad He-
 bræos agit Apostolus: quædam denique propriè
 vocata Sacramenta quæ promissiones habuerunt
 adiunctas, vt circuncisio, sacrificia, purificationes
 & quæcunque sunt eiusmodi. Itaque quò sacra-
 tius, augustius, expressius fuit aliquod signû, eò
 seueriorem pœnam merebatur eius contemptus
 aut violatio. Itaque contemptor Circuncisionis,
 aut impurus accedens ad sacra, exterminatur ex
 populis suis: qui sabbatum violauit iubetur la-
 pidari, & huiusmodi terribiles minas horrenda
 iudicia sunt subsequuta. Quantò maiores igitur
 pœnas merentur nouorum Sacramentorum cõ-
 temptores, quæ tot modis præstant veteribus,
 & in quibus ipsemet Christus non iam venturus
 sed exhibitus cum omnibus suis beneficiis quasi
 oculis ipsis conspiciendum, & quasi manibus
 palpandum se præbet? Sic enim argumentatum
 Apostolum non ignoras Hebr. 2, 2. & 10, 28.
 Itaque Sacramentorum quoque contemptores
 ferit istud tonitru, *Qui non crediderit condem-
 nabitur.* Sed quàm est, quæso, ridicula hæc con-
 sequutio? *Adiudicantur æternis pœnis contempto-
 res Eucharistia, distinguitur pœna seueritate Eucha-
 ristia à nudis figuris* adde etiam si libet, *à cæteris
 Sacramentis, Ergo in panis transsubstantiati specie*

corporaliter & realiter adest Christi corpus. Et tamen hæc tua est solidissima vel potius stolidissima Theologia. Respondeo præterea, quauis æternas pœnas sæpe Dominus in ipsa quoque iræ vasa patientissimus, in castigationes, pro bonitate sua, cōmutet, interdum leuiiores interdū grauiiores: & futuræ non sint omnes damnatorum pœnæ pæres, vt testatur Christus Matt. II, 24: tamen vniuersalem esse hanc sententiam Apostolicam, Stipendium peccati mors est. Etenim si originalis sola corruptio facit vt filii iræ, ac proinde ignibus æternis digni nascamur, quanto magis id merentur in quibus radix illa amarissimos actualium peccatorū fructus ediderit? Nul- lum ergo peccatum tam leue esse dico cum aliis grauioribus collatum, quin propterea quòd aduersus infinitam Dei maiestatem commissum est, infinitam quoq; pœnam æternæ mortis mereatur: & illud venialis & mortalis peccati discrimen si aliter intelligitis, diabolicū & execrabilissimū esse dogma affirmo. Quemadmodū autem omnia peccata natura sui lethalia sunt, ita (vnico illo excepto quod nunquā remittitur) omnia in eo per fidem apprehenso qui solus tollit mundi peccata, venialia fieri & gratis condonari docemus. Christus verò cum suis beneficiis, tum in verbo simplici tum in Sacramentis per fidē magis ac magis apprehendendus proponitur. Ergo si quis Christū nobis loquutū, & pro nobis passum, vllō modo in verbo vel Sacramētis contēnit, iræ Dei fit obnoxius: & hoc esse dico, Reū fieri corporis & sanguinis Domini: quod tamē specialiter in p̄fanatores Eucharistię dicitur p̄pter

quòd speciali quadam analogia, corpus & sanguis Domini spiritualiter per fidem participanda præbentur, & mortem Domini cum gratiarum actione profiteri in illa actione iubemur. Peccet igitur gravius qui regem ipsum quàm qui imaginem eius violant: peccant multò gravius Iudæi Christum ipsum crucifigentes quàm si faciem eius imaginem suspendissent, utrinque tamen poena capitalis statuitur. Et quorsum hoc ad tuam illam præsentiam & manducationem stabilendam? Quod autem Chrysostomus præsertim & Græcus Icholastes Apostoli verba sic accipiunt, ut qui indignè accedunt similes dicantur carnificibus, qui Christum ipsum crucifixerunt, non efficit tamen quod tu contendis. Aliud enim est simile esse quàm parem, nec etiam quisquis par est, in omnibus est æqualis.

Quarto loco vteris hoc argumento, *Si non signum carnis & sanguinis sed caro ipsa & sanguis conferunt vitam, ita quoque non signum ipsum indignè sumptum parit mortem, sed ipsa caro & sanguis, id est, Christus ipse & corpus eius, alijs cedunt in vitam, alijs in mortem: alijs in resurrectionem, alijs in ruinam, propter variam manducantium dispositionem.*

Respondeo multiplex esse in hoc argumento peccatum. Ac primum quidem in eo quòd vel hunc panem, & hoc vinum à rebus vulgaribus non distinguas, vel quæ sit dignitas sacramentalium signorum non animaduertas. Dico igitur non temerè sacramentalia signa à rebus communibus distingui, ac proinde in illorum indigna usurpatione duplicem reatum contrahi: vnum videlicet ac præcipuum relatè ex rerum signifi-

gatarum

catarum contemptu, tantò maiore quantò pretiosiores illæ sunt: alterum verò absolutè ex eo quòd res ipsæ tanti momenti sacro vsui diuina institutione destinatæ, aliter quàm deceat tractentur. Quū autem vterque hic contemptus in Deū ipsum directè redūdet, meritò Iudicii pœnā hoc vtrunque scelus mereri pronuntiat Apostolus, de posteriore quidē agens his verbis, *Qui manducarit indignè*, &c. de altero verò hac formula, *Non discernens corpus Domini*. Hoc tuum igitur non leue peccatum est in eo quòd vsque adeò pro nihilo nunc quidem habes signorum ipsorum contemptum, vt totum reatum ad rem significatam referas, sicuti mox ostendā. Neq; id mirum quum pro signis in Cœna Domini nihil præter res quæ nusquam sunt, inanes videlicet species quas vocas, siue accidentia sine subiecto, constituas. Ex hoc autem errore alter nascitur multò etiam grauior, quòd Christum ipsum vt vitæ ita etiam mortis causam facere omnino videaris: in quo dupliciter rursus falleris. Nam & ad vitam & ad mortem concurrunt quidem Sacramenta vt media quædam, (sicut & verbum simplex) non tamen quati vim illam viuificā, sibi propriam, Deus signis ipsis inserat, quemadmodum (verbi gratia) panis vim habet alendi corporis à Deo inditam (qua in re scholastici nonnulli vestri valde hallucinantur) sed quatenus & verbo & signis externis, veluti interposito pignore, ad animos nostros certiores de bona sua in nos voluntate reddendos vitur, quod beneficium impunè contemni non sinit. Verum illud interest, quòd ad vitam profunt

suo modo, ex ipso signorum usu, mors autem nō
 ex ipsis vllō modo, sed ex vna abutentium culpa
 emanat. Ad rem autē significatam, id est, ad
 Christi corpus & sanguinē, siue ad ipsum Chri-
 stum quod attinet, aio nunquam illum nisi ad
 vitam percipi, nec posse aliud quā vitam & sa-
 lutem ex ipso in nos emanare: ac proinde rui-
 nam & vltimum exitium non ex ipso Christo
 indignē percepto proficisci, sed tum ex signorū
 abusu, tum multō magis ex eo quod Christi
 corpus & sanguinem recipere nonnulli neglexe-
 rint. Itaque quum ex verbo διακρίνει colligis
 tuam illam specierum panis & corporis coexi-
 stentiam his verbis vtens, *Antequā hic panis*
discernatur esse corpus Domini, oportet ut ita sit, a-
lioxi falsò discerneretur, non modo ridiculus, sed
 etiam falsarius deprehenderis. Nec enim scrip-
 sit Apostolus μὴ διακρίνων τὸν ἄρτον τούτου ἔστι τὸ σῶμα
 τοῦ κυρίου, *non discernens hunc panem esse corpus Do-*
mini, sed *Non discernens corpus Domini,* id est,
 neque hunc panem considerans non vt commu-
 nem panem manducandum, sed vt corpus ipsum
 Christi sibi apponi: neque rei tantæ, quanta est
 ipse Christus, præstantiam attendens. Totum i-
 stud igitur τούτον τὸν ἄρτον ἔστι hunc panem esse com-
 mentitium est glossema à te excogitatum, quod
 & ipsa à te citata exempla verbi διακρίνει transi-
 tiuè positi docere te potuerunt. Nec tamen e-
 tiam si scripssisset Apostolus panem hunc esse cor-
 pus Domini discessisset à Christi verbis, sed quæ
 ad tuum stabiliendum commentum nunquam te
 iuuerint, donec duo falsissima idoneis argumē-
 tis confirmaris: nempe vnū & idem esse panem
illum &

illū & corpus Domini, & nisi corpus ipsum Domini eo ipso loco situm esse ostenderis vbi est panis ille, & absque hoc suam Sacramento veritatem constare non posse. Descendis tandem ad Pauli locum vbi panem quem frangimus dicat esse corporis Domini communionem quem quum scriberes sic me velle attendi vt Eucharistiæ institutio relinquatur, tum in me certè tū in tuam ipsius cōscientiam peccasti, neque mihi longius abeundū est vt hæc tua fœda calumnia refellatur. Mox enim ipsemet subiicis postulare me vt ex illius Pauli loci collatione, verba institutionis illustrentur. Cedo verò, bone vir, qui vnum locum ex altero exponendum contēdit, an alterum dici potest expungendum suadere? Sed age videamus plūsne scientiæ quàm conscientiæ ad hanc disceptationem attuleris. Tibi non placet Christi verba Paulinis illis exponi: Cedo quamobrem? Æquius enim est priora posterioribus quàm ista ex illis explicari: neque facile cuiquam persuaseris, ab Apostolis obscurius dicta quæ perspicuè ex suo magistro audiissent. *At enim, inquis, testatur eo loco Paulus se obscurius loqui tanquam prudentibus & mysteriū Christi intelligentibus.* Ergo falsum est quod iterum hîc incultas quasi satis non esset semel errasse: Corinthios nimirum quos hîc compellat. *Apostolus putasse Cœnā Domini esse quiddā indifferēs & inter Christi & idolorū cultū claudicasse, nec pluris æstimasse quàm idolothytum, & quàm si nihil aliud esset illa quàm alimentū panis Deo dicari, vt cetera obsoniorum genera quæ ante esum immolabantur.* Hocçine verò est prudentē iam esse, & mysteriū

Christi intellexisse? Quid quòd ipse Apostolus testatur Corinthios non fuisse tentatione nisi humana captos? atqui non humana sed planè diabolica tentatione fuissent irretiti, si ab Apostolo tam probè & diligenter edocti, in eam quã dicis hæresin essent prolapsi. Imò saltem meminisse te oportuit quid hoc ipso capite scripssisses, *Apostolum, videlicet, fundamenta doctrinæ de Eucharistia his verbis apud Corinthios iecisse, ac proinde figurata loquutione, ut obscuriore videlicet, usum non videri.* Itaque te à nobis dissentire minimè miror qui tantopere à te ipso dissideas. Sed & in eo rursum Sophistam agis quòd quæstiones permisces. Nec enim isto prioris ad Corinthios Epistolæ decimo capite vel tantillum Apostolus de Eucharistiæ negotio, sed de idolothytorum duabus speciebus agit, quarum alteram prorsus interdicens & argumentum à fine & scopo Cœnæ Domini desumens utitur hac præfatione, *ut Rom. 7, I. scientibus legem loquor, Ut peritis loquor, Iudicate vos quod dico,* sicuti facere mos est, quoties inter disputandum ex iis quæ sunt aduersariis nota, argumentum sumimus, ut velut à seipsis redarguantur. Nihil hoc verò ad sermonis vel perspicuitatē vel obscuritatem probandam pertinet, sed ad repugnantes eò fortius ex ipsomet eorum sensu reuincendos spectat. Quum autem usque adeò turpiter ut Cantherius in limine impegeris, agè quàm pulchrè progrediare consideremus.

Primum tibi non placet in his Pauli verbis, *panis quem frangimus est corporis Domini communicatio*, panem pro naturali & materiali positum,

positum, sed propter tantam quæ intercesserit mutationem ut panis naturalis esse desierit, cibum in genere significare: idque duplici ratione probas. Vna quod in altera parte Apostolus non vinum in specie designet sed porionem in genere, & ei intervenire benedictionem significet, antequam astimetur esse corporis Christi communicatio: altera quod Apostolus mox scribat omnes Christianos de uno pane & uno calice participare, quod quum de materiali pane & calice non possit intelligi (Omnes enim Christiani unius & eiusdem materialis panis participes nequeunt effici) de uno Christo & corpore eius reali interpretari cogimur.

Nos verò contrà contendimus panem ipsum materiale hîc & in tota Cœnæ actione intelligi, non tamen absolutè ut panem, sed relatè, ut Sacramentum videlicet, & quidem in suo usu consideratum, extra quem etiam Sacramenti rationem non habet. Itaque repugnantia quam inter nos à te dissidentes esse dicis in nomine panis interpretando, nulla est: & apertè calumniaris quum panem dicis à nobis perinde intelligi ac si nihil ei immutationis accidisset. Quis enim nosti um mutationem sacramentalem vnquam est inficiatus? sed tibi nimirum mutatio nulla videtur esse, nisi substantia ipsa rei transmutetur. Verùm age tuas rationes expendamus. Priorem ineptissimam esse dico, ex tua ipsius sententia. Contendis enim Apostoli verba ex institutionis verbis explicanda: At Evangelistas ut panem ita etiam τὸ πτύειον itidem nominasse ante benedictionem inficiari non potes. Quod si valeret tua consequutio, nempe non panem naturalem

in specie sed cibum in genere pro ipso corpore Christi à Paulo significari, quoniam vinum postea in specie non nominatur: efficietur hoc quoque, Christum dici ab Euangelistis non panem naturalem in specie, sed cibum, id est, corpus ipsum suum & accepisse & fregisse: ac proinde iam tunc panem esse panem desisse quum illum acciperet. Deinde quum benedicendi verbum ut apud Paulum sic apud Euangelistas quoque præeat fractioni, consequetur rursum, si tua ratio valeat, Christum semetipsum reipsa fregisse. Nam frangere pro distribuere apud Euangelistas, ut antè dixi, accipere non potes, apud quos distinctè dicitur Christus id quod acceperat fregisse ac deinde dedisse. Præterea quum ex tua sententia cibus ipsum Christi corpus identicè declararet, age pro Cibo si Corporis ipsam vocem substitua-
mus & dicamus, *Hoc corpus est communicatio corporis mei*, quid ineptius hoc sermone cogitari possit? Sed age pro his verbis, *panis quem frangimus*, legamus, *Cibus quem frangimus*, an inde identicam esse enuntiationem euiceris, quum verum & naturalem panem à Christo acceptum, & discipulis ad edendum præbitum constet? Relinquitur ergo & panis nomine sacramentalem quidem sed verum tamen ac materiale panem, & poculi voce sacramentale quidem sed verum & materiale vinum in poculo contentum intelligi. Alteram autem rationem, id est, tam puerilem paralogismum miror à te iampridem Magistro in Israël proficisci potuisse. Itaque te ad pædottibus remitto, ubi tibi suggeratur, Vnum non modò ad omnia prædicamenta, sed etiam
in singulis

in singulis prædicamentis & ad genus & ad speciem non minus quàm ad singula indiuidua accommodari. Nec te illud iuuat quòd omnes vnum etiam numero corpus esse dicimur, mysticum videlicet, quo modo etiam innumerabiles mystici numero panes, Vnus specie panis mysticus dicuntur.

Non minus etiam lepidè confingis (& quidem citatis in albo tui voluminis aliquot falsissimè notatis testimoniis) inter nos qui à te dissentimus non conuenire, sitne fractio illa, cuius Apostolus seu Christus meminit, signum, an instrumentum, an tessera, an obsignatio, an confirmatio corporis participati, an verò duntaxat conuentionis & fœderis cum corpore participato: quasi videlicet ista non sint ὁ μόνυμα, si quis sophisticen seponat. Vt autem istarum tibi ineptiarum occasionem præcidam, scito nos inter signa ponere non tantum illa materiata (puta aquam in Baptismo, panem & vinum in Cœna Domini) sed ipsos quoque ritus sacramentales à Christo institutos: ideòque vos in hoc quoque detestari, quòd sublata fractione pulchrè scilicet cauistis ne quis huic quæstioni locus relinqueretur. Fractionem verò panis vt & præbitionem & manducationem propriè accipimus, & à Christo his verbis *Hoc facite* mandatam non dubitamus: qua voce tamen Apostolus in priore parte, vt benedictionis in posteriore, totam hanc sacram actionem significarit.

Sed bene profectò nec absque diuina prouidentia accidit vt hæc tibi de corporis & sanguinis voce, de cuius communione

hîc agitur, nobiscum disputanti exciderint. *Corpus ipsum Christi*, inquis, hîc à Paulo intelligi omnes aduersarij fatentur, quorum nullus negat nos reddi participes veri corporis Christi, sed in modo describant. Vnde colligis in ipsa quoque institutione Eucharistiae corpus Christi pro naturali scribi & agnoscî ab Apostolo, quum hîc eadem de re sermo habeatur. Nos verò & hoc & illud tibi concedimus. ac proinde quoties aduersum nos antea petinde disputasti, & postea perinde disputabis, ac si posita sacramentali metonymia nudum panem, aut inane corporis Christi symbolum nobis dari corruptis noui testamēti tabulis, sentiremus, meminere te coram Deo & hominibus nimium impudenter nos calumniari. Vos pro signis chimeras (species videlicet ipsis idæis Platonici multò inaniores) substituitis, nos verum panem & verum vinum statuimus. Et vos & nos pro re Sacramenti Christum ipsum (nisi fortasse in vobis fallor) ponitis: sed vos quidem corpore non corpore, siue quanto non quanto, præditum, nos autem verum veris essentialibus corporis qualitatibus præditum Christi corpus in Cœna spiritali vsui & vitæ destinata, spiritaliter fidei adesse, & dari, & ab eadem verè percipi docemus. Vtri igitur integrum Sacramentum seruant? *De modo*, inquis, *discepratur*. Ita esto. Ne igitur quæstiones transfero, & magnum ad diiudicandam totam hanc controuersiam adirum patefeceris.

Progressus ad vocis *κοινωνία* explicationem, variis eius acceptionibus allatis quas aliunde ad verbum descripsisti, concludis accipi posse *κοινωνία*

viā, & pro consociatione cum Christi corpore, & pro traditione siue exhibitione, qua fit per distributionē panis & calicis, & pro perceptione siue participatione qua donamur per panis & calicis susceptionem.

Vidēis autem maximè approbare Illyrici sententiam distributum corpus interpretātis. Caluini verò expositionem maximè planam ac perspicuam explicas admodum ieiunè, ac eò tandem delaberis vt hīc dicas aduersum nostra luculenter decīdi. Horum primum esse vis, *Indignos quoque corpus Domini participare. Nam, inquis, Apostolus alloquitur Corinthios indignos, qui putabant Cœnam Domini esse aliquid indifferens, nec pluris eam aestimabant quàm Idolothyrum.* Itāne verò oblitus es eius quod paulò antè scripsisti, Corinthios istos tam fuisse mysterij Christi intelligentes? Sed istos quos modò tam intelligentes modò tam imperitos facis quid tandem docet Apostolus? *discrimen, inquis, esse inter Eucharistiam & Idolothyrum.* Et vbi rursum illa mysterij Christi tanta intelligentia, si hoc isti erant docendi? Sed quodnam istud est discrimen? *quod Eucharistia panis perceptio, etiam à Corinthijs indignis & infidelibus (en rursum quos antè tutemet intelligentes vocasti) sit corporis Dominici sumptio, idolum verò nihil sit nec Idolothyrum, nec quicquam aliud secum ferar, quàm habitum quendam & relationem ad demones quibus immolatum fuerit.*

Imò verò quis hic stupor est, te non animaduertere (quod aliquoties iam repetii & vtinam toties repetam vt tandem aliquando sic ineptire desinas) non de Cœna sed de Idolothytorum altera specie institutam fuisse ab Apostolo qua-

stionem, & ab iis quæ de Cœnæ fine & scopo optimè didicerant Corinthii, sumere certum ad illorum idolothytorum damnandum esum argumentum? annon & illud animaduertis, eo ipso quod tu dictū esse ais ab Apostolo, prorsus eneruari illam qua vtitur consequutionem? Et enim si idolum nihil est, & tam leuiter idolothytum afficit, quænam fuerit religio idolothytis vesci? Annon præterea cogitare te oportuit non temere vt paria conferri sacra Israelitarum sacrificia cum profanis illis epulis, in eo quòd & his & illis inita fuit cum eo numine seu vero seu falso societas cui sacrificium offerebatur? Sed hîc fortasse te offendit tropus in Altaris voce, quam necesse est pro ipsis apud altare factis oblationibus interpretari. An non vides etiā, quæso, illud quod Corinthii nonnulli suæ illi licentiæ prætexebant, *Idolum nihil esse*, quomodo ab Apostolo sic illis concedatur, vt tamen euertat quod ipsi inde extruebant? Hæc enim erat Corinthiorū collectio: idola nihil esse quàm mera phantasmata, quo sensu ab Hebræis *הבלי שוא* vocatur, ac proinde quum nec sanctificandi nec prophandandi vim vllam habeant, nihil à cæteris locis re ipsa, sed sola idololatrarum imaginatione differre idolæa, neque à cæteris cibis epulas ibi appositas. Contrà verò respondet Apostolus, idola quidem reuera, si per se spectentur, nihil esse, sed (quemadmodum in Psalmis ait Spiritus sanctus) coli in illis dæmonia quæ aliquid sint, & quidem eiusmodi vt qui vllum cum eis habeat commercium, à Christo sese penitus sciungat. Itaque illa conuiuia solennes esse cum dæmoniis

pactiones

pactiones, sicut ex aduerso præstita ab Israelitis sacrificia populum cum vero numine eiusdem mensæ participatione consociabant. Hæc est, inquam, argumentorum Apostoli series, & hic scopus in hoc capite. Et ut magis etiam noris quantopere ab Apostolo dissentias, tuam & illius sententiam comparemus. *Indigni etiam, inquis, & infideles ex mente Apostoli capiendo panem Cœna percipiunt carnem Domini. Quid contra Apostolus? non potestis mensæ Domini communicare & mensæ daemoniorum.* Mensæ verò appellatione nō ipsam ligneam siue lapideam mensam, non etiam cibos illi appositos simpliciter significari, sed ipsum illorum conuiuiorum finem & effectum apparet ex eo quòd alioqui falsa fuisset Apostoli oratio. Quis enim dubitat quin ad illam vtrāque externam mensam, & propositos tum ibi tum in Ecclesia cibos, quanuis suo maximo damno, accedere potuerint Corinthii, quū de eo ipso ab Apostolo reprehendantur? Sed simul cum dæmoniis & cum Christo consociari (qui erat vtriusque mensæ effectus) hoc illud est quod fieri non posse dicit, monens proinde ut, nisi velint illam cum Christo initam in ipsius Cœna communionem prorsus abrumpere, ab Idolothytorum conuiuiis penitus abstineant. Hoc ipsum est igitur quod de altera nempe corporali scortatione in eadem Epistola testatur, *Tollens igitur membra Christi, faciam membra meretricis? & de impari cōiugio in altera Epistola. Quæ participatio iustitiæ cū iniquitate? quæ communicatio luci cum tenebris? Quis cōsensus Christo cum Belial? & quæ fidei portio cum infidelis?*

Quod si fortè excipias aliud esse *percipere Christi carnem*, quàm *Christum participare*, quòd illud de re ipsa, istud verò de ipsius rei fructu dicatur. præterquam quòd refellêris ab Apostolo qui μετεχῆς & κοινωνίας vocibus utrobique (eodem proculdubio significato) utitur : incides etiam in aliud impium dogma, quo & Christus ipse à suo spiritu separatur, & à Christo ipso mors emanare statuitur. Vtrunque enim istud concludendum est si posse quosuis nullo discrimine dicamus Christum ipsum intra se recipere, & tamen ab eo non modò non viuificari, sed etiam occidi, quod de instrumentis quidē quibus Deus utitur (nēpe de verbo & adiectis signis) meritò dixeris, de ipsomet verò Christo ne cogitari quidem sine impietate potest.

Alterum hoc nostrum peccatum hîc dicis à Paulo redargui, quòd fide tantum dicamus nos Christo uniri, quum tamen Apostolus Corinthios alloquens, indignos & qui propter incredulitatem nihil spiritale ab eo reportabant, effici unum corpus cum Christo pronuntiet, ex eo quòd de Eucharistia sumerent. Inquit enim, *Unus panis, unum corpus multi sumus. Omnes enim ex uno pane participamus.*

Respondeo, primùm quod tu de Corinthiis incredulis nimium impudenter & aduersus temetipsum comminisceris, falsissimum esse. Respondeo & illud, longè aliud esse de Cœnæ effectis ex ipsa re absolutè, quàm relatione ad homines facta statuere. Sic Euangelium Paulus dicit esse potentiam Dei ad salutem, & scientiam salutis Zacharias, & verbum vitæ passim dici constat, quod tamen alibi dicitur odor mortis ad mortem

mortem vt odor vitæ ad vitam. Sic Christus vocatur qui populum suū redimit ab iniquitatibus, qui alibi positus dicitur in ruinam vt & in resurrectionem. Disputantem verò Paulum præsertim non aduersus merè incredulos, vt falsissimè cōminisceris, sed aduersus *φρονίμους*, qui ea quæ norant non satis animaduertebant cum iis quæ faciebant prorsus repugnare, quis non videt argumentum sumere à Cænæ fine & scopo absolutè cōsideratæ, vt eos ab illa scēditate quam ad mittebant, ad puram Euangelij, quod didicerant, professionem reuocaret? Quod igitur Paulus absolutè dicit, idcirco videlicet institutam Cœnam vt omnes in Christo coalescamus, vix dici potest quàm ineptè & ridiculè eò pertrahas, vt dicere videatur Apostolus omnes etiam infideles qui panem istum accipiunt, ipsam quoque Christi carnem percipere. Sed longè grauius est illud erratū quod tertio loco admittis. Hic enim sodes Christi membrum fieri, an non ipsa est perceptæ carnis Christi efficacia? Atqui generaliter dixit Paulus *Omnes corpus vnum sumus*: Ergo si te audimus, Infideles quoque & quantumlibet indigni, si ad mensam Domini accesserint, Christo quoque incorporabuntur. Itaque temerè dixerit Apostolus nullum esse commercium luci cum tenebris, & nullam Christi cum Beliale communionem. Repetis postea, *ne dignè quidem accedentes dici posse vnum cum Christo corpus fieri quia ex vno panē comedant, nisi per panem Christum ipsum intelligamus, quum vnus & singularis panis non possit omnibus Christianis sufficere*, quæ paralogismum vt risu quàm refutatione digniorem me quidem

rursum attingere puduerit. Nec illud verò solidius est quod tertio loco profers, nempe *si per solam fidem in unum corpus & in unum panem abeūt Christiani, meritum videri Apostolum qui fieri id affirmet per unius panis esum, quoniam non magis id ex Cœna obtinuerint quàm extra ipsam quoties fide abundarint.* Quasi verò ei qui multum habet non possit etiam amplius aliquid dari: quasi id ipsum quod habet quispiam non possit augeri: quasi denique magis ac magis Christo nos insinuari, & quæ iam nobis donata sunt confirmari non oporteat. Et quæso cur non eadem atque tu consecratione concludero, Si sola Eucharistia Christo nos incorporat, & qui Christi mēbrum nō est pereat: necesse est, perire quotquot ante Eucharistiae vsum intereunt? Item, si quisquis saltē dignè ex illo pane vel semel comedit Christo incorporatus est, ergo superuacuum esse vsum Eucharistiae repetitum? Sed tu nimirum oēs istos nodos nobis expedies quinta repetitione ubi de indignis plenius differes. Ibi igitur & nos rursum tibi respōdebimus.

Tertiū nostrum, grauissimū scilicet, peccatum in eo situm esse vis, *quod corpus Christi non opinamur panis sacramento tanquā vasculo ad nos deferri & deportari, sed à nobis aliunde sumi,* id est, ut planius loquar, quod nolimus in vana illa vestra chimerā, id est, accidētibus sine subiecto, (quæ ne cuiusmodi quidē esse somnietis effari possitis) nolimus re ipsa & substantialiter, re signatā, id est reale illud Christi corpus contineri, quoniam verum, finitū, & circumscriptū eius corpus nō alibi nunc quā supra omnes cœlos esse, nec ante vltimū illū diem ad nos rediturū ex Domini verbo, (inanis-

sima,

ſima, alioqui futura ſpe noſtra) didicimus, ac pro-
 inde in cœlis fide quærendū ac verè apprehēden-
 dum quod in terra nobis & verbo & adiectis cer-
 tiſſimis ſignis offertur. Quid tu igitur contra cer-
 tiſſimam hâc veritatē affers? Si *Chriſti corpus*, in-
 quis, *ab eſſet à ſacramēti pane facile mandī poſſet pa-
 nis ſacramentū ſine corporis Chriſti perceptione. Ita-
 que malè Apoſtolus ex panis ſacri fractione & man-
 dicatione corpus Chriſti reuera participari collige-
 ret, ſi participatio hac à pane ſeiungi poſſet.* Illud e-
 go verò cōcedo & præterea dico, etiam ſi ſimul
 eodem loco vtrunq; ſubſtācialiter aſſet, & iſto
 tuo merè imaginario vaſculo (quid enim cōtineri
 accidētibus etiā ſubiecto innitētibus nedū ſubie-
 cto carētibus poſſit?) corpus Chriſti cōtineretur,
 non cōſequi tamē vt qui vnū ſumit alterū quoq;
 p̄cipiat. Quid enim obſtat quominus ſicut in ver-
 bo nudò audiri ſonitus, imò & vocū ſignificatio
 vtcunq; intelligi, res tamē ipſa ſignificata negligi
 prorsus poteſt, & ſimul vaſculū ita ſumi vt tamē
 theſaurus intus cōtentus nō ſumatur ſed excutia-
 tur: ita quoq; ſigna ſacramētalia & externa foris
 accipiātur, res tamē ſignata etiā præſentiſſima, p̄
 incredulitatē non modò aliter quā decet tractetur,
 verum etiam prorsus repudietur? Et quæſo,
 quum tibi licere velis ſpiritum illum Chriſti vi-
 uificum, ab ipſo Chriſto vſque adeo ſeparare vt
 etiam eius loco vim illam mortiferam ſubſtituas
 nobisne perſuaſeris arctius coherere rē ſignatam
 cum ſigno, quā viuificatē illam virtutem cū ipſo
 Chriſto, qui ipſa vita eſt? Quod autē attinet ad il-
 lam Apoſtoli collectionē, iam antea reſpōdi, diſ-
 ſerere Paulum abſolutè de Cœnæ Domini ſina

& scopo, quem etiam si non attingant (idque sua culpa) quicumque ad mēsam Domini indignè accedunt, non desinit tamen propterea panis quem frangimus (si absolutè consideretur) esse corporis Domini communicatio: sicuti Iesus qualis est in sese consideratus resurrectio semper est *δυνάμει*, etiam si *καὶ συμεβληκὸς* & reproborum respectu, ruinæ & exitio ipsorum cedit. *Sed inquires, unum corpus multi sumus, inquit Apostolus, quia ex vno pane participamus.* Concedo, & te hîc quoque adiuuabo. Sic enim videtur ille non absolutè, sed relatè, siue hominum ipsorum accedētium respectu, loquutus. Sed illud tibi in mentem venire oportuit, aliud esse Ecclesiam totam in genere & vt corpus vniuersale, quàm sigillatim & veluti particulatim considerare. Dicuntur & verè dicuntur gentes omnes in Abrahamo benedicendæ & benedictæ: an hoc de singularibus personis verè dixeris, quum ne in ipsa quidem naturali Abrahami progenie singuli ex Abrahamo nati comprehendātur? Dominus dicitur aliquoties populum suum repudiasse, an idcirco singulos reiecit, vt nullum sit inter Hierosolimam & Sodomam ac Gomorram discrimen? Sic considerans Paulus in genere Corinthiacam Ecclesiam non ex indignis & incredulis, sed quanuis plerisque nōis minimè carentem, tamen, vt ipsemet initio testatur, ex plurimis omnium donorum spiritualium genere instructissimis hominibus conflata: & de iis etiam quos contra te disertè testatur non nisi humana tentatione correptos, ex Christiana charitate iudicās, ac proinde de singulis quoque benè sperans, *vnū corpus, inquit, multi sumus.*

Sig

Sic Galatarum Ecclesiam, in qua tamen plerique valdè aberrarant, in genere & *καθ' ὅλον* considerans, Quotquot, inquis, baptisati estis Christū induistis. Itaque vix magis ineprite potuisti quàm quum hæc ad tuos illos infideles traduces. Sed præterea quis hæc tua non detestetur? *Indignos, inquis, in hoc textu alloquitur Apostolus, & qui nihil spiritale referrent ex Eucharistia.* Ergóne vnum corpus cum Christo fieri nihil spiritale est, quum Christi simul & Belialis membrum esse nemo possit? Ergo Paulus se istis infidelibus accensens (neque enim ait *Estis* sed *Sumus*) nihil quoque spiritale ex Eucharistia perceperit? aut si percepit, non hoc expresse, ut illorum & sui discrimen in re tanti momenti notaret? *Item, inquis, si non panis ipsius esus sed fides & Spiritus esset instrumentum quo societas contraheretur cum naturali Christi corpore, non fierent omnes unus panis, sed una fides vel spiritus.* Deus increpet te, Sophista: Cedo verò in primis quid hîc vocas panis esum? si panis specierum esum, Deo & hominibus manifestè illudis. Sin ipsius substantiæ panis esum intelligis, apertè præuaricaris. Sin per vnum illum panem, ut paulò ante volebas, ipsummet Christi corpus significas, proprietatibus panis (quas ne tu quidem explicare possis) obuolutū, præterquam quòd Marcionita, teste Tertulliano, euasisti, fieri ne potest ut ea, quam hîc nobis obiicis vecordia te ipsum laborare non animaduertas? Nam, obsecro, essene Christum censetis apprehendendi suimet instrumentum quod inter nos & ipsum collocetur, ut idem sit medium & extremum? quod si etiam ita esse concessero,

tūne magister es in Israel, qui neque causam efficiētem ab instrumentali discernas, neque inter instrumenta præcipua & ὑπερτετα distingas, & subordinatas causas iis quibus substeruntur minimè repugnare nescias? Neque igitur Spiritus sanctus, verè efficiens causa magni illius mysterij, id est, sacræ inter Christum, & Ecclesiam concorporationis, fidem (apprehendendi Christi verè in suo genere efficacis vnicum instrumentum) excludit quod ipsemet in credentibus efficit: neque fides rursus, aut verbum, aut Sacramenta, (aliud instrumentorum spiritui subseruientium genus) abolet, quum & intercedente verbi auditu oriatur, & Sacramētis obligetur. Christi verò corpus etsi, quod ad locorum situm attinet, tanto à signis interuallo seiungimus, quanto cœli cœlorum (vbi est, & ad vltimum usque diem cōmoraturum se dixit) à terris absunt vbi nunc sumus & vbi Cœnam Domini ex ipsius mandato ritè celebramus: absit tamen vt propterea vel à signis quod ad ipsum Christum sese fide spiritualiter fruendum offerentem, vel à nobis quod ad ipsius Cœnæ finem & scopum, id est ad verissimam & efficacissimam ipsius & nostri quanuis merè spirituales communionem attinet, separemus.

Ad caput



AD CAPVT X.

Nullam esse nostræ sententiæ in exponendis
Christi verbis absurditatem.



Onsumis hoc caput in sex nobis expro-
brandis criminibus eodẽ certè quo in
cæteris pudore, neque ab simili cõscien-
tia, quorum primũ hoc est, *Negare nos*
in Scripturis spectandam aut exigendam proprieta-
tem. Quid si dicerem vicissim vobis placere vt
quæcunque in sacris literis extant, propria & na-
tiua significatione explicentur? Nẽpe magnam
vobis iniuriam fieri clamitares, & meritò qui-
dem. Quæ hæc igitur tua impudentia est? Repre-
hendit eos Calvinus proposito Anthropomor-
phitarum exemplo qui non sinunt vt vel tantil-
lum à scripto in illis institutionis Cœnæ verbis
discedatur: Scribit Martyr perspicuitatem non ef-
se temerè obiiciendam, quoniã hanc ipsam mul-
ti hæretici quæsiuerint: Dicit Matthæus Smalcal-
densis non valere consequutionem à *Non sic di-*
ctum esse ad Non sic intelligi. An hîc tibi iusta occa-
sio in nos perinde declamitandi præbetur, ac si,
quoniã hanc enuntiationẽ sacramentali vsitassima
metonymia necessariò explicandã contendimus,
propterea quicquid scriptũ est in nescio quæ
ænigmata, in tropos, in figuras, in allegorias, ve-
stro denique exẽplo, in tropologicos & anagogi-
cos sensus trãsformaremus? Imò quid tu ipse hac
de re sentis? *Nequaquã*, inquis, *tã tenaciter literæ*
inherẽdũ suademus quin ab illa recedatur aliquãdo

Sed Scripturæ proprietatem sine exactiore alia Scripturâ quæ de re ipsa ex professo decidat, per figuras & humanas rationes opprimere, vel in subsidium imaginationis suæ scripturas alienas à re de qua disputatur rapere, breuissimum esse compendium credimus ad Euangelium Christi per astutiam humanam perdendum. Rectè profectò: neque nos aliter vnquã sensimus, ideòque à te sæpe iã in eo dissenſi quòd ad verborum institutionis veram indagandam explicationem, alios Scripturæ locos, in quibus tum in genere de Sacramentis, tum in specie de nostra cum Christo per Eucharistiam consociatione, tum etiam de ipso Christo in primis disse-ritur accerſi, neque, quod præcipuum est, analogiæ fidei normam adhiberi patiaris. Non fuit igitur hoc tibi in nos dicendum quod falsissimum est, nolle nos spectari verborũ in Scripturis proprietatem: sed hoc tibi potius probandum, nullã nobis causam esse cur in istis institutionis Eucharistiæ verbis à propria vocum significatione discedamus. Et tamẽ ne id quidem de nobis meritò dixeris, si propius res ipsa spectetur, vt qui natiuam significationẽ & in subiecto & in prædicato retineamus, tropo in sola attributione constituto, quum vos re ipsa τὸ πρῶτον neque in hoc neque in illo seruetis. Obsecro enim an panis nomen (quam vocem exprimi saltem à Paulo, etiam de Eucharistiæ subiecto consecrato, inficiari non potes) propriè conuenire inanibus panis speciebus, seu proprietatibus, seu accidentibus dicere audeas? num etiam corpus verum & organicum propriè vocaueris, quod simul totum pluribus sit locis? Quæ tu porrò postea blateras

teras quasi sacramentalis metonymiæ exempla ineptè congeramus : & Marcionem , Manetem , Arrium ab inferis hoc vno reuocemus quòd panem illum dicamus figuratè vocari Domini corpus , idcirco prætermitto , ne tam videar in illis refutandis stultus , quàm tu in illis nobis obii-ciendis ineptus.

Secundo loco nobis obiicis *quòd censeamus nō magnoperè curanda verba illa Cœnæ concepta*. Sed quibus obsecro , testibus niteris ? Vvestphalo, Schneppio, Iulio Pflugio. Miror verò non etiam abs te adiici bonum illum virum Illyricum , qui palàm præteriti à nobis totam Cœnæ institutionem audet clamitare. Adiice quoque, si placet, ipsum Pontificem Romanum. Nec te istius impudentiæ pudet ? At isti, inquires, vestrarum sunt partium. Nequaquam id verò, quanuis & ipsi à vobis meritò dissentiant. Præterquàm enim quòd quū omnes cognoscamus ex parte , ne boni quidem inter se per omnia semper consentiunt , ne tu quidem istos pro viris bonis habes. Et quid, obsecro , nobis hîc opus est hominum vel istorū vel aliorum testimonio ? Prostant liturgiarum nostrarum formulæ, edita est communis nostrarum Ecclesiarum confessio, Cœnas priuatas ignoramus, Verba benedictionis vestro & Magorum exemplo non musitamus, sed palam, apertè, & eo quod omnes intelligunt idiomate, sacra illa peragimus. Itaque & chartæ ipsæ, & hominum myriades, ipsique adeo templorum parietes summam impudentiam in mentiēdo tuam coarguunt. Anabaptistas verò & Schuenfeldium qua tandem fronte nobis opponis, quos, stertentibus

vobis, oppugnamus? *At enim, inquis, Oecolampadius queritur sibi tanquam Helenam obijci institutionis verba, & Calvinus illa vocat Aiakis clipeum & unicum Papistarum asylum: Esto id verò, At nū idcirco Dei verbum contemnere quispiam dici potest qui de ipsius abusu conqueritur? Num quæso, Dominus ipse sacrificia à se instituta damnavit, quum apud Esaiam negat se illa requisivisse ex populi sui manibus? Sed quod optimo & doctissimo viro Philippo Melancthon tribuis, id verò prorsus est inauditum perfrictæ vel nullius potius frontis exemplum. Hæc igitur illi ex probas ex ipsius ad Illustrissimum principem Electorem Palatinum Comitem epistola Heidelbergæ excusa, quòd suam de Coena Domini fidem quam in publicè editis lucubrationibus nunquam ante profiteri voluerit, attamen familiaribus & amiculis suis non reticuerit, se videlicet Lutherum damnare & Cinglio adstipulari. sic tamen ut pro eo quod Cinglius habet, Hoc significat corpus meum, ipse substituat, Hæc est communicatio vel participatio corporis mei. Item quòd consulat ne de verborum Christi proprietate tanquam de fidei articulo simus solliciti, sed omissis illis aliam verborum formam proponamus populo, in eâque iuremus, & toti occupemur in amplificationibus & declamationibus de fructu huius Sacramenti. Denique quòd novam Academiam in Christianismum de Eucharistia introducat, suadens ut de veritate verborum Christi liberam cuique expositionem & disputationem academicam relinquamus, modò ne publica sit & controuersa. Itane verò tibi tantum virum impunè calumniari licuerit? Habuisse quidem locum in Philippo *Διευτέρας γενέσθαι* nemo*

nemo inficiatur, neque mirari quisquam debet post tam obscuras tenebras à vobis mataëologis inuectas, clarum diem ne nunc quidem singulis illuxisse, & illud etiam non vitio sed magnæ laudi tribuendum putamus, sic suo quodque loco etiam in rebus sacris tradere ut & temporum & locorum & personarum ratio tanta habeatur quantum ædificatio audientium requirit. Nam hoc quoque arbitramur esse τὸν λόγον ὀρθοτεμεῖν. De mus etiam si voles, hunc de quo agimus non eum ubique modum quem par erat tenuisse, & ut erat ingenio æquitatis ac moderationis studiosissimo sæpè non assequutum quod sua illa moderatione se impetraturum sperabat: cui tamen persuaseris illum, (quo ne candorem quidem ipsum candidiorem fuisse ex tota ipsius vita plus satis constat,) vlla vel astutia vel dissimulatione usum esse? Et, quæso, quid attrinet hac de re diutius contendere? En Rhodus en saltus. Extat eius epistola in qua ne voculam quidem scriptam esse dico quæ vllam istorum criminum vel leuissimam suspicionem præbeat. Tibi accusatori onus probandi incumbit. Quod si quid tale Philippum admisisse probares (quod nūquam certè facies) an non potius quæ sit Ecclesiarum quas reprehendis & sententia & consuetudo non ex huius vel illius scriptis, sed ex publicè receptis & usurpatis cōfessionibus ac liturgiis iudicandum fuerit? Dic enim, vir bone, an tu nos tuleris ex singulorum vestrorum aut veterum au recetium doctorum de multis capitibus sententias, de vestro illo quæ iactatis Catholico consensu decernentes?

Tertio loco nobis id obiicis *q̄ parū curemus quo*

quisque modo verba Cœnæ accipiat. Probas hoc ex Philippo qui permittat cuique ea de re nugari: ex Caluino & Bullingero qui multas verbis differentes expositiones, re tamen conuenire dicant. Negat hoc, inquis Illyricus. Et tandem concludis, consentire nos omnes hereticos in opprimendo Dei verbo. Hæc est vniuersa tuæ probationis summa, ex qua nos concludimus summè te esse impudètem qui Melanchthoni tribuere id audeas à quo fuit omnium hominum maximè alienus: & valde inscientem, nisi verum dicere Bullingerum & Calvinum animaduertas. Negas? Tu quum probandi partes in te receperis, vtere saltem aliqua rationis specie vt vel reos nos habeas confitentes, vel dignum in te quippiam operosiore refutatione inueniamus.

Reliqua tria capita postea quasi tui oblitus in duo conflas, ac primùm quidem à malo genio dictatas fuisse præcipuas ex nostris explicationibus probare te posse putas ex Luthero, qui quodam loco se quoque dicat fuisse in Spiritu, & nocturnam cum dæmone de Missa concertationem habuisse: ex Carolo stadio qui quod docebat, sibi cœlitus patefactum diceret, & cui scribat Alberus nescio quis, dæmonem apparuisse concionanti, triduò priusquam terroribus exanimatus moretur: Ex Anabaptista quodam qui Lutheri cogitationē, ipso teste Luthero, diuinarit: Ex Cinglio qui se in somnis dicat admonitum de loco Exodi, vbi Phase dicitur transitus Domini: ex his quoque Caluini verbis, *Si ostendero me non aliter loqui quàm Spiritus sanctus nos docuit, vltèrius me urgeri iniquum foret*: Ex Beza qui Calvinum

ne exceptis quidē Apostolis prædicet post Christum fuisse sancti Spiritus organum : ex eorum denique opinione (quos tu nescio cuius sectæ monachus Calvinianos vocas) qui sese dicant sancto Spiritu intus imbui, & ex particulari inspiratione veritatem in Scripturis omnibus perspicere.

Addis pro colophone Vvestphali iactata in nos conuitia, quòd præstantissima dona ex Eucharistia rapiamus, & doctrinam demonum à nobis tradi concludis ex mortibus quas, repentinas & violentas appellas, Cinglij, Lutheri, Carolstadij, Empseri, O Ecolampadij, & ex cladibus damnis & ruinis quas orbi Christiano fuisse per hanc nouam de Cœna doctrinam lapides ipsi testentur. Æquum est autem vt quum tibi tantam maledicendi licentiam arroges, nobis vera respondendi locus concedatur. Illud certè recta conscientia facere non potuisti quòd eos aduersum nos testes proferas, quorum dogmata vt à spiritu mendaci profecta primi animaduertimus & vobis cõniuentibus refellimus. Quis enim nostrum Carolstadii dogma probauit? quis Empserum laudauit? quis Anabaptistarum impia deliria acrius quàm nos condemnat? Quod si ortos illos ex nobis dixeris, illud regeram quod dicunt Apostoli Act. 15, 24. de Cherintho & Hebione vt nonnulli putant, Quidam egressi sunt ex nobis labefactantes animas vestras, quibus hoc non præceperamus: & illud Pauli Act. 20, 20, Ex vobis ipsis exorientur qui loquantur peruersa, & illud Iohan. 2, 19, Si fuissent ex nobis mansissent utique nobiscum, vt intelligas (nisi prius mendacij nos conuiceris) nihil abs

te in nos dici quod non sit olim in ipsos Apostolos dictum ab eodem Spiritu satanæ. Sed & vestra ista Apostolica sedes quid aliud est quàm sentina quædam; & vos illius metetricis Romanæ lenones & mancipia quo potius nomine quàm Ecclesiæ vomicas à nostris perfectas appellarim? In illis autem aliis quid profers quod tuæ calumniæ patrocinetur? Affirmat Lutherus se loqui Christi nomine & spiritu, Germaniæ bono destinatum. Quid igitur? velles illum loqui in incertum? velles vitro more Euāgelium cauponari? Tu ergo falsitatis illum redargue, aut ei desine hanc confidentiam obiectare. Absit tamē ut illū ἀναυάρητον, vel in doctrina ipsa faciamus. Ex hoc autem si colligas illum non fuisse spiritu Dei præditum, quem mihi vel vnicum inter sacrarum literarum interpretes edideris, quem ab omni næuo in omnibus Christianæ religionis placitis possis penitus absolueres? Dissentimus, fateor à Luthero in nonnullis, ac præsertim in Cœnæ Domini controuersia, nec eius in omnibus ardorem ac vehemētiam probamus: seruū tamen Domini & quidem eximium & valde excellentem illum fuisse non dubitamus, & res ipsa manifestè testatur: ac proinde variis modis illum ab eo qui vos planè regit nec se facile extrudi patitur spiritu tentatum fuisse non inuti credimus. Cinglium quoque sanctæ memoriæ hominē ex diuina cogitatione vehementissima id quod sibi in somnis euenisse se scribit scripsisse nemo mirabitur qui vel vnicum Augustini libellum de cura pro mortuis legerit. O Ecolampadio viro intergerrimo tūne vitio vertere audeas quòd secum

cum attentissimè ac diligentissimè sit istam controuersiam meditatus, prius quàm ab inueterato errore discederet? Quod ex Caluino citas nihil aliud est quàm illius aduersus vos prouocatio ad Dei verbum, ex quo rectène an secus sentiat, diiudicetur: Maledicentiam in Caluini scriptis nullam inuenies, & quod ei ex quadam ipsius ad Bucerum epistola exprobras, iam pridem aduersus illum infelicitis memoriæ apostatam Balduinum, tuum monitorem, est abundè refutatum. Eundem ego meritò vt excellens in domo Dei instrumentum viuum colui & mortuum collaudaui, at non ita insanij vt cum illis omni exceptione maioribus Christi testibus vel per somnium compararem, nedum vt (quod impudentissimè comminisceris) eum à Christo secundum facerè: Vobis enim nō nobis vsitata sunt ista vestrorum sanctorū encomia. Mea. n. hæc totidē verba sunt, abs te non hoc tantum loco sed alibi aliquoties, calumniosissimè detorta. *Quod ad illā tristem de Cœna Domini exortā controuersia attinet, quum videret tantū excitatū incendium Caluinus, hac ipsius singularis fuit cura vt perspicuè rem ipsam exponendo, personas ipsas nō attingens, illud omne restingueret, quod ita dextrè & feliciter præstitit vt eum qui attentè ipsius hac de re scripta expenderit, fateri oporteat, illi, secundum Deum, deberi illam huius controuersia decisionem quam postea sani iudicij homines sunt amplexi.* Hæc mea, inquam, verba sunt ex quibus nō recuso quin iudicet quiuis, an id quod mihi affingis vnquam mihi in mentem venerit: Sanctis autē illis viris mortes violentas & repentinas qua frōte obiicias tu videris.

Obiit Deo simul & patriæ vitam impendens
Cinglius, cui carmen hoc epitaphium à me scri-
ptum hoc etiam loco subijcere placuit, vt tibi
gratum faciam,

Zuinglius arderet gémino quàm sanctus amore,

Nempe Dei in primis, deinde etiam patriæ,

In solidum fertur se deuouisse duobus,

Nempe Deo in primis, deinde etiã patriæ,

Quàm benè persoluit simul istis vota duobus,

Pro patriâ exanimis, pro pietate ciues. Oeco-
lampadium anthrax, placida tamen & optatissi-
ma morte, sicut nobis sustulit, ita Deo adiunxit.

Lutherũ, vt ex idoneis testibus etiã Principibus
constat, Dominus in patriam remissum, oris ven-
triculi imbecillitate laborantem, ad se cum sum-
ma alacritate anhelantem euocauit. Cum isto-
rum vt vita sic etiam obitu, quos tu mihi Ro-
manos Papas ab hinc annos mille & amplius
mortuos compararis, quorum vsque adeo infames
exortus, adeo tragicos legimus interitus, vt
nulla ne inter maximè quidem barbaros popu-
los similia portenta extitisse memorentur? Quid
si vestrorum Cardinalium, Episcoporum, Cano-
nicorum historias haberemus perscriptas? Et
tamen isti sunt vestri Sanctissimi patres, qui-
bus (ne si quidem currus animabus onustos ad
inferos pertraherent) non liceat dicere, Cur sic
facis? Hæc vestra est representatiua Ecclesia quæ
errare non potest: Hæc est cathedra cui sic de-
uinctum Spiritum sanctum tenetis, vt qui ve-
stro charactere non est signatus omni legitimæ
vocationis testimonio careat. Et tu scilicet egre-
giè nos istis argumentis conuicisti reuelationi-
bus

bus particularibus vti, quos tamen non ignoras de hoc in primis vobiscum cōtendere, quòd vos quidem ab vna hominum successione, (& quorum hominum) pendetis: nos verò ex vno verbo per Prophetas & Apostolos scripto, volumus castam Christi sponsam Ecclesiam à vestra meretrice, & vera dogmata Christiana à falsis distinguere. Nam quòd nobis obiicis docere nos quòd Spiritus sancti interiore afflatu tribui necessariò oporteat vt veritatem agnoscamus, tantum abest vt inficiemur, vt contrà ne dignum quidem te esse dicamus cui vel e mentitum Christiani nedum Episcopi nomen conueniat, si hoc neges. Nam Spiritus sanctus non temerè dicitur veritatis doctor, nec aliter definit Ecclesiam Esaias quàm *ἡ ἐκκλησία τοῦ κυρίου* cœtum: denique illum ipsum discipulum, cuius non doctrinam retinuit sed cathedram fur ille & prædo ac perditus filius vestrū omnium pater inuasit, testatur Christus fidem quam professus erat non à carne & sanguine, sed à patre cœlesti didicisse. Nam quòd excipitis sic futurum, si hæc ratio valeat, vt Spiritum sanctum vnusquisque iactet, non modò falsò, sed etiam ineptè in eos dicitur qui spiritum mendacem à veritatis spiritu discernendi tum alias tum maximè duas istas regulas vt certissimas tradūt. Vnam vt quicquid extra verbum scriptū profertur pro falso habeatur, alteram vt omnes scripti verbi interpretationes seu à veteribus doctoribus seu à recentioribus quibuscunque allatæ, ad certorum & *ἀνεκτίκων* nostræ religionis capitum normam &

analogiam collatis scripturæ ipsius loci exigantur. Hocceine verò est phanaticum esse, & enthusiasmos captare, ac non vos potius quam istam disputandi rationem refugitis, huius ipsius sceleris rei tenemini quod nobis impingitis?

Postremo tandem loco nos omnes à vobis dissentientes, in octoginta quatuor nō modo diuersas sed etiam repugnātes sententias discerpis, vt in ista confusanea quam vocas opinionum turba, doceas veritatis spiritum non residere. Respondeo hanc semper fuisse, esse, ac futuram ad extremam vsque huius mundi nectam, humani iudicij imbecillitatem, etiam inter eos quos constat Deum sancto suo spiritu affluisse, vt nemo illorū vnus omnia in rebus etiam maximè necessariis viderit, iis quidem exceptis quos omni exceptione maiores fuisse constat, Prophetis videlicet & Apostolis, per quos sic loquutum Dominum nō ex hominum (vt vos vultis) consensu, sed ex ipsis eorum scriptis constat, vt si quis illa in dubium reuocet, omni eum ratione carere possit demonstrari. Dico & illud, vix vlli vnquam datum fuisse vt animi sui sensa tam commodè vt oportuit explicare posset. Deinde non omnia vno tempore neque in mentem venire scriptori possunt, neque etiam si in mētem veniant, eodem loco sunt pariter explicanda. Ex quibus efficitur rem iniquissimam illos facere, qui vel ex singulorū doctorum scriptis de Ecclesiarum fide & doctrina, vel ex alicuius scriptoris hoc vel illo testimonio, quæ fuerit ipsius de toto aliquo dogmate sententia ostendere conantur, vt vel eos in suas partes pertrahant, vel pro suo arbitrio condēnent. Hæc
si forte

si forte ita se habere inficiaris, ipsos tibi vetustissimos quosque sacrarum literarum interpretes, tum Græcos tū Latinos fero. Quod si ad vestros illos patres Scholasticos perueniamus, Deus bone, quæ illic dissidia, quas factiones in hoc ipso de Sacramentis argumento comperiemus? Namne magistrum quidem illum vestrum per omnia vos sequi sustinueritis. Sed hæc omnia, postquam accerrimè dimicatum est, vnico verbo scilicet componuntur, si quis quæcunque blatera-uit, Ecclesiæ Catholicæ non illius veræ & vnicæ à scripti verbi auctoritate in Christianæ religionis placitis pendentis, sed inanissimæ ac portentosissimæ chimææ Romanæ iudicio se stare dixerit, ad quod etiam asylum Scotus confugit, vbi validissimis rationibus vestram transubstantiationē subuertit. Cæterum quod ad rem ipsam attinet, (vt taceam qua tu fide partim ex aliorū nullius fidei hominū collectaneis ista descripseris, partim ipsemet excerpseris, quum prolatis ipsorum auctorum locos potius oportuerit) quorsum tu, quæso, nobis Anabaptistas, quorsū Schu- enfeldium, quorsum Carolstadiū, Campanum & Villagagnonis aduersus Pontanū nescio quem testimonium, quorsum denique illos obiicis vbi- quitarios quos nemo sanæ mentis non videt cum Nestorio personam Christi diuidere, cum Euty- chete proprietates naturarum confundere? Ita- que quum nos ab illis non minus quàm vos, imò etiam ab illorum quibusdam magis quàm vos dissideamus, quò iure tandem illos nobiscum committis? Neque enim nostrū est nescio quo- rum imperitorum vel falsò vel improprie dicta

præstare, cuiusmodi sunt etiam quæ tu Molinæo homini furioso apud vos & inter vos mortuo, & Erythræo nō Theologo sed Rhethori, tribuis. Iā uerò illius Illyrici quia tu camarinam cōmouisti ut inde haustum quod tibi saperet nobis propinates, tenemur scilicet in vestri gratiam, illam etiā ad fundū vsque scrutari. Absit hoc verò à nobis, qui vobis potius omnes istas absorbendas etiā, si libebit, sordes ultro relinquimus. Nec enim aliud ista sunt quā veneni ex fœdæ illius Romanæ vestrę meretricis poculo propinati fæces, quas olim haustas non quibusvis postea penitus statim euomere cōcessum est. Ergo ex sententiis ea qua voluisti fide abs te descriptis quoties nobiscum ages, illas omnes expungas oportet Illyrico, Schuenfeldio, Stancaro, Brentianis, Lango, Hesnusi, Anabaptistis, Erythræo, Pontano, Carolstadio, Campano, Molinæo attributas, quorum sententiā neque tu neque nos vllō modo probamus. Cætera non recusō quin expendātur, si prius hoc vnum præposuero, manifestū esse te in hoc quoq; calumniatorē quòd quæcūq; de ista controuersia sunt ab aliquo scripta perinde accipis, ac si totidem essent ipsorum institutionis verborū interpretationes. Cæterū à Luthero nos in Cōsubstātiationis dogmate dislētire, & cō vsque dissidiū istud (cuius culpa Dominus nouit) exarsisse, ut inde grauissimū schisma sit inter nos, cōmunes alioqui vestræ Idolomanie hostes, sequutū, inficiari nec possumus nec volumus. Propterea tamē vel illū non fuisse seximiū Dei organū, vel Ecclesiæ veræ notas & in nostris & in illorū cœtibus nō extare minimè cōsequitur, quū (ve-

lint

lint nolint vobiscū nonnulli discordiarū satores & fautores) fundamentū ipsum Christianæ religionis vtrunque idē retineamus, & in ipsius quoque Eucharistiæ ꝑcipuo fine, veri videlicet corporis & sanguinis Domini cōmunicatione, consentiamus, & à detestando vestro sacrificio pariter abhorreamus. Annotas ex Bucero & Lasco quod de actione dicūt, quasi videlicet nō panem sed actionē senserint à Christo demonstrari: quibus iniuriā facis. Nec enim aliud ita voluisse ipsos significare cōstat, quā panē extra ipsum vsum Cœnæ, nō habere rationē Sacramenti, sicut cera sigillo publico impresso, nō est tamen sigillū nisi instrumēto appēdatur. Nec aliter explicare potes vtrunq; illud quod Matthæo Smalcaldēsi tribuis quū inquit *istis locutionibus In pane vel Cū pane esse corpus Christi, nō intelligi locū aut tēpus, sed ipsam externæ Cœnæ quasi subiectū, à quo secundū locū & tēpus procul remotū est (Christi corpus: quod corpus in illo vel cum illo edi dicitur, nō tanquam in illo subiecto existēs, sed tanquam actionibus Cœnæ obiectum quæ circa panē exercētur. Item, corpus nō esse in proprio subiecto, nec in panis subiecto & materia, sed in obiecto Cœnæ & actionū eius. Nulla hīc igitur inter nos & illos dissensio, sed summa potius inter nos oēs aduersus idololatricū vestrū cōtrariū dogma cōsensio. Idem Buccerus ait corpus mēti demonstrari per verbū, sicut panis demonstratur sē sibus: itē ut ore panē, sic corpus animo cōcedi. Item panē esse symbolū quo corporis Christi vera cōmunicatio fidelibus exhibetur. Annon verò nos in hoc quoq; ꝑrsus cōsentimus? Eundem vis scripsisse, panē esse corporis Christi canalem, cuius dicti quis non videt hanc esse*

m.iiij.

sententiam, quòd hoc Sacramento, veluti interueniente quodam instrumento, Deus utatur, ut spiritualiter ipsius sanguine irrigemur, quod Sacramentalis vini potu menti repræsentatur? Idem ait *Cœnæ mysterium esse protestationem & κοινωνίαν Christi beneficiorū*, quod & ipsum verè dici, & idcirco Eucharistiam hoc mysterium vocari, quanuis non huic sit primarius Cœnæ Domini finis, tūc ausis negare, quin ipsius Christi voceretur arguaris? Eidem Lasci tribuis quòd *panem illum dicat esse societatem gratuito nobis delatam, siue ius & usum Christi in ipsius corpore*. Paulum igitur ipsum reprehende: at nos omnes vno consensu isti sententiæ assentimur. Est autem figurata per Metalepsin oratio qua effectū ponitur pro instrumentali causa interueniente, veluti quum idem Paulus dicit Euangelium esse Dei potentiam ad salutem, & Corinthios esse glorificationem suam. Sic Christus quoque dicitur esse resurrectio, quòd sit causa resurrectionem efficiēs. Idem, inquis, scripsit hanc communionē esse in Christi corpore nō iuxta substantiam ipsius naturalem, sed iuxta meritum passionis & mortis, & gloriam admirandæ resurrectionis, cuius sententiæ testem citas Melanchthonem in iudicio de Cœna Domini. Tu verò videris vnde & qua fide istud, ac pleraque fortassis alia, descripseris. Quod si quid tale Lasci scripsit, certum est noluisse sublatam ipsiusmet traditi pro nobis corporis communicationem spiritualement, sed realem illam substantiarum *συνάφην* & (ut tu loqueris) cōtactum ac commixtionem (ut durè interdum loquitur Cyrillus, alibi tamen commodè sese explicans) & Cyclo-

picum

picum ac impium veſtrū dogma damnaſſe: quod etiam alibi qualitatis nomine ſignificat, vt declareret myſticæ noſtræ cū Chriſto per fidē concorporationis fructum in noſtri immutatione poſitum eſſe. In his autem quam tandem inter nos quos oppugnās repugnantia inuenies? Quod enim dogma nobis ex Vnicordio neſcio quo tribuis, *quod videlicet à corporis Chriſti ſubſtantia gratiam & efficaciam nunquam ſeparemus*, vtrò omnes contra vos & vobiſcum ſentientes vno conſenſu amplectimur: nec viciffim à Chriſti energia & beneficiis ipſummet Chriſtum ſeiungimus. Itaque contrarium veſtrum Satanicum dogma quo non ex corporis Chriſti reiectione & contemptu ſed ex ipſomet corpore Chriſti indignè recepto iudicium promanare comminiſcimini, ex luce tenebras & ex vita mortem elicientes: itēque alterum veſtrum errorem quo Chriſti beneficia fingitis extra ipſiuſmet communionem tribui, abomina mur. Sed & in eo quod ex Vireto collega quondam meo, doctiſſimo & optimo viro citas, omnes idem ſentimus, *totam hanc videlicet Cœnæ actionem ſymbolam eſſe non tantum corporis & ſanguinis, ſed etiam mortis & effuſionis pro nobis factæ*. Nec enim duntaxat panem & vinū ſed etiam Sacramentales ritus à Chriſto inſtituti (quos partim ſuſtuliftis, partim immutaſtis, partim etiam intollerabili audacia multiplicatiſtis) puta fractio, infuſio, præbitio, acceptio, manducatio & potatio inter huius myſterij partes à nobis recensentur: nec eſſet nobis viuifica Chriſti caro, niſi vt pro mundi vita tradita, nobis fruenda præberetur. Quod etiam ſcriptum dicis in Si-

lesiorum confessione *Hoc admonere nos de corpore Christi per fidem edendo*, pariter omnes profite-
mur, & haud satis scio an tu ipse inficiari audeas.
Quod autem ex Clebicio citas, *In ista locutione, Cum pane est corpus, Cum non esse prepositionem sed aduerbium temporis, & significare capi corpus quando capitur panis*, etsi rectè explicatum tolerabile est, sit sanè tamen privati hominis argutiola ex qua multò iniquius fuerit statuere nostram Ecclesiam dissidiis laborare, quàm si ex vestri Catarini & Seri contentionibus scissum esse vestrum illum Catholicum quem iactatis consensum collegerim. Iam ad nostros venio, inter quos libenter etiam persuaseris regnare discordiæ spiritum. Nostros appello, magnos illos Dei feruos, quorum opera tot Ecclesiæ sunt ab Antichristi vestri iugo liberatæ, quorum spiritus nunc sunt in cælis, scripta verò in terris tam sunt optimo iure vobis Antichristi mancipiis formidabilia, ut illorum nomina ne ferre quidem possitis, Oecolampadium, dico, Zuinglium, Calvinum, Martyrem, & nuper ereptum nobis Bullingerum, quorum sententias à te excerptas, age, perpendamus. Scribit Oecolampadius *Cœnam Domini esse commemorationem corporis Domini, Panem illum esse symbolicum corpus, id est, veri corporis figuram. Item esse signum quo admoneamur corpore Christi pro nobis tradito nos viuificari: item esse symbolum quod testatur nos uno eodémque corpore redemptos. Scribit Zuinglius, panem hunc significare corpus. Item, pane illo & illo vino naturam Christi humanam significari. Item, diuinitatem & Spiritum Christi eum demum esse qui nos viuificet, ac proinde spiri-*
tualiter

*tualiter intelligendum esse Cœna mysterium Et fide
 ac animo, non ore & dentibus manducandam Domini
 carnem. Item, mortem & passionem Christi in
 Cœna mysterio representari & fruendam præberi.*
 Idem ostendens vnus fidei oculo corpus Christi
 in Cœnæ mysterio spectandum, ait *hoc corpus
 esse fidei corpus, fidei, inquam, in ipsum Christi-
 stum: quæ tria posteriora dicta quum à vobis per-
 inde torqueantur ac si diceret Zuinglius panem
 hunc vel hoc corpus esse diuinitatem seu spiri-
 tum viuificantem, vel mortem seu passionem i-
 psam Domini, vel esse corporatam quandam
 fidem, quid vobis impudentius fingi potest?*
 Eundem denique vt & Oecolampadium dicis
*vocare panem symbolum corporis, & à Zuinglio
 adiici quatenus pro nobis datur, nempe vt intelli-
 gatur corpus illud non nisi cum sua determina-
 tione (veluti nimirum datum pro mundi vita)
 nobis in Cœna præberi. Quod si hæc inter se
 compares, vt ad minimum vsque apicem om-
 nia perscruteris, nullum in illis ne tantillum
 quidem discrimen inueniri posse dico. Quod e-
 nim à nonnullis obiicitur, Zuinglium quidem
 in Verbo EST, Oecolampadium autem in at-
 tributo ipso Corporis tropum constituere, ac
 proinde inter se dissidere, futilissimè concludi-
 tur, si rem ipsam non verba spectes: quod e-
 tiam non pigebit pluribus explicare, vt tan-
 dem (si fieri potest) calumniari tam consen-
 tientes inter se homines desinatis. Dico igitur
 eas esse verè proprias enuntiationes in qui-
 bus ipsi, quos vocant, termini tum per se tum
 relatè, id est, quatenus attributum de*

subiecto dicitur) considerati, propria significatio
ne accipiuntur, vt si dicam *Circumcisio est signum
fœderis illius cum Abrahamo sanciti*: figuratæ au-
tem sunt, in quibus attributum (id enim in sub-
iecto rarissimè contingit) translatitiè accipitur,
vel per se, vt quum dicit Christus de Herode
quod sit vulpecula, & de Iuda quod sit diabolus,
& de Christo Iohânes quod sit agnus tollens pec-
cata mundi, vel propriè quidem per se dicitur,
impropriè verò si relatè consideretur, id est, qua-
renus non quid sit in se spectatur, sed quo sensu
de subiecto dicatur, cuiusmodi frequentissimæ
sunt enunciationes. Sic, exempli, gratia, *Circumci-
sio est fœdus*. Nec enim hîc negari potest, quin &
subiecto declaretur circumcisio propriè accepta
& attributo verum illud ipsum fœdus intelliga-
tur, quod in superioris generis exemplis de vul-
pecula, diabolo, agno non dixeris. Verum si rela-
tè consideres attributum, comperies propriè id
tribui circumcisioni non posse, quum id ipsum
quod aliquis pepigit & adhibito sigillo obigna-
tur sit ab ipso sigillo diuersum. Erit ergo figura
in ipsa attributione, siue in attributo, non per se,
sed relatè considerato. Sic in ista enunciatione
non accepta identicè, *Hoc, id est, hic panis est cor-
pus meum quod pro vobis traditur*, necesse esse dico
proprium panem & proprium Christi corpus in-
telligere si per se quid & hoc & illud sit in hoc i-
pso Sacramento consideres: sin verò quomodo
vnum de altero dicatur spectemus, tunc erit ne-
cesse tropum in attributione ipsa, siue in attribu-
to relatè considerato statuere, quum verus panis
& verum corpus humanum sint disparata. Hunc
autem

autem tropum esse dicimus Metonymiam explicandæ Sacramentorum naturæ, veritati, & efficacitati vsque adeo accommodatam, vt illis commodè explicandis trāslatitia hæc attributio multò magis quàm propria & natiua conueniat. Verbis igitur differunt, re verò prorsus conueniunt istæ verborum institutionis Cœnæ Domini explicationes, *Hoc est Sacramentaliter corpus meum, Hoc significat corpus meum, Sacramentali videlicet significatione, &, Hoc est Sacramentum? symbolum, figura, signum, tessera corporis mei.* Ex quo etiam liquet quàm ridiculi & inepti sint qui perinde aduersum nos disputant ac si symbolicum & mysticum nescio quod corpus pro nobis traditum in Cœna pro vero illo vnicóque corpore statueremus. Sed illud addo, ex figurata ista attributione prodiisse illud enuntiationū genus figuratum quod in ipso attributo per se considerato positum diximus, quo sensu Cyprianus de hoc Sacramento disserens, corpus Christi quotidie creari, & Augustinus in terram cadere & consumi scripsit, quo etiam modo necessarium esse videtur ipsius Lombardi sententiā exponere vbi corpus Christi tum signum tum rem signatam esse dixit. Et de summis quidem illis viris, duabus verè suo tempore in templo Domini plantatis oleis, eundem salutarem doctrinæ cœlestis liquorem pretiosissimum vno consensu fundentibus, hæcenus dictū esto. Venio ad tres illos istorum successores, Bullingerum, inquam, Martyrem & Caluinum (quibuscum Heidelbergensem Ecclesiam cōiungo) quos ab illis in Cœna Domini dissenisse non prius euiceris quàm Solem ostende-

ris meridie non lucere. Hæc igitur tribuis Bullingero, *Cenâ Domini esse symbolū sacrū gratiæ & redemptionis nostræ quod post se Dominus reliquerit.* Annon verò quod Sacramentū noui fœderis est, signū est gratiæ nobis collatæ, in cuius celebratione mortē Christi annūtiare iubemur donec ipse veniat? & ne clamites signū hoc esse nudū ali quod mortis Christi *μνησμων*, audi quod ex eodē profers, *Hoc est obsignatio corporis pro vobis traditi*, obsignatio certē intra fideiū mentes ipsum Christū fide participātes. Audi denique & illud à te ipso exscriptū, *Hoc Sacramēto significatur* (effica ci videlicet Sacramentali significatione) *passio & mors mea, ac cōmunio cū omnibus sanctis.* Expēde & illud *Hic panis est symbolū quo vera corporis mei cōmemoratio fidelibus exhibetur*, quas sentētiās nisi agnoscis prorsus cōsentire quid tibi tadē cerebri inesse quisquā credat? Istud denique abs te ex eodē prolatū, *Hoc est mysticū corpus meū seu Ecclesia sanctorū, meo corpore redempta*, ostēdit qua fide sint isti centones à vobis confuti. Postquā enim Bullingerus in illo suo de Sacramentis tractatu, de nostra cū ipso Christo cōiunctione differuit, accedēs ad mutuā nostri sub eodē illo capite confociationē, & illa Pauli verba explicās, *Nos multi sumus unus panis & vnū corpus*, de corpore mystico id interpretādū docet. At vos Sycophātæ ad institutionis verba perinde hoc trahitis ac si corporis appellatione in his verbis *Corpus meū quod pro vobis traditur* corpus mysticū intelligendū diceret Bullingerus: quū hæc altera nostri in vnū corpus mysticum confociatio sit illius prioris, nēpe ipsiusmet Christi participationis effectum eā conf-

sequēs, in qua etiā posteriore coadunatione Christi nō corporis sed capitis, Ecclesia verò corporis à capite depēdētis rationē & appellationē sortitur. Et quis vestram hāc in corrūpendis sanctorum hominū scriptis impudētissimā audaciam ferat? Venio ad Martyrē, cuius incōparabilis & eruditio & pietas, quò magis illā obscurare conabimini, tātò magis eternū effulgebit. quicum etiā ausi estis cōminisci mihi & collegis meis diffidiū in Pissiaceno cōuentu intercessisse, quū tamē nulla maior animorū & voluntatū coniunctio ne cogitari quidē possit quā tū inter nos aduersus vestrā cōiurationē fuit. Fingis tu igitur illū sic inuertere Christi verba, *Corpus meū est hoc*, quod impudens esse mendaciū affirmo, quanquā si panis est corpus, corpus quoque esse panis necessariò dici potest. Sed hoc ita illū dixisse vt Schuenfeldio asseriretur nūquā ostēderis. Ex eodē istud citas, *panem esse symbolicum corpus, seu figura veri corporis*, quod & ipsum Zuinglio, Oecolāpadio & Caluino attribuis, vt te ipso teste constet de horū omnium cōsensu. Eundem quoq; vis scripsisse, *Hoc est corpus Christi quod dat nobis animo edendū sicut panē ore*, quod quidē nos oēs & animo & ore p̄fitemur. Deuenimus tandē ad illū cuius ne mortui quidē nomē ferre potestis, Calvinū videlicet, selectum Dei Opt. Max. ad euertendā Antichristi tyrannidē organū, cui sentētias istas attribuis. *In Cœnæ actione, nō tamē in pane exhiberi Christi corpus*. Rectē p̄fectò. Absit. n. vel vt nō præster Deus quod adiecta etiā oblatione offert, vel vt verū Christi corpus nūc alibi quā vbi est, id est, in cœlis p̄ fidē q̄ratur & inueniatur. *Panē illū esse symbolicū Christi corp⁹* (id est, sacramentaliter dici corpus) seu figuram

veri corporis. Hoc verò etsi verè dicitur, modò adiiciatur minimè inanem esse hanc figuram, tamen falsò à te citatur quasi ex consensu Tigurini de promptum. Sed & ista quis nostrum contra vos non agnoscit?

Hic panis est signum efficax corporis mei, & participationis cum eo.

Accipite edite, quod pro vobis datur, est corpus meum.

Item, Hoc est symbolum quo vera corporis mei communicatio exhibetur fidelibus.

Item, Hoc est symbolum promissionis meae de carne mea.

Item, Adest corpus meum spiritali praesentia & participatione.

Item, Hic panis est corpus meum Sacramentali locutione & coniunctione per Metonymiam signi & signati.

Ista verò quæ sequuntur quum calumniosissimè à te proponantur, vera explicatione indigēt, ut fucum vos imperitis facere ex Caluini libris in pulpito coram plebecula propositis nemo miretur, quos non pudeat illa scriptis committere quæ partim falsissimè partim impudentissimè à vobis esse detorta, ex ipsa locorum descriptione omnes intelligant. Sunt autem ista huiusmodi.

Citas istud ex Caluini 5. ad Ephesios, *Hoc est mysticum corpus meum, seu Ecclesia sanctorum redempta corpore meo.* At quæ hæc impudentia est? Extat in hominū manibus liber. Caluini autem hæc ipsa sunt verba. *Quemadmodum Eva ex Adæ mariti sui substantia formata est ut esset quasi pars illius, ita nos, ut vera simus eius membra, substantiæ ipsius communicare oportet, & hac cōmunicatione nos coalescere*

coalescere in unum corpus. Denique eam nostri cum Christo unionem his verbis, *Membra sumus corporis eius, ex carne eius & eius ossibus* Paulus describit, cuius in sacra Cœna symbolū & pignus nobis datur. Sic ille nostrā cum Christo verè mysticæ consociationis mysteriū declarat, cuius pignus quoddam ait esse Cœnam Domini. An inde verò colligere debuisti institutionis Cœnæ verba perinde à Caluino exponi, ac si panē illū diceret Dominus esse mysticū suum corpus, id est Ecclesiam, ac non potius illud ipsum corpus pro Ecclesia datum?

Istud autē quod ais à Caluino & Calvinistis, quos vocas, passim dici, *Hæc est participatio corporis mei si fides adsit, sin minus oblatio, quæ recusat ab indignis*, sanè non inficiamur, imò vno consensu contrarium vestrum dogma detestamur, modò oblationis vox nō ad Deum referatur, cui accedentes Christum offerant: sed ad accedentes quibus tum dignè tum indignè accedentibus Christus in mysterio Cœnæ offeratur, quanuis à solis fidelibus participetur.

Profers & istud, *Hoc est testamentum in corpore meo*, Verba Caluini hæc sunt in 1 Cor. II. 25. non in hæc verba, *Hoc est corpus meum*, sed in ista, *Hic calix est nouum testamentum*.

Quod de calice predicatur pani etiam competit, adeoque hac locutione exprimitur quod antea breuius dictum erat, panem videlicet esse corpus. Ideo enim nobis est, ut sit Testamentum in corpore, id est, fœdus quod semel immolatione corporis sancitum fuit & nunc sancitur vescendo. dum scilicet ex illo sacrificio epulantur fideles. Hæc ille, cuius verba quomodo sic detorques ac si Calvinus hæc enuntiationem

Hoc est corpus meum, totidem istis verbis exposuisset, ecquis tuam calumniam non animaduertit? Istam autem sententiam si negas, quid superest nisi ut in solo sanguine fanciatur testamentum, ac proinde quum calicis usum plebi sustulistis, scelus à vobis inexpiabile sit admissum?

Quod ex Caluino subiicis, & à me in Pissiaceno conuentu declamatum dicis, *corpus illud ipsum* videlicet *quod pani attribuitur*, censere nos tam procul esse dissitum à pane quam cœlum, ubi nunc est & non alibi, abest à terra, ubi nunc est & non alibi sumus, scito, omnes nostrarum partium Ecclesias summo consensu istud profiteri: sed illud abs te versutè dissimulatum est, quòd videlicet nihilominus credamus fideles, non obstare locorum interuallo, spiritualiter & tamè verissimè ac efficacissimè per fidem, non tantum Christi donorum, sed ipsiusmet verè fieri participes, atq; adeo ipsimet Christo verè Spiritus sancti vinculo, inenarrabili mysterio, vniri, vnde vitæ æternæ succ⁹ hauriatur.

Tribuis Caluino hanc quoque sententiam ex Instit. lib. 4, cap. 17. num. 12. *Hic est canalis Spiritus sancti per quem quicquid est Christus ad nos descendit*. Item, ex eodem libro & capite, num. 9, *Hæc caro est canalis vitæ*. In his autem quod ad priorem locum attinet falsarium esse te dico, nempe & in citadis verbis, & in re ipsa. Nam verba hæc sunt Caluini postquam vestram illam localem præsentiam damnauit, *Hæc non opus est*, inquit, *ut ipsius participatione fruamur, quandoquidem hoc beneficiū per Spiritum suum Dominus nobis largitur, ut vnum Spiritu, corpore, anima secū fiamus*. Vinculum ergo istius coniunctionis est Spiritus Christi, cuius noxu copulamur,

copulamur, & quidam veluti canalīs per quem Christus ipse & quicquid est & habet, ad nos deriuatur. Aio igitur te falsarium hīc esse qui quod de Spiritus sancti virtute & operatione (hic enim est Christi Spiritus) scripsit Calvinus, ad corpus ipsum Christi detorqueas. Non ignoras autem Chrysostomum hac ipsa de re agentem, Patrem quidem fontē, Spiritum verò fluuiō inde emananti comparare, qui carnem Christi compleuerit, ex cuius postea plenitudine idem ille Spiritus accepta dona fidelibus admetiatur. Iam uerò quoniam vna & eadē est trium personarū deitas, differens eodem 4. lib. & cap. 17, num. 9. Calvinus de virtute illa Christi viuifica, quæ in Christi carnē tota redūdat, vitā ipsam cum aqua, Verbi deitatem cum eiusdem vitæ scaturigine, carnem cum fontis veluti quodā conceptaculo comparat, ex quo sit illa nobis haurienda. Quam autē carnem eo loco fontem à scaturigine distinctam vocauit, idem Calvinus, fateor, in Iohā. 6, eodem prorsus sensu canalē vocat, ex quo vno vita ad nos emanet: vnde etiam concludit carnis ipsius & sanguinis Domini communionē omnibus necessariam esse qui ad vitam æternā aspirēt. Itaque & Pater & Filius & Spiritus sanctus sunt ipsa scaturigo vitæ, sed aliter Pater, aliter Filius, aliter Spiritus sanctus, sicut in toto salutis nostræ mysterio non tantum hypostases, sed etiam effecta distinguī oportet, quanuis ad externum opus inseparabiliter cōcurrant. Caro verò Christi, fontis quidem conceptaculum per se, quatenus autē in nos profluit, canalīs rectē dicitur: & Spiritus sanctus quatenus eius proprium est tum ipsum Christum

n. ij.

nobis per fidē adiungere, tū dona ex hac ipsa carne Christi accepta singulis admetiri, rectē quoque canalis conceptaculo comparatur, quo aqua in irriganda loca deuehitur. Non debuiſti igitur ista cōfundere, quasi carnem Christi in spiritum Calvinus transformet, (quod vos potius Marcionem secuti facitis, quū suis illam dimensionibus spoliatis, & essentiā eius in sese inuisibilē facitis) vel quasi pro carne ipsa Christi solā eius energīā siue sola beneficia in Cœnæ mysterio substituat: aut vt tu ridiculē comminisceris, Christi substantiam percolet, aut denique Christianam religionem in canales aut tubos transmutet, quæ putida mendacia longiore refutatione nō egent. Illas autem similitudines totidem penē verbis esse ex sacris literis depromptas, tūne inficiari audebis? Sequitur istud, *panem esse instrumentum quo Christus nobis suū corpus distribuit*, quod si perinde accipis ac si verba ipsa institutiōis Cœnæ Calvinus totidē istis vocibus explicaret, rursus facis quod Sophistæ solent. Disserens autem Calvinus passim de ipsorū signorū vi, aduersus vestrū illud diabolicū dogma, de opere operāte & opere operato & de virtute intrinseca ipsis Sacramentis inherente, tueretur, in contrariam partem signa quæ Sacramenta vocantur nullam in sese vim aliam inclusam habere, quā oculis per analogiam testificādi quod per externum verbum auribus significatur, ipsam autem rerum significatarum præbitionem & perceptionem totam in solidum ab vnus Spiritus sancti virtute sese intus exerente & illis externis rebus tanquam mediis & instrumentis ad fidem excitandam ac fouendam v-

tente

tente proficisci:quam sententiam si damnas, re-
lego te ad vestrum Durandum in lib. Sententia-
rum 4. distinct. 1. quæstione 4.

Profers istud quoque veluti ex Caluino in lo-
cum illum Math. 26. depromptum, *pauperes sem-
per habebitis vobiscum. Hæc est virtus & gratia spi-
ritalis mea.* Et istud, *Hoc est symbolum & testifica-
tio quæ spirituales gratias figurat*, quasi videlicet
Calvinus in verbis institutionis Cœnæ per Cor-
pus p nobis traditū intelligat ipsius beneficia in
nos collata. Disputās eo loco Calvinus nō de Cœ-
næ mysterio, sed de illa vnctione pedū Christi &
de externis illis tantis & tā malè collocatis sum-
ptibus, quibus faciendis domus etiam locupletis-
simæ à vobis exhauriuntur, tandem in hæc verba
erumpit. *Clarè significat Christus quod tunc semel
fieri voluit, sibi in posterum minimè gratū fore. Nam
quum pauperes semper in mūdo fore dicit, inter quo-
tidianum cultum distinguit, cuius vigere debet usus
inter fideles, & illum extraordinarium qui cessavit
ab eius ascensu. Volumusne pecuniam benè locare in
vera sacrificia? pauperibus erogemus. Nam se nobis-
cum Christus esse negat ut externis pompis colatur.
Scimus certè adeoque fidei experientia sentimus vir-
tute & gratia spiritali nobis esse præsentem, sed vi-
sibilis nobiscum non versatur ut terrenos honores à
nobis recipiat. Quare vesana est eorū oblectatio qui
ludicras impensas inuito & recusanti obtrudūt: Hæc
ille, quæ quū tu perinde detorques ac si Calvinus
verba institutionis explicaret, & pro Christi Cœ-
næ corpore gratiā eius & energiam spiritualem
substitueret, quis te tā impudenter mentientem
meritò non detestetur?*

Nec verò aliū te præstas in eo quod mox consequitur, *Hoc est abstractum quid ex substantia corporis mei.* Vbi verò tandem hoc Calvinus? in ratione ineundæ concordia, inquis. Verba Caluini hæc sunt, *A voce, Spiritualiter, nonnulli abhorrent quod sic putent imaginarium aliquid vel inane notari.* Ergo hîc etiam succurrat definitio necesse est. *Spiritualis ergo manducatio carnali opponitur. Carnalis autem vocatur qua putant quidā substantiam ipsam Christi in nos trāsfundi, sicut panis comeditur.* Ex opposito autem dicitur spiritualiter nobis Christi corpus in Cœna dari, quia facit arcana Spiritus sancti virtus ut è cœlo ad nos penetret vita ex Christi carne, quæ vis & facultas viuificandi non incōmodè abstractum aliquid à substantia dici posset, modo sanè & dextrè hoc intelligatur, manere scilicet in cœlo Christi corpus, & tamen ad nos qui in terra peregrinamur, vitam ex eius substantia manare ac peruenire. Hæc ille, ex quibus nemo non videt Calvinū verā veri ipsius corporis Christi communicationem primo loco statuere, quam suo more, à fructu & efficacia inde ad fideles emanante distinguat, & illis verbis *Quiddam abstractum* interpretationē addere, ex qua intelligatur nihil materiale, sed vim viuificantem ex ipsa carne Christi veluti decerptā significari. Planè igitur Sycophantā agis, quum de ipso corpore Christi sic aliquid decerptū intelligi, & materialē aliquam ipsius Christi substantiæ portionē ita fuisse vis à Caluino significatam: quæ deliria vobis potius Sarcophagis Capernaïtis conuenire quis non animaduertit?

Citas & istud ex lib. Instit. 4. cap. 17. num. 3. & Comment. in 1. Cor. 11. 24. *Hoc est verissimum Christi corpus*

sti corpus ut verba sonant. Inspiciatur vterque locus ut hîc quoque insignis Sophista & alter λογιστής deprehendaris. Et si enim (qua in re ne vos quidem à nobis dissentiretis, nisi corpus Christi verum in Chimærà transformaretis) vbique testatur Calvinus verum corpus de vero pane dici: non tamen ait panem illum ita esse verum corpus, siue verum corpus de pane illo (ita ut verba sonant) sed figuratè dici.

Eadem astutia vteris in hac sententia citanda ex eodem institutionis lib. & cap. num. 10. *Hoc est meum corpus ibi, ubi est panis.* Verba Caluini sunt de vera cum carne Christi quanuis in cœlis manentis participatione, *Quod mens nostra non comprehendit, concipiat fides, Spiritum verè unire quæ locis disiuncta sunt.* Et mox, *Omnino isthæc piis tenenda est regula, ut quoties symbola videt à Domino instituta, illic certò rei veritatem adesse certò cogitet ac sibi persuadeant.* Ergo, inquis, sibi ipsi repugnat Calvinus. Etenim si veritas, id est, ipsum corpus illic adest ubi est panis symbolum, quanam erit ista locorum distantia? Imò quid hoc est aliud quàm sylabas aucupari? qua de re sic pulchrè Chrysostomus alicubi in pneumatomachos agens, *Attende diligenter quoties tibi dictum aliquod apparet obscurum, nec statim addicas te dictioni, sed expecta sententiæ finem.* Sequitur ergo apud Calvinum, *Quorsum corporis sui symbolū tibi Dominus in manū porrigat, nisi ut de vera eius participatiōe te certiorē faciat?* Vocat igitur Calvinus veritatē Sacramēti cū Augustino nō ipsum corpus, sed eius cōmuni cationē, id est, præstationē promissionis, cuius causa est institutū Sacramētū. Sic enim Augustinus

n. iij.

Corpus quidem Christi in uno loco est secundum veri corporis modum, veritas autem corporis Christi ubique est. nempe ubicunque sese nobis aut in verbo aut in Sacramētis spiritualiter seu edū exhibet.

Pergis præterea & hoc quoq; Caluino & Beza & Heidelbergēsis tribuis, *In hac Cœna quatenus est cœlestis actio & nō quatenus est externa & ter restis, est corpus meū.* Nos, sicut Sacramēta duabus rebus constant, vna terrena, altera cœlesti, ita dupliciter Cœnam illam mysticam spectamus: vno modo quatenus externis corporis, altera quatenus interioribus mentis actionibus, vtrinque mutuò se respicientibus peragitur: ac in illis quidem signa corpori corporali modo, in his rem signatam spiritali ratione menti & fidei adesse, itémque dari ac percipi dicimus. In hoc si quid habes quod reprehendas, ostende, vel nos tanquam Cœnam duplicem statuentes, aut terrestria separantes à cœlestibus, aut tanquam ἀεὶ βατὺν ἰας calumniati define.

Nec hoc quidē præterire voluisti, *Est obsignatio seu confirmatio gratiæ iam recepta ex eodem Instit. lib. & capite, numero 14.* quem locum falsò citas. Sed hoc verum est, statuere nos vnico fidei instrumento rem signatam, Christum videlicet ipsum, in Cœna percipi, ac proinde non incipere à Cœna Domini nostram cum ipso vnitionem, sed eā Cœna potius obsignari. Vestrum enim de opere operato dogma vt planè Satanicum toto corde cuncti detestamur.

Quæ porrò tu mihi obiicis responsione non egent quum sint mihi cum Caluino, istis quidem pauculis exceptis, communia, quorum.

Primum est, *Hoc est sanguis meus*, de qua interpretatione suo loco dixi.

Alterum est, *Hoc significat corpus meum*, quod tamen non ita ieiune à me scribi solere satis nosti, non quod id recte nō sic dicatur, sed ut calumniis vestris occurrā.

Tertium, *Hac est communicatio seu participatio corporis*, quasi per Apostolum sermo Christi explicetur, Ego scripti Apostoli verbis Christi sermonem illustrari, quo videlicet finis & scopus primarius Cœnæ dilucidè spectandus proponatur. Sed cur explanationem meam præteristi? Nam apertè dixi, id quod communicatur nempe corpus, ab eius communicationis instrumento, nempe Sacramēto, differre.

Quartum, *Hac unio est cum tota persona Christi*, ut corpus significet quicquid est Christus, Ego certè naturas Christi distinguere didici, separare non item: neque carnem Christi viuificam fore arbitror nisi ut Dei caro percipiatur. Aliud est autem istud quàm quod tu mihi impingis. Etsi enim corpus deitatis expers non percipitur, Christo tamen adhæremus, non deitatis ipsius, (utpote quæ, sola mediatoris persona excepta, realiter sit incommunicabilis) sed ea natura secundum quam frater noster est, & nos sumus os ex ossibus eius & caro ex ipsius carne.

Reprehendis denique Gallicam veterem noui testamenti versionem in hac Geneuensi Ecclesia excusam, quæ pro *Hoc est*, habet *C'est-cy*, id est, ut tibi quidem placet, *Hic est* siue in hoc loco est. Respondeo ne nostrum quidē vernaculum idioma abs te intelligi. Nam ut hæc esset sentētia,

dictum oportuit, *Icy est mon corps* omisso pronomine demonstrante, *Ce*, cui si particulam *Ci*, id est, *Hic* siue statim vt *Ceci est*, siue interiecto verbo substantiuo subieceris vt *C'est-ci*, idem declarat atque Græcè *Ἰὸν ἐστὶν αὐτῶν* vel Græcè vno verbo *Ἰὸν ἐστὶν*, Latinè *Hoc est*, & id quod est penes loquentem demonstrat: sin verò particulam *là* similiter adiunxeris, vt *c'est là*, vel *cela est*, tunc idè valet atque *Ἰὸν ἐκεῖ* & vno verbo *ἐκεῖ ἐστὶν*, Latinè *illud est*, & id quod penes illum est quem vel de quo loquimur ostendit. Et tamen vt omnis hac de re quærèdi occasio semel præcideremus veritimus postea & edidimus *Ceci est*

Superfunt tres criminationes siue abs te siue ab aliis ex quibus ista descripsisti (Deus bone qua tandem audacia?) excogitata!

Vna est, quòd *vestris scilicet argumentis*, (nugamentis rectius dixisses) *oppressi dicamus*, *Hunc panem esse symbolum qualitatis alicuius & virtutis à Christi corpore defluentis*, quæ in Cæna per fidem extrapanem recipiatur, Quasi verò centies millies non sit à nostris omnibus ac singulis inculcatum, quum ex vna Christi carne petenda sint nobis quæcunque ad salutem & vitam æternam requirantur, ipsimet Christo prius oportere nos spiritualiter ac per fidem vniri, ac ipsius membra fieri quàm eius spiritu viuificemur: ac proinde signa hæc non esse duntaxat ipsius energix, sed in primis ipsiusmet corporis ac sanguinis Domini fide participandi symbola. Sed vobis nimirum abesse & imaginaria esse videntur ista, nisi substantiâ rei signatæ signorum substantiam re ipsa contingat, aut potius nisi signorû substantia euanescat

nescat, aut in substantiã rei signatæ conuertatur: vobis, inquam, videtur omnis tolli vera Christi corporis ac sanguinis *κοινωνία* siue *μετοχή* (nam vtroque vtitur Paulus) nisi realis contactus & Cyclopica transfusio & commixtio substantiæ Christi cum nostro ipso corpore statuatur. Sed an quia tam vecordes estis, ideo hæretici sumus?

Altera calumpnia hæc est. *Hoc est corpus meum sine diuinitate & sanguine*. Vis enim hoc necessario sequi, ac proinde Nestorianos esse nos, quoniam neque communionē sub altera tantum specie, neque adorationem in Sacramento admittamus. Quasi verò etiã nusquam separatū est corpus à sanguine, ideo nos oporteat alterā mandati Christi partem vt superuacaneā tollere, qui nos distinctē corpus ipsius in panis Sacramento, vt æternæ vitæ cibum, & eiusdē sanguinē vt æternæ vitæ potū sumere, & quod fecit hoc facere disertis verbis, & vna eadēq; actione præcepit. Sed pulchrè scilicet vobis istiusmodi captiuncula caviistis, quoniam posita transubstantiatione realique in terris præsentia, quum separatæ sint reipsa species panis & vini, separari quoque corpus à sanguine oporteat, nisi concomitantiam istam, non quidem Christi personæ, sed tamen institutioni Cœnæ Domini repugnantem poneretis. Sed vobis euenit profectò quod ait Flaccus,

Dum vitant stulti vitia, in contraria currunt.

Duo enim præcipitia vos hîc circumstant, nempe quòd nec corporis appellatione sanguis in priorē institutionis parte, neque poculi voce corpus in altera intelligi sine tropo Synedoches, poterit, Vos autem omnem tropum vt scopulū refugitis:

Cap. 10. AD REPET. SAINCT.

deinde quòd si hoc valeat , certè sublato poculi usu, nullæ prorsus species supererunt , nec vllum signum quod sanguini substernatur.

Tertiam criminationē Melanchthoni impingis, quod nihil intersit siue corpus sit siue nō sit, nec esse de eo digladiandū. Os impudēs. Qui propter infirmos, nec dū in doctrina Ecclesię institutos, imò in erroribus cōfirmatos, optat rixatores vtrinq; abesse, cōtētiosos remoueri, portētosas illas quorundā cōmentationes cōuersionis, transubstantiationis, vbiquitatis eruditæ verustari ignotas semel tolli , contentiones vtrinque prohibendas, formā loquendi vnā quampiam, cuiusmodi illa Paulina est comuni consensu retineri, copiosè de Cœnæ fructu dici, tolerandos (videlicet ad tempus) & patientia lucrificandos in aduersa sententia, qui distractiones non faciunt in populo, (hæc enim sunt illius verba) an ille inutiliter quæri de re Sacramentorum putarit? Sed voluisti nimirum qua fide & cōscientia primam hanc repetitionem tuam exorsus es, eādē etiam

illam terminare. At ego Deum precor vt te

tuique similes aut ad veritatis studium

conuertat , aut iusto suo iudicio

compescat. Et de his qui-

dem hætenus.



1875-1876

The following is a list of the names of the persons who have been admitted to the membership of the Society since the last meeting of the Council, and who have been elected to the office of Secretary and Treasurer for the year 1875-1876.

ERRATA SIC CORRIGITO.

Fol. 5. pag. 1. l. 1. voluisti. fol. 10. pag. 1. l. 20. τὴν pag. 2. l. 28.
Mysterio. fol. 11. pag. 1. l. 18. Christum lin. 26. per modum. fol.
31. pag. 1. l. 17. vinum. fol. 32. pag. 2. l. 8. Puto. fol. 43. pag. 2. l. 7.
ὄνος. fol. 47. pag. 1. l. 13. prioris epistolæ. fol. 56. pag. 2. l. 16. no-
ui fœderis. fol. 63. pag. 1. l. 5. καλούμενον. fol. 71. pag. 1. l. 2. non fa-
cit. fol. 76. pag. 2. l. 1. quod. fol. 89. pag. 2. l. 27. Inuiti. fol. 92.
pag. 2. l. 3. Rhetori. fol. 97. pag. 1. l. 10. Polsiaceno.





